

جريدہ عدلیہ

۱۴ شوال ۱۳۲۸ صالی ۵ تشرین اول ۱۳۲۶

نومرو ۲۱

برنجی سنہ

قِسْمَتِ رِجَالِ

نوبہات عدلیہ

موصل ولایتی استیناف محکمہ سنک بر دائرہ قصرندن دولای محکمہ مذکورہ نزدیکہ مجدداً وعلاوۃ
یعنی لازم کلان اعضا ملازمہ سنک ولایت مذکورہ مرکز بدایت محکمہ سی اعضا ملازمی عادل اندینک،
اسکدار بدایت محکمہ سی مدعی عمومیلکی نزدیکہ مجدداً علاوہ اولان معاونلکہ محکمہ مذکورہ مقاولات
محرری فوادبک، مجدداً تشکیل اولان مرین سنجانجی بدایت محکمہ سی اعضا الغنہ انطالیہ تجارت محکمہ سی
رئیس سابق عونی افندینک، آنقرہ ولایتہ ملحق نعلو خان ومیخالجق وسیورحصار قضالرینک ولایت
مذکورہ مرکزینہ اولان بعد مسافہ سی حسینلہ ارباب دعاوینک تعقیب امورده دوچار مشکلات اولدقاری
عندالتفتیش نمایان اولسنہ وخداوندکار ولایتی داخلندہ بولان اسکیشهر قضاسنک اهیت موقعہ سیلہ برابر
اوراده موجوداولان تجارت محکمہ سنک کچندہ حسب الايجاب الغاسیلہ دعاوی تجاریہ وحقوقہ نک صلاحیت
رؤیتی قضا بدایت محکمہ سی رئیس عہدہ سنہ تفویض ایدیلوب حالبوکہ محکمہ مذکورہ اعضاسنک منتخب



وهيئت تحريره سلك قضائك جسامت وكثرت معاملاتك غير متاسب بولمستنه واشبو اوج قضائك انقره دن زياده اسكيشهره قريب اولديني اكلالستنه مبنی هم مذکور قضائر ارباب دعاويسنك مظهر تسهيلات اولملري تأمين وهم ده اسكيشهر قضاسنك مارالذکر اهميته بناء اوراده تشكيلات جديده عدليه تطبيق ايدملك اوزره وتشكيلات عدليه تشكيلات ملكيه غير تابع بولمستندن ناشی قضای مذکور مرکزنده اليوم موجود اولان بدايت محكمه سی رينه امثاله توفيقاً برلوا محكمه سی تشکيلي واعضاسنك نصي اوله رق تعيني وهيئت تحريره قادروسنك آکا كوره تعديل وتنظيمي ايله بصورتله تشکل ايدجك مذکور لوا محكمه سنك انقره ولايتي داخلنده كي سيوريحصار ميخالججق نعللوخان قضالرينه مرجع استيناف اتخاذي واسكيشهر لوا مركزينك ده مرجع استيناف اولمق اوزره انقره ولايتي محكمه استينافيه سنه ربطی لدى التسيب حقوق وتجارت وجزا دعوالريني رؤيت ايتك اوزره مذکور اسكيشهر لواسي بدايت محكمه سی رياسته تكفور طانغی مدعي عمومی معاوني حسيب افدينك اسكيشهر لوا محكمه سی مدعي عمومی معاونلكنه اسكيشهر قضاسي بدايت محكمه سی جزا رياستندن آچيقده قاله جق اولان قائل بكك اسكيشهر لوا محكمه سی اعضالغنه مكتب حقوقدن مأذون احمد صبري ، ادرنه مركز اعضا ملازملرندن نيازى افديلك، مجدداً تشكيل اولنان وزير كويري بدايت محكمه سی رياسته مانده مانده ناحيه سی بدايت محكمه سی رئيس سابقى رفعت افدينك ، مجدداً تشكيل اولنان عزيزيه قضاسي بدايت محكمه سی رياسته خداوندكار استيناف اعضا ملازملرندن ذكى شكرى افدينك، خداوندكار استيناف اعضا ملازملكنه مكتب حقوقدن مأذون فاضل بكك مجدداً تشكيل اولنان عزيزيه قضاسي مدعي عمومی معاونلكنه وان ولايتي مركز بدايت محكمه سی مدعي عمومی معاونلكندن مستعفى شوقى افدينك ، سنيچه سنجانغى بدايت محكمه سی جزا دائره سی رياسته بران سنجانغى مدعي عمومی معاوني عبدالمؤمن افدينك، مجدداً تشكيل اولنان سيواس ولايتي محكمه استينافيه سی اعضالغنه قارص قضاسي بدايت محكمه سی مدعي عمومی معاوني اوخانس ذكى افدينك ، مجدداً تشكيل اولنان معصوره العزيز محكمه استينافيه سی اعضالغنه مكتب حقوقدن مأذون دعوى وكيل، آواقيان الكساندر افدينك ، مجدداً تشكيل اولنان معصوره العزيز استيناف مدعي عمومی معاونلكنه مكتب حقوقدن مأذون نوري بكك، طوز قضاسي بدايت مدعي عمومی معاونلكنه اردو قضاسي مدعي عمومی معاون سابقى ساسي افدينك، معلقره قضاسي بدايت محكمه سی مدعي عمومی معاونلكنه بولمست ناحيه سی بدايت محكمه سی رئيس سابقى محمدنظمي افدينك، ايپك بدايت محكمه سی مدعي عمومی معاونلكنه پرشته سنجانغى سرمستطقي كمال افدينك، مجدداً تشكيل اولنان قسطنوني مركز بدايت محكمه سی اعضالغنه طرزون ايكنجي مستطقي طلعت افدينك ، مجدداً تشكيل اولنان مرسين سنجانغى بدايت محكمه سی اعضالغنه مكتب حقوقدن مأذون ودعوى وكيلي ديموستن ، قيصريه ملغا تجارت محكمه سی باش كاتبي نوري افديلك، مجدداً تشكيل اولنان سيواس ولايتي استيناف اعضا ملازملكنه بك اوغلى بدايت مدعي عمومی ميلكي كته سندن سامى افدينك،

مجدداً تشكيل اولنان سيواس مركز بدايت محكمه سی اعضالغنه قالونيا ناحيه سی بدايت محكمه سی رئيس سابقى لطفى افدينك آطنه استيناف محكمه سی اعضا ملازملكنه ولايت مذكوره مركز بدايت محكمه سی باش كاتبي توفيق افدينك، نقل وتعيينلري اسكيشهر قضا بدايت محكمه سی مدعي عمومی معاوني زهدى افدينك بحسب التشكيلات آچيغه چيقارلسي ومجدداً تشكيل اولنان طرابلس شام سنجانغى بدايت محكمه سی اعضالغنه حاسنجانغى بدايت محكمه سی اعضاسندن نغوم نجاتى افدينك، حاسنجانغى بدايت محكمه سی اعضالغنه حاب مركز بدايت محكمه سی اعضاملازمى قسطى سابا افدينك، مجدداً تشكيل اولنان طرابلس غرب مركز بدايت اعضالغنه ولايت مذکور ملغا تجارت محكمه سی اعضا دائه سندن سيدبكك ومحكمه تمين جزا دائره سی ضبط كته سندن ومكتب حقوق مأذونلرندن توفيق افدينك، مكرى قضاسي بدايت محكمه سی مدعي عمومی معاونلكنه سرفيچه سنجانغى مستطقي سابقى على حيدر افدينك، ميخاليج قضاسي بدايت محكمه سی مدعي عمومی معاونلكنه آيدونات مدعي عمومی معاون سابقى فريدون بكك ، قونيه مركز بدايت محكمه سی حقوق دائره سی رياسته سالانيك استيناف جنحه محكمه سی رئيسى على رضا بكك ، نكفور طانغى بدايت محكمه سی مدعي عمومی معاونلكنه پرشته سنجانغى بدايت محكمه سی مدعي عمومی معاوني مصطفى شكرى افدينك ، پرشته سنجانغى مدعي عمومی معاونلكنه پرشته قضاسي بدايت محكمه سی رئيسى محمدتوفيق بكك ، برات سنجانغى مدعي عمومی معاونلكنه رازلق قضاسي بدايت محكمه سی جزا دائره سی رئيسى سليمان سرى افدينك ، رازلق قضاسي بدايت محكمه سی جزا دائره سی رياسته طوز مدعي عمومی معاون سابقى عبدالرحمن درويش افدينك ، ديوربكي بدايت محكمه سی رياسته لسقويك قضاسي بدايت محكمه سی جزا دائره سی رئيس سابقى سعاد بكك ، مجدداً تشكيل اولنان سيواس مركز بدايت محكمه سی اعضالغنه مكتب حقوقدن مأذون كمال بكك ، ولايت مذكوره استيناف محكمه سی اعضا منتخبه سابقه سندن ديمتراكى افدينك ، دياربكر ولايتي استيناف محكمه سی اعضالغنه سرفيچه سنجانغى بدايت محكمه سی اعضاسندن نيغولاكى افدينك، مجدداً تشكيل اولنان خوشهرى بدايت محكمه سی مدعي عمومی معاونلكنه مكتب حقوقدن مأذون عبدالعزيز افدينك تعيينلري وجينه قضاسي بدايت محكمه سی جزا دائره سی رئيسى شكرى افدى ايله مديه قضاسي بدايت محكمه سی جزا رئيسى عونى افدينك اجراى بجايش مأموريتلري خصوصه اراده سنيه حضرت پادشاهى شرفتهلق بيورلمش ومومى اليهمدن محلف اوليانلرك تحليفلري دردست اجرا بولمستدر

تبلغات عمریه

عدليه نظارت جليله سندن تسطير بيويلا ۱۴ ايلول سنه ۳۲۶ تاريخي تحريرات عموميه صورتيدر :

« سكر آياق حواله نامه ده كي عائدات قارشولغندن مقاولات محررلرينك اولكي درت آياق عائداتدن استحقاقلري قالمش ايسه انك دفعه و تموزدن اعتباراً تحقق ايدمك عائداتك دخي بلا نقصان تسويه سي ايله عدم كفايتي حالده تخصيصات جديده اعطا ايدمك اوزره معلومات و برلسي لزومنه دائر »

مارت ، نيسان ، مائس و حزيان بودجه لري اوزرينه تخصيصات عدليه يي حاوي تنظيم وارسال قلنان حواله نامه لرده مقاولات محررلري عائداتي اوله رق ترتيب و تخصيص ايديلن مبالغك مقاولات محررلرينك مطلوبات متحققه لرندن نقصان اولديني مراجعات واقعه دن آكلاشلمش و موازنه عموميه نك تصديق و تبليغي اوزرينه تنظيم ايديلن سكر آياق حواله نامه لره عائدات قارشيلني ده ا مساعد درجه ده ترتيب وادخال ايدلمش ايدى . تحصيلات نسبتنده اعطا ايديله جكنه كوره وقوعه تابع بر مصرف ديمك اولان عائداتك هر محاجه سنه نهايته قدر تحقق ايدمك مقداري اولجه لايقيه تخمين اولنه ميايه جغه نظر آ سكر آياق حواله نامه ايله ترتيب ايديلن مبالغ بالطبع سنه نهايته قدر تحقق ايدمك عائداتك مقابله تخصيص ايدلمش برشي اولماديني حالده بعض محالرجه اشبو حواله نامه ده كي عائداتك مقداري تماميله سكر آياق اوله رق تخصيص ايدلمش فرضيله سكر آياق عائدات ايچون بوندن نه مقدار اصابت ايديو رسه انك تقسيم و تحقيقي جهته كيدلديكي جريان حالدن اكلاشلمه قده و توزيعاتك بوصورتله اجراسي محررلرجه نقصان عائدات و يريله چكي صورتنده تلقى ايديله رك توالى مراجعات و شكاياتي موجب اولمقده در . بناء عليه سكر آياق حواله نامه ده كي عائدات قارشيلغندن مقاولات محررلرينك اولكي درت آيدن متراكم استحقاقلري قالمش ايسه انك دفعه و تموزدن اعتباراً تحقق ايدمك عائداتك دخي بلا نقصان تسويه سي ايله عدم كفايتي حالده ترتيب ختمندن اول تخصيصات جديده اعطا ايدمك اوزره معلومات و يريله رك محررلر عائدات متحققه سنك نقصان اعطا ايدلمه سي لازمه دن اولديغندن آكا كوره ايفاي مقتضاسي توصيه اولنور .

عدليه نظارت جليله سندن تسطير بيويلا ۲۰ ايلول سنه ۳۲۶ تاريخي تحريرات عموميه صورتيدر :

« هر دائره جه برآي طرفنده تخصيصات مقتضاي تجاوز اتمامك اوزره مبايعه اولمان اشيا نك انواع و مقدار جه ائمانى مابين بايعه بر مبايعه علم و خبري تنظيم ايتدير يلوب زيري بواشيانك آ لنديني مين بر در كنارله تصديق اوله رق عائد اولديني رياست ويا مديريت طرفندن رسمى بر مذ كره ايله محاسبه يه توديع اولنمى لزومنه دائر »

۱۴ ايلول سنه ۳۲۶ تاريخي تبلغات عموميه يه ذيلدر اصول محاسبه عموميه قانوننك صور تطبيقيه سني متضمن اولان تعليمات نامه نك اونجى ماده سي حكمنجه اداره مركزيه مخصوص اجارات و اوطه جي اجرتي كي مصارف مقتنه نك و قرطاسيه و مطبوعات اجر تيله مصارف جزئيه متفرقه نك تحقق معاملاتى مأمور مخصوصاري طرفندن ياييله جق رسمي مذ كره لر اوزرينه ايفا و وقوعه تابع مصارفندن شعبات مختلفه يه عائد اولانلرينك تحقق معاملات سي ده شعبات مذ كوره رؤسا و مديرانى طرفلرندن اجرا اولنوب محاسبه جه بونلرك تحقق قيدي آلر طرفندن بالتنظيم موجب جهيه ايتران ايدن مذ كره لره بناء ياييله جني جهته مصارف قرطاسيه اوله رق انجمن اداره قراريله هر دائره ايچون شهرى تخصيص ايديلن مبالغك بعدما طوغريدن طوغري يه مبايعه ايديله جك لوازم قرطاسيه و متفرقه بايعه تسويه سي لازم كله جكنه كوره هر دائره ۴۰ برآي طرفنده تخصيصات مقتضاي تجاوز اتممك اوزره مبايعه ايديلن اشيا نك انواع و مقدار جه ائمانى مابين بايعه بر مبايعه علم و خبري تنظيم ايتدير يلوب زيري بواشيانك آ لنديني مين بر در كنارله تصديق اوله رق عائد اولديني رياست ويا مديريت طرفندن رسمي بر مذ كره ايله محاسبه يه توديع اولنمى لزومى بيان اولنور .

عدليه نظارت جليله سندن تسطير بيويلا ۱۸ ايلول سنه ۳۲۶ تاريخي تحريرات عموميه صورتيدر :

« محاكم خرجلريله تمميز جزاي نقديلرينك صورت تحصيله دائر »

محاكم خرجلريله اعلامات جزائيه قيدلرينك و تمميز جزاي نقديلرينك بعدما صورت استيفا واعاده سي حقه ده جريان ايدن محابره اوزرينه ماليه نظارت جليله سنجه مأمورين ماليه يه اجرا قلنان تبليغاتي حاوي تحريرات معاملاتك صور اجرايه سنه دائر ايضاحاتي متضمن اولديغندن معلومات اولمق اوزره بر صورتى لفاً ارسال قلندي .

محاكم خرجلريله تمميز جزاي نقديلرينك صورت تحصيله سنجه عدليه نظارت جليله سيه باخباره قرارلشديرلان صورت معامله بروجه زير تعريف اولنور :

طشروه محاكمجه استيفاسي لازم كلان اوراق تمميزيه خرجلري و اعلامات جزائيه قيدلري وساثر هر

درلو خرچلر محاکم محلیه نزدنده رسوم عدلیه پوللرینی حفظه مأمور اولانلر معرفتیه تحصیل اولنوب عرخل و سائر اوراق لازمه سی ظهرلرینه اقتضا ایدن پوللر الصاق و ابطال ایدیه جکدر . پول صرفیاتندن حاصل اولان واردات نقدیه ایسه پول حاصلاتی اوله رق اقشامدن اقشامه بردفعه مال صندوقه تسلیم اوله جق و مال صندوقه هر اقشام اله جق مبالغ ایچون بر مقبوض کسیره ک بر قلمده وزنهیه مقبوضات و واردات دفترینک محاکم نظامیه حاصلاتی حسابنه واردات قید اوله جقدر .

استدعای تمیز ایدنلردن ایلروده ایجابنه کوره رد و یا ایراد قید اولمق اوزره « تمیز جزای نقدیه سی » نامیه التمه اولان مبالغه کلنجه : بونلر ایچون رسوم عدلیه پولی استعمال اولنوب بشقهیه مقبوض قطع اولمق لازم کله جکندن مذکور جزای نقدیه محکمه باش کاتبی طرفندن ویریه جک مذکره اوزرینه طوغریدن طوغری مال صندوقه یا تیریه جق و مال صندوقلرجه امانت اوله رق آ یروجه مقبوض قطعیه قبول و قبض اوله رق (امانات) حسابنه قید اوله جقدر که اشبو مقبوض محکمه جه اصحابی یدندن آلتوب اوراق تمیزیه ربطاً محکمه تمیزه کوندریه جک و کیفیت ربطی و تاریخ و نومروسی تمیز استدعاینامه سنک ظهرنده ینه محکمه باش کاتبی طرفندن کوستریله جکدر . تدقیقات تمیزیه نتیجه سنده جزای نقدینک ایراد قیدی لازم کلدکه کیفیت محکمه تمیزدن خزینیه اشعار و مقبوضی ارسال ایدیه ک خزینیه جه اول وجهله محله تبلیغات لازمه ایفا ایدیه جکدر و اگر تدقیقات تمیزیه نتیجه سنده میز حقی چیقوبده جزای نقدینک کندوسنه اعاده سی لازم کلور ایسه محله ابراز ایدوب پاره سی آلمق اوزره محکمه تمیزیه مذکور مقبوض مشروحات لازمه ایله صاحبه اعاده ایدیه جکندن محتویاتنک لزوم اعاده سی حقه ظهرنده مشروحات لازمه یی حاوی وزیری محکمه تمیزدن مختوم اوله رق اصحابی طرفندن ابراز اوله جق مقبوضلرک ظهرینه علی الاصول پاره ک اعاده ایدلرکنه دأر شرح یازیلوب صاحبه تحیم ایتدیرلدکن صکره مقبوض صاحبی یدندن اخذ و حفظ اوله رق محتویاتی اماناتدن ردیات قیدیه تأدیه ایدیه جکدر . شوقدر که بوضورتله تأدیه سی طلب اولنان بر مبلغ امانت قیدی تدقیق اولنوب هنوز امانات حسابنده باقی اولدینی کورلمدکجه تأدیه ایدیه جکدر .

اخطارات : — مذکور تمیز جزای نقدیه یزینک حین اخذنده ویریه جک مقبوضه تمغا قانوننک رسوم مقطوعه تعرفه سنک اوتوزنجی نومرو سنک ایکنجه فقره سی موجب جه بکرمی پاره ک مقطوع پول یا بشدیریه جق و ایچنک حین رنده معافیات فصلنک الی طقوزنجی نومروسی موجب جه پول الصاق ایدیه جکدر . یالکنر حجاز تیموریولی منفعتیه مخصوص مطبوع مصرف کاغدی اثمائی مقابلی اوله رق بر غرو شلق حجاز پولی یا بشدیریه جقدر .

عدلیه نظارت جلیله سنندن طشره مأمورین عدلیه سنده تبلیغات لازمه ایفا ایدلش اولدینندن بر منوال محرر ایضای معامله یه اعتنا ایدیلوب اشبو تحریرات عمومیه ک لفا کوندریلان نسخه لرینک علی الاصول ملحقاته توزیع ایدلمسی توصیه اولنور افندم
فی ۲۵ رجب سنه ۳۲۸ و فی ۱۹ تموز سنه ۳۲۶

عدلیه نظارت جلیله سنندن تسطیر بیوریلان ۱۸ ایلول سنه ۳۲۶ تاریخی تحریرات عمومیه صورتیدر :

« ذمتنه مال میری کچرن مأمورین عدلیه علیه اقامه ایدیه ک اولان دعاویدن دولای تسویه سی اقتضا
دولای تسویه سی اقتضا ایدن مصارف محاکمه و سائر حقه »

ذمتنه مال میری کچرن مأمورین عدلیه علیه اقامه ایدیه ک اولان دعاویدن دولای تسویه سی اقتضا ایدن و بالاخره حقسز چقه جق طرفندن تحصیل ایدیه جک اولان مصارف محاکمه و سائر ک بعدما رؤسای محاکم تصدیق و اوراق مثبت سنک استحصالی ایله مصارف محاکمه حواله نامه سنه محسوباً مال صندوقلرندن وکلای دعاوییه تسویه سی حقه مأمورین مالیه یه تعمیماً تبلیغات اجرا ایدلرکی مالیه نظارت جلیله سنندن بیلدرلش و ایجاب ایدنلره تبلیغ اولمق اوزره اشبو تحریراتک نسخ مطبوعه کافیه سی لفا ارسال ایدلشد .

محکمہ تمیز مقرراتی

محکمہ تمیز هیئت عمومیه سنندن صادر اولان ۱۹ اغستوس سنه ۳۲۶ تاریخی و نومرولی اعلام صورتیدر :

« قبضه وکیل اولان کیمسنک مقبوضی اولان مبلغ کندی یدنده و دیعه حکمنده اولدینندن عندالطلب صاحبه رد و اعاده سی لازم اولدینجه دأر »

غاطه ده عابد خاننده سا کن آرام قره مانیان افندی ایله ک اوغلنده آینه لی چشمه ده بیکس سوقاغلنده اولیدی نومرولی آپوستولیدی خاننک برنجی آپارتماننده مقیمه طورانیان نیکدار خاتم میانه سنده متکون دعاویه دأر در سعادت استیناف محکمه سی حقوق قسمندن ۲۳ حیران سنه ۱۳۲۶ تاریخی و یوز اون بش عددی ایله ویریلوب مومی ایله آرام افندی طرفندن تمیزی استدعا قلنان اعلامک لدی التدقیق قرار سابق استینافیده ثبات و اصراری متضمن اولدینی اصول محاکمه حقوقیه قانوننک ایکی یوز قرق طقوزنجی ماده سی حکمنه توفیقاً اعلام مذکور یالکنر مستدعی مومی الیه ک اعتراض لایحه سیله هیئت عمومیه جه اتفاقله قرار کیر اولدقدن صکره بالمطالعه تدقیقات تمیزیه اجرا سنه ابتدار اولندی .

مذکور اعلامک خلاصه مندرجاتی مزبوره نیکدار خاننک و یانه ده تجارتله اشتغال ایتدکه ایکن نفسی فکیس نام فرانسیز سیغورطه قومپانه سنه قید ایتدیرمش اولان برادری طاشجیان سترق افندی بیک طقوزیوز آلی سنه سنده وفات ایتدکدن صکره کندوسیه ایکی برادرینک توکیل ایتش اولدقاری مومی ایله آرام افندی

اون بش بیک مارق سیغورطه بدلی مذکور قومانیه دن بالوکاله اخذ و قبض ایتدیکی حالده حصه سته اصابت ایدن ایکی یوز اوتوزیدی عدد عثمانی لیراسی اعطادن امتناع ایتمکده اولدیغندن بختله مبلغ مذکورک مع فاض تحصیلانی بک اوغلی بدایت محکمه سنده طلب و دعوی و مدعی علیه آرام افندی ده متوفی ستراق افندینک لیرا یوز غروش حساسیله مذکور قومانیاده استحقاق اولان سکسان بیک درت یوز یدی غروش سیغورطه بدلتک غیر از مصارف یتیم بیک بش یوز اون غروشی درت نفر قرداداشلرندن مدعی به نیکدار خانم ایله میساق و مهران افندیلر نامنه وکاله کندوسی اخذ و قبض ایتیمش اولدیغنی اقرار و اعتراف ایله برابر متوفای مزبور ستراق افندینک لاب قیز قرداداشی اولان مدعیه نیکدار خانم لایون ار قرداداشی اولان طاشجیان میساق افندی و لام قیز قرداداشی مادام تقوهی و لاب از قرداداشی مهران افندیدن مومی الیه میساق افندی بر تبرع شرعی تقسیم اولتی اوزره مبلغ مذکوری آخره اعطادن پروتستو کندوسی منع ایتیمش و مزبوره نیکدار خانم شرعاً وارث بولنماش اولدیغنی جهته مبلغ مذکور دن مزبوره پاره ویره میه جگنی مدافعه انبا و برقطه پروتستو ورقه سی ابراز و اعطا ایتیمش و شخص ثالث صفتیله متوفای مومی الیه ستراق افندی وره سندن مهران افندی بالاخره بشقهجه احضار اولتیق اوزره وره دن میساق و طاقوهی قادینک داخل محاکمه ایدلمسی قرار گیر اولمش ایسه ده بولردن میساق افندی کله رک مزبوره طاقوهی قادین کلماش اولدیغندن آنک حقدده وکیل مسخر تعیین قلدقدن و مدعیه نیکدار خانم ایسه دعوی واقعه کندوسنک اعطا ایتیمش اولدیغنی وکالته استناداً مدعی علیه آرام افندینک تحصیل ایتدیکی مبلغ تحصیل طلبندن عبارت اولوب اثبات وراثته مجبور اولمادیغنی ادعا ایتدکدنصکره جریان ایدن محاکمه و تدقیقات نتیجه سنده اولجه وراثت جهتنک حله دکن دعوی حاضرته نک تأخیرینه قرار ویرلمش ایسه ده وراثتک عدم ثبوتنه دائر ویریلان قرار مذکور محضاً طرفینک حال و صفتلری بیلنمک ایچون اتخاذ اولنمش بر تدبیر موقتدن عبارت اولمسنه و اساس دعوی بحسب الوکاله تحصیل ایدلمش برپاره نک استرداد طلبندن عبارت بولمسنه کوره جهت وراثته عدم تعلقی طبیعی ایدوکندن قرار مذکورک اجراسنده اصراره سبب قانونی بولمادیغنه و مدعی علیه سیغورطه قومانیه سندن مدعیه نک وکالتمه سنده بناءً مبلغ مدعایه اخذ و قبض ایدلیکنی معترف اولوب بناءً علیه مدعیه نک متوفایه شرعاً وارث اوله مامسی جهته مبلغ مذکورک آکا منع تأدییه سی ایچون دیگر وارثلر طرفلرندن پروتستو کشیده ایدلمش اولمسی منع تأدییه ایچون بر سبب قانونی تشکیل ایده مامکله مدعی علیه بحسب الوکاله اخذ ایتیمش و یدنده و دیعه مقامنده بولنمش اولان آچیهی طلب وقوعنده کندوسنه رد و اعاده ایتیمی مقتضی ایدوکنه بناءً مومی الیه آرام افندینک سیغورطه قومانیاسندن مدعیه ایله دیگر ایکی برادرینک وکالته استناداً اخذ ایتیمش اولدیغنی اقرار ایدلیکی یتیم بیک بشیوز اون غروشدن ثانی اولان یکریمی اوچ بیک بشیوز اوچ غروش اون اوچ پاره نک فائضیه برابر کندیسندن بالتحصیل مدعیه نیکدار خانم اعطاسنه دائر ویریلان اعلامک طرفندن وقوع بولان استیناف دعواسی اوزرینه بالفسخ اولباده کی انحصار

وراثت حجتک ابرازی مداخل دعوی و مستأنف ثانی میساق افندی به تنبیه و بالدفعات امهال اولنمش اولدیغنی حالده مذکور حجتی ابراز ایتماکله برابر دعوته دخی اجابت ایتماش اولدیغندن اولباده کی ادعاسنک ردینه و دعوی مذکورده بدایه مدعی علیه واستینافاً مستأنف اول اولان آرام افندی به کلهجه مومی الیه آرام افندی دخی دعوته اجابت ایتماش اولدیغندن عندالاعتراض ایجاب قانونیسنه باقیلمتی اوزره مزبوره نیکدار خانم ایله ایکی برادرینه وکاله مذکور قومانیه دن اخذ و قبض ایتیمش اولدیغنی تحت اقرار و اعترافنده بولنان یتیم بیک بشیوز اون غروشدن مزبوره نیکدار خانمک حصه سته عاڈ یکریمی اوچ بیک بشیوز اوچ غروش اون اوچ پاره نک آرام افندیدن تحصیلنه دائر صادر اولان اعلام غیابی علیهنده مرقومان آرام و میساق افندیلر طرفندن اعتراض علی الحکم استدعاسی اعطا قلمسی اوزرینه و جاهاً جریان ایدن محاکمه و تدقیقات نتیجه سنده مزبوره نیکدار خانم طرفندن کندوسنه عاڈ اولتیق اوزره طلب اولمقده اولان عمر سیغورطه بدلدن طولانی متوفی ستراق افندی ایله سیغورطه قومانیاسی بیننده عرف و عاده موافق صورتده تنظیم قلمش اولان مقاوله نامه ده مذکور بدلتک بعدالوفات متوفی مومی الیهک اروقیز قرداداشلرینه اعطا قلدنه جغنی تعهد ایدیلرک بعدالوفات بدل مذکورک متوفانک قرداداشلری مدعیه نیکدار خانم و برادرلری میساق و مهران افندیلر ناملرینه بالوکاله مدعی علیه آرام افندینک قومانیادن قبض ایدلیکی اقرار ایله ثابت اولدیغنی و مسئله وراثت ویا وصیت مسئله سی اولمایوب حیات سیغورطه لری مقاوله نامه لرنده جاری عرف و عاده و وکالت بختله متفرع بولدیغنی جهته بوباده کی اعتراضک ردینه و متوفی ستراقک لام همشیره سی اولدیغنی اعتراف اولنان تقوهی قادینک بدل مذکورده کی حصه سی دیگر قرداداشلرندن طلب و دعواده مختار اولتیق اوزره مزبوره نیکدار خانمک ثلث حصه سی اولتیق اوزره اعلام غیابی ایله محکوم بولنان یکریمی اوچ بیک بشیوز اوچ غروش اون اوچ پاره نک آرام افندیدن تحصیلنه دائر ویریلان اعلامک عندالتمیز نیکدار خانم حکم اولنان مبلغ متوفانک متروکاتسندن عد اولنه رق بحسب الوراثه حکم اولنمش ایسه مزبوره متوفانک لاب قیز قرداداشی اولدیغنی و بناءً علیه وارث اوله میه جغنی جهته بوباده کی ادعاسنک ردی لازم کله جگنه و احکام مقاوله به توفیقاً حکم ایدلیکی تقدیرده دخی مزبوره نک حسب المقاوله حصه سی مبلغ مزبورک ربی اوله جغنه کوره حکم ایچون بر مستند کوسرلمکسزین مزبوره به ذکر اولنان مبلغدن ثلث حصه نسبتنده حکم ایدلمسی و اعلام ابتدائی فسخ ایدلیکی حالده حکم محانده تصدیقه قرار ویرلمسی کی احواندن طولانی نقض و اعاده اولنمسی اوزرینه جریان ایدن محاکمه و تدقیقات نتیجه سنده اساس دعوی متوفای مومی الیه ستراق افندی ایله قومانیاسی بیننده تنظیم و امضا ایدلمش اولان مقاوله نامه موجبجه وفاتدن صکره قومانیاسی طرفندن علی الاطلاق متوفای مومی الیهک اروقیز قرداداشلرینه اعطا ایدلمسی لازم کلان و متوفای مومی الیهک قیز قرداداشلرندن بولدیغنی معترف اولان مزبوره نیکدار خانم ایله مهران و میساق افندیلر طرفلرندن ویریلان وکالتمه به بناءً مستأنف آرام افندی جاندن قبض ایدیلان مبالغه متعلق اولوب دعوی واقعه نک وراثت ویا وصیه متعلق ایدر برجهتی بولمادیغنی کی آرام افندینک

بحسب الوكالة قبضتي معترف اولديني مبلغ مذ كورك وراثت ويا وصيتدن منبعث اولديني دعوى ديكر قرداشلرينه عائد اولوب خصوص مذ كورى درميانه آرام افندينك صلاحيتي اوله مایه جغه وبيان اولنان سیغورطه مقاوله سندن قومپانیه دن آلمان مبالغك درت قرداشه راجع اولديني حالده موسى اليهانیکدار خانك ثلثي دعوى ایتمسك موافق اوله مایه جنی وحتی ورثه دن تقوی خانم طرفدن حصه سذك عدم اعطاسی حقنده پروتستو كشیده و اخیراً دخی دعوى اولنديني بیان ایدلمش ایسه ده آرام افندی مبلغ مذ كوری اوج قرداش طرفدن ویریلان وکالتنامه یه بناءً اخذ ایتش و بدایه جريان ایدن محاکمه یه تقوی قادینك ادخالی قرارگیر اولديني حالده مزبور طرفدن وقوعبولان دعوتیه اجابت و مبلغ مذ كور علی الاصول حیز ایدلمش و پروتستو كشیده سی آرام افندی به عائد اولان وظیفه وکالتك تمامی ایفاسنه مانع بولنماش اولديني کبی علی الخصوص بو جهتك قرداشلر بیننده حل ایتدیریله جك مسائلدن اولغله مستأنفه جهت تعلق کوریه مامش وشو حالده قرار سابق استینافینك بوجهت متعلق فقرات حکمییه سی موافق قانون اولوب محکمه تمیزاعلامنده بو خصوصلر حقنده کوستریلان ایکی سبب نقضك واجب الاتباع اولمادیغه اکثریت و مقدمات جريان ایدن محاکمه نتیجه سنده ویریلان قرارك فقره حکمییه سنده محرر اعلام غیابیدن مقصد عندالاستینافی صحته قرار ویرلمش اولان اعلام غیابی ابتدائی اولمایوب اعلام مذ كورك فسختدن صکره استینافاً جريان ایدن محاکمه نتیجه سنده ویریلان اعلام غیابی استینافی بولنديني واشبو اعلام غیابی استینافی علی الاصول فسخ و نقض اولنمادیني کبی اعلام مزبور علیهنه آرام و میساق افندیلر طرفلرندن وقوعبولان اعتراض علی الحکم دعواسی صره سنده درمیان اولنان دفع دعوی دخی رد ایدلمش وشو حالده محکمه تمیز اعلامنده کوستریلان اسباب نقضیه دن اوچنجیسنك دخی واجب الامثال بولنماش اولديغه اتفاقله و بناءً علیه اصول محاکمه حقوقیه نك ایکی یوز قرق طقوزنجی ماده سی موجبجه قرار سابق استینافیده ثبات اولمسنه حکمدن واشبو حکم علیهنه مستدعی تمیزك لایحه سنده محرر اعتراضاتك باشلوجه سی مزبوره نیکدار خانم متوفانك لاب قین قرداشی اولمق جهتیله وارث اوله مایه جنی و متوفانك قومپانیا یله اولان مقاوله نامه سنده سیغورطه بدلك ار وقین قرداشلرینه ویرلمش محرر اولوب متوفانك ده ایکی ار وایکی قین قرداش اولديغه کوره مزبورده نك مبلغ مدطه ده آنجق ربع حصه سی اولديني حالده محکمه مذ كوره جه نقض واقع دائره سنده اجرای محاکمه ایدلماسی مغایر قانون اولديغدن بخله اعلام مذ كورك نقضی استدعاسندن عبارتدر .

ایجابی مذاکره اولندوقده اعلام استینافی مذ كورك نتیجه مفادی بالاده تفصیل و حکایه قلندینی اوزره دعوی واقعیه نك وراثت ویا وصیتدن منبعث اولديني دعوی ديكر قرداشلره عائد اولوب موسى اليه آرام افندينك بوجهت حقنده سرد ادعایه حتی اوله مایه جنی کبی مبلغ مذ كوری دخی اوج قرداش طرفدن ویریلان وکالتنامه یه بناءً اخذ ایتش و بدایه جريان ایدن محاکمه یه تقوهینك ادخالی قرارگیر اولديني حالده مزبوره طرفندن وقوعبولان دعوتیه اجابت و مبلغ مذ كور علی الاصول حیز ایدلمش و پروتستو كشیده سی آرام

افندی به عائد اولان وظیفه وکالتك تمامی ایفاسنه مانع بولنماش اولديني کبی علی الخصوص بو جهتك قرداشلر بیننده حل ایدیله جك مسائلدن اولغله مستأنفه تعلق کوریه مامش وشو حالده قرار سابق استینافینك بوجهته متعلق فقرات حکمییه سی موافق قانون اولديني کبی مقدمات جريان ایدن محاکمه نتیجه سنده ویریلان قرارك فقره حکمییه سنده محرر اعلام غیابیدن مقصد اعلام غیابی ابتدائیك فسختدن صکره استینافاً ویریلان اعلام غیابی اولديني واشبو اعلامك علی الاصول فسخ و نقض اولنمادیني کبی اعلام مذ كور علیهنه آرام و میساق افندیلر طرفلرندن وقوعبولان اعتراض علی الحکم دعواسی صره سنده درمیان اولنان دفع دعوی دخی رد ایدلمش وشو حالده محکمه تمیز اعلامنده کوستریلان اسباب ثلثه نقضیه دن اوچنجیسیده واجب الامثال بولنماش اولديني بیانیله قرار سابق استینافیده ثبات واصرار اولمسنه حکمدن عبارت بولمسنه و فی الحقیقه دعوی واقعیه وکیلک بحسب الوکاله مقبوضی اولان مالک موکله رد و اعاده سنه منحصر اولوب مجله نك ۱۴۶۳ ماده سی موجبجه مقبوض مذ كور ید وکیلده و دیعه حکمنده اولديغه و مجله نك ۷۹۴ نجی ماده سی حکمنجه عندالطلب و دیعه نك صاحبیه رد و اعاده سی لازم کله جکمه و مبلغ مذ كور بحسب الارث کندیلرینه عائد اولان جانبیدن دخی حیز ایدلماش بولنديغه کوره حکم مذ كور اسباب موجبیه مستند و اصول و قانونه موافق اولوب مستدعی تمیزك بالاده محرر اعتراضاتیه لایحه سنده مندرج سائر اعتراضاتی بالاده مذ كور اسباب قانونیه دن دولای وارد و نقض حکمی مستنزم کوریه مامش اولغله اعتراضات مبحث فیهانك ردیه اصول محاکمه حقوقیه قانوننك ایکی یوز قرق ایکنجی ماده سذك فقره ثانییه سی حکمنه توفیقاً اعلام مذ كورك تصدیقه و زیرده مفرداتی مرقم اولوب بوکره نیکدارخانمه ویریلان بشیوز قرق ایکی یوز غروش مصارف تمیزییه نك مستدعی تمیزه عائد اولمسنه ۱۹ اغستوس سنه ۳۲۶ تاریخنده متفقاً قرار ویرادی .

محکمه تمیز استدعا دائره سندن صادر اولان ۱۳ تموز سنه ۳۲۶ تاریخلی و ۱۲۲۰ نومرولی اعلام صورتیدر :

« استماعلرینه قرار ویریلان شهوددن دعوتیه اجابت ایتمالرک احضار مذکره سی اسطاریله قرار مذ كورك تنفیذی لزومه قارشیر برکونا اسباب قانونیه اراة اولنقسزین مدعی عمومیلک قمامنك طلبنه بناءً جلب واستماعدن صرف نظر ایدلمش نقض حکمی مستلزمدر »

مرعش بدایت محکمه سی جزا دائره سندن تنظیم واعطا قلان ۳۰ نیسان سنه ۳۲۶ تاریخ و یوز قرق الی نومرولی اعلامك تمیزاً تدقیق طلبنی حاوی کوچك کهیا اوغلی محمد جانبیدن معطی استدعانا مه اوراق مقررعه سیله برلکده باش مدعی عمومیلک مأموریت بهیه سندن باتلیغنامه ۲۹ حزیران سنه ۳۲۶ تاریخنده محکمه تمیز استدعا دائره سنه تودیع ایدلمکله ولدی التدقیق مذ کور استدعانا مه نك مدت معینه قانونیه سی ظرفده اعطا و شرائط لازمه سائر سذك دخی ایفا قلندینی آکلاشامقله بالقبول تدقیقات تمیزییه اجرا سنه ابتدار ایدلدی .

اعلام مذکورک خلاصه مالی عینتابی اوغلی حاجی علی کهیا ومختار قیرمید اوغلی علی افندیکن مزرعانه باشی بوش حیوانات براتهرق ایراث خسار ایتدکری ادعاسیله مظنون عایم اولان اشخاصدن کوچک کهیا اوغلی محمد آغانک اعتراض علی الحکم اوزرینه وجاهاً اجرا تلمان محاکمه سنده فعل مذکورہ جرأتی اولابده کی کشف ورقه سی وشهود مستمعہ نک شهادتیه نابت اولدیغندن بختله قانون جزانک ایکوز آلتش برنجی ماده سنه حکمنه توفیقاً اون بشلک جزای نقدی ایله بدل زیان اولان وکشفنامه ده محرر بولنان بیک طقوز یوز طقسان بش غروش رایج اچقنک نصفی اولان طقوز یوز طقسان یدی بچق غروشدن حصه سنک محمد اغدان آلنهرق مدعیلره اعطاسنه وکشف اجرتی اولان ایکوز قرق غروشدن کذلک حصه سنک بالتحصیل مدعیلره اعطاسنه قرار ویرلدیکنی متضمندر .

تمیز استدا نامه سنده کشف ورقه سنده محرر اولدینی اوزره شهود مستمعہ دن بر شاهد حیوانلرینی مزرعواتک ایچنده کورمدیکنی وکیملرک حیوانی اولدینی بیلمدیکنی سولش واصل ترلا بکجیسی مزرعوات آرهنده طوار کورمدیکنی بیان ایش اولدیغندن و محکمه جه نامرینه جلبنامه کوندریلان شاهدلرک بر معذرت قانونیه درمیان ایلدکری تقدیرده افاده مضبوطلرینک قرائتی اصولی ایجابندن بولدینی حالده معذرت بیان ایدن شهودک مظلونلرک مواجهه سنده استماع قلنامسی ودیکر شاهدلرک مدعیلرک اجیر خالصری اولدینی حقدہ درمیان ایلدیکی اعتراضاتک نظر دقتہ آلتامسی یولسز و مغایر قانون ایدوکنندن بختله اعلام مذکورک نقضی استدا ایلدیکی کبی تبلیغنامه ده دخی دعوت واقعه یه اجابت ایتیمان شاهدلرک جلبنامه لرینک تدقیقه حاصل اوله جق نتیجه یه کوره معامله اجرا ومحل اقامتلی مجبول اولهرق جلبی غیر ممکن اولدینی تقدیرده افاده مضبوطلرینه مراجعت اولتق لازمه قانونیه دن ایکن محکمه مذکوریه کلدکلرینک کلاشلمسی اوزرینه افاده مضبوطلرینک قرائتیه اکتفا اولنسی مخالف قانون اولدینی وتمیز استدا نامه سنده بو جهته دائر درمیان اولان اعتراض وارد و بجا کورندیکی بیانیله اعلام مذکورک نقضی لزومی مرقم بولنشدر .

ایجابی لدی المذاکره مندرجات اعلامدن منقهم اولدینی اوزره محکمه بدایتجه مستدعی تمیز محمد طرفندن معطی اعتراض عرفحالی اوزرینه سبق ایدن تدقیقات وجاهیه اثناسنده حکم غیابینک کان یکن عد ایله استماع شهوده قرار ویرلش وبولردن یالکز سلیمان اجابت ایدهرک دیکرلرینه جلبنامه تبلیغ اولدینی حالده یوم معینه حاضر بولنماش ایکن اصول محاکمات جزائیہ قانوننک تعریفاتی وجهله شهود مرقومه حقلرنده احضار مذکورہ سی اسطاریله قرار مذکورک تنفیذی لزوم قانونیه قارشو محکمه مذکورہ جه بوبابده برکونا اسباب قانونیه ارأه اولنقسنزین مدعی عمومیلک مقامک اولابده کی طابنه بناء حضوردن امتناع ایدن شهود مرقومه نک مجرد شوامتاع طولایسیله جلب واستماعدن بالاخره صرف نظر اولنسی یولسز ومغایر اصول وقانون اولوب تمیز استدا نامه سنک بوجهته متفرع اولان فقره سی تبلیغنامه ده دخی مرقم اولدینی اوزره وارد و بجا کورندیکنندن اصول محاکمات جزائیہ قانوننک اوچوز اون دردنچی و اوچوز اون طقوزنجی ماده لری منظوقجه قرار مذکور

اعلامک یالکز مستدعی مرقوم حقدن کی فقره حکمیہ سنک بوسبیدن طولانی نقضیه احکام قانونیه دائره سنده ایقای معامله اولتق اوزره اوراق متعلقه سنک محکمه محلیه و تمیز جزای تقدیمی اولهرق اولجه تسلیم وزنه ایدیلان بش لیرانک دخی اصول مذکورک اوچوز قرق اوچنجی ماده سی حکمنه توفیقاً مستدعی یه رد واعاده سنه وایکوز غروش اعلام خرچنک تعرفه و تعلیمات مخصوصه سنه توفیقاً ایلروده حقسنز حقیقه جق طرفدن استیفاسنه ۳۰ حزیران سنه ۳۲۶ نارینخنده متفقاً قرار ویرلدی .

محکمه تمیز استدا دائره سندن صادر اولان ۱۷ اغستوس سنه ۲۶ تاریخلی ۳ و ۱۶۲۰ نومرولی اعلام صورتیدر:

« مستطفک صلاحیت قانونیه خارجنده دلائل واحوال موجوده نک تقدیراته کیریشه رک منع محاکمه قرار نامہ سی تنظیم واعطایلمسی قرارنامه نک نقضینی موجب اولدیغنه دائر »

بصره ولایتی مستطقلکنندن تنظیم واعطایلمسی ۵ مایس سنه ۳۲۵ تاریخ و آلتش اتی نومرولو قرارنامه نک نقضی حقدن عدلیه نظارت جلبه سندن ویریلان امر تحریری اوزرینه اولابده کی اوراق باش مدعی عمومیلک مأمورین بهیه سندن باتبلیغنامه محکمه تمیز استدا دائره سنه تودیع اولمقله قرائت ومطالعه اولندی .

مذکور تبلیغنامه ده سالم بن سعیدک مظلون علیه شوکت افندیکن خانه سی پنجره سندن لیلای درون خانه یه بالدخول اشیا سرقتیه تصدی ایلدیکی صروده مومی الیه شوکت افندی طرفندن قورشونله جرح ایدیلهرک متأراً وفات ایلدیکی اخبارات واولابده کی ضبط ورقه لری وطیب راپوری محتویاتیه ثابت اولدیغندن بختله اصول محاکمات جزائیہ قانون موقتک ایکنجی ماده سنه توفیقاً مرقوم سالم حقدن کی حقوق عمومیہ دعواسنک سقوطنه وشوکت افندیکن حرکت واقعه سی ده قانون جزانک یوز سکسان یدنجی ماده سی موجبجه معاف اولدیغندن اصول مذکورک یوزیکرمی اوچنجی ماده سنه تطبیقاً منع محاکمه سنه قرار ویرلدیکی وطرق قانونیه یه عدم مراجعت تدقیقه سی اولهرق قرار مذکورک اکتساب قطعیت ایلدیکی منقهم اولش وفمل قتلک مدافعه نفس ایچون وقوع بولدینی یولنده مظلون علیه شوکت افندی طرفندن واقع اولان افاده نک عکس زمان وقعه ده بر شخصک شوکت افندیکن خانه سندن چقه رق قرار ایتدکده اولدینی جمله اخباردن بولنسی ومرقوم سالمده کی جرحه نک فتحه دخولیه سی ظهیرنده اولدینی طیب راپورنده کوسترلمسی ایله آکلاشامقله برابر بالفرض والتقدير فعل جرح مستلزم معافیت اولسه بیله تقدیری هیئت حاکمه یه عائد ایکن مستطق مومی الیه ک خارج ازصلاحیت بوجه محرر منع محاکمه قرار ویرمسی من کل الوجوه یولسز ومخالف قانون بولنش اولدینی بیانیله کسب قطعیت ایدن سالف اندکر منع محاکمه قرارینک اصول مذکورک اوچوز قرق یدنجی ماده سنه توفیقاً نقضی طلب اولنشدر .

ایجابی لدی المذاکره اوراق متعلقه میاننده موجود بولنان کشف ورقه سی محتویاتنه نظر آمظنون شوکت

افنديك عند الاستنطاق سبق ايدن افاده سنه مبين اوله رق تحقيقات اوليه اثنا سنده مقتولك سارق اولديغي
ا كلايه رق سلاح اتديغي يولنده وقوعبولان افاده سنك فعل قتلي مرتب مجازات قانونيه دن معافيتي مستلزم
اولوب اولماديغك تعين وتقديرى محاكمه عايدوظائف جهه سندن بولمش اولديغي حالده استنطاق دائره سنجه
صلاحيت قانونيه خارجنده دلائل واحوال موجوده نك تقديرانه كيريشيله رك بوجه محررمظنون مومى اليهك
منع محاكمه سى يولنده قرارنامه تنظيم واعضا قلمه سى مغاير اصول وقانون اولوب بوده مستلزم نقض احوال دن
بولمش ايدوكندن اصول مذكورك اوچيوز قرق يدنجي ماده سى موجب سنجه سالف الذكر قرارنامه نك بو سببدن
دولايى بر موجب طلب نقضه ۱۷ اغستوس سنه ۳۲۶ تاريخنده متفقاً قرار ويرلدى .

محكمة تميز استدعا دائره سندن صادر اولان ۹ اغستوس سنه ۳۲۶ تاريخلى و ۱۶۱۰ نومرولى اعلام صورتيدر :

« حكم ابتدائى مظنونلر طرفدن استيناف ايديلوب مدعى عموميلك مقامى تشديد
جزالرى يولنده حقوق عموميه نامنه بر كونه تشبث وادعا ده بولماديغي حالده مؤخرأ
تميز لايحه سنده كى ادعائى تشديد جزائى تضمن ايتديكى جهته شايان قول
اولماديغنه دائر »

قونيه ولايتى استيناف محكمه سى جزا دائره سندن تنظيم واعطا قلان ۲۳ شباط سنه ۳۲۵ تاريخلى اعلامك
تميزاً تدقيق طلبنى حاوى محكمه مذ كوره مدعى عموميلكى جانبندن معطى استدعانا مه واوراق متفرعه سى
باش مدعى عموميلك مأموريت بهيه سندن بابلغنامه ۱۴ اغستوس سنه ۳۲۶ تاريخنده محكمه تميز استدعا
دائره سنه توديع قلمش ولدى التدقيق مذ كور استدعانا مه نك مدت معينه قانونيه سى ظرفنده ويرلديكى
آ كلاشمش اولمقله بالقبول تدقيقات تميزيه اجراسنه ابتدار اولدى .

اعلام مذ كورك خلاصه مالى بقال كوچك حاجى على بن جرح ايتدكلى ادعا اولنان شيخ ابراهيم اوغلى
على ايله برادرى عاصمك فعل مذ كوره جرأتلى شهودك شهادتى و طيب راپورى مندرجاتى ايله نابت
اولديغندن بحثله جزا قانونك يوزتمش طقوزنجى ماده سى حكمنه توفيقاً مرقوماندن عليك بر ماه وعاصمك
دخى اون بش ياشنه واصل اولماديغى نفوس مأمورلغك دركنا ريله آ كلاشيلديغندن ماده مذ كوره دلائله
قرقنجى ماده موجب سنجه بر ماهك ثلثى اولان اون كون حبسلرينه دائر بديت ويريلن اعلام مرقومان طرفدن
استيناف ايدلمكله اولابده اجرا اولنان محاكمه و تدقيقات استينافيه نتيجه سنده مظنونلردن عليك اون بش
وعاصمك اون كون حبسلرى متضمن اولان اعلام مستأنف بهك موافق اصول وقانون اولديغندن بحثله
تصديقه قرار ويرلديكى متضمندر لايحه تميزيه ده فعل مدعاهك بالتصور ايقاع ايدلديكى حقه ده مقام مأموريتندن
سبق ايدن ادعا نك رد ويا قبوله دائر بر قرار ويرلمه سى وجرم مذ كوره تطبيق ايديلن ماده قانونيه مجازات

تقديبه دخى تضمن ايدلديكى حالده يالكىز حبس ايله محكوميه قرار ويريلوب فقره قانونيه نك آيروجه
تصریح اولمماسى مخالف قانون ايدوكندن بحثله اعلام استينافيك نقضى طلب ايدلمش تبليغنامه ده دخى
درجه اولى محكمه سى مظنونلر فعل وحر كترينى قانون جزا نك يوزتمش طقوزنجى ماده سنه موافق كوره رك
ماده مذ كوره نك برنجى فقره سنك درج ايدلمسيله فقره اولاسنه توفيقاً جزالرى تعين ايدلمش اولديغى كوسترلمش
واساساً اعلام ابتدائيك استينافاً تدقيق ورؤيتى مظنونلر طرفندن استدعا ايديله رك تشديد جزالرى يولنده
حقوق عموميه نامنه بر كونه تشبث وادعا سبق ايتمه مش ايكن اخيراً مدعى عموميلك جانبندن معطى تميز
استدعانا مه سى بالنتيجه مظنونلر حقوق مكاتبه لرينى اخلال ايدمه جيكي جهته لايحه مندرجاتى شايان قبول
كوريه مه مش اولديغندن استدعاى مذ كوره نك بو سببدن شايان ردى شوقدر كه عليك بديت محكوم اولديغى
بر ماه حبس مدتى اعلام استينافيه اون بش كون اوله رق كوسترلمش اولديغى بيانيله بوجهتك تصحيحى
ضمننده محله اخطارات اجراسى لزومى كوسترلمشدر .

الحاجى لى المذاكره مندرجات اعلامدن منقهم اولديغى و تبليغنامه ده دخى درميان ايدلديكى اوزره مظنونلر
تحديد جزائى متضمن اولان حكم ابتدائى حقوق عموميه مأمورى جانبندن استيناف ايدلمه مش اولمسنه كوره
مدعى عموميلك مقامك بالاده خلاصه سى مرقم لايحه سنده محكمه جه مابه التطبيق اتخا ذ اولنان جزا قانوننامه
هايوننك فقره اولاستك معين اولان مجازات تقديبه نك تقديرى لزومندن ذهول ايدلمسى كيفيتك مغايرت
قانونيه سندن بحثله درميان اولنان اعتراض تشديد جزائى تضمن ايدلديكى جهته شايان قبول كوريه ميوب آتجق
مظنونلردن عليك بديت محكمه سنجه بر ماه حبسنه قرار ويرلمش ايكن اشبو حبس مدتك اعلام استينافيه
اون بش كون اوله رق درج و ترقيم ايدلمسى يولسر ومغاير اصول وقانون اولديغندن اصول محاكمت جزائيه
قانونك اوچيوز اون دردنجهى و اوچيوز اون طقوزنجى ماده لرى منظوقجه اعلام استينافيك بو سببدن
طولايى تقضيه احكام قانونيه دائره سنده ايفاي معامله اولنق اوزره اوراق متعلقه سنك محكمه مذ كوره به
اعاده سنه وايكى يوز غروش اعلام خرجك تعرفه وتعايمات مخصوصه سنه توفيقاً بالاخره حقسز چيغه جق
طرفدن استيفاسنه ۹ اغستوس سنه ۳۲۶ تاريخنده متفقاً قرار ويرلدى .

محكمة تميز استدعا دائره سندن صادر اولان ۹ اغستوس سنه ۳۲۶ تاريخلى و ۱۶۱۱ نومرولى اعلام صورتيدر :

« اعتراض مدتك مرورندن دولايى اعتراض استدعاسنك ردى حقه ده مدعى
عموميلك مقامندن درميان ايديلان مطالعه به قارشو معترضك بو باده كى ادعا
ومدافعاتنك استماعى مقضى ايكن شو يولده بر معامله اجرا ايدلماسى وتعريفات
قانونيه دائره سنده اجرا ايديلان تبليغاتك معتبر عديله اعتراض استدعاسنك مدت
قانونيه نك مرورندن بحثله ردى جهته كيدلى نقض حكمى مستلزمدر »

طريزون ولايتى استيناف محكمه سى جزا دائره سندن تنظيم واعطا و ۲۸ نيسان سنه ۳۲۵ تاريخنده

امر تفهیمی اجرا قلنان ۶ شباط سنه ۳۲۵ تاریخ و یمش اوج نومرولی اعلامك تمیزاً تدقیق طلبنی حاوی ملا احمد اوغلی حق جانبندن معطی استدعاینامہ واوراق متفرعہ سی باش مدعی عمومیک مأموریت ہیہ سندن باتبلیغنامہ محکمہ تمیز استدعا دائرہ سنہ تودیع اولمش ولدی التدقیق مذکور استدعاینامہ ك مدت معینہ قانونیہ سی ظرفندہ اعطا وشرائط لازمه سائرہ سنك دخی ایفا قلندیغی آکلاشلمش اولغله بالقبول تدقیقات تمیزیه اجرا سنہ ابتدار ایدلدی .

اعلام مذکورك خلاصه مآلی طرطیل اوغلی عبداللہك ترلاسی محصولاتی تلف وچشمہ نك صویولاریله یوهر نکلرینی ہدم و تخرب ایلدیکی ثابت اولان مستدعی حقیقك قانون جزانك ایکی یوز قرق طقوزنجی مادہ سی حکمنہ توفیقاً تلف مزروعات فعلك سبب شدت عدلیہ بش ماہ حبسنہ و اوج لیرا تضمینات اخذینہ دائرہ بدایہ ویریلن اعلام غیابی علیہندہ مرقومك اعطا ایلدیکی اعتراض علی الحکم عرضحالنك مدت قانونیہ نك مرورندن ناشی ردنی حاوی تنظیم واعطا قلنان اعلام ابتدائینك عندالاستیناف تصدیق حقندہ ویریلان اعلام غیابی استینافی علیہندہ وقوعبولان اعتراض علی الحکم عرضحالنك بالقبول حکم غیابینك کآن لم یکن عدی قرار کیر اولدقدنصکرہ اول بابدہ سبق ایدن تدقیقات وجاهیہ نتیجہ سندن اعلام مستأنف بہ حقندہ کی اعتراض استدعاینامہ سیلہ اول بابدہ کی استیناف استدعاینامہ سنك مدت قانونیہ نك مرورندن ناشی ردیلہ اعلام متعرض بہك تصدیقہ قرار ویرلیدیکی متضمندر .

تمیز استدعاینامہ سندن مستلزم جزا برکونہ فعل وحرکتندہ بولندیغی کی مدت قانونیہ نك مرورینہ اساس اتخاذ اولنان تبایغ علم و خبرینك تاریخندہ وقوعہ کلن سہو تدقیق ایدلمکسزین استدعاسنك ردینہ قرار ویرلمی مغایر قانون ایدوکنندن بخلہ اعلام استینافینك نقضی استدعا اولمش تبلیغنامہ دخی نقصان تدقیقاتدن بخلہ سرد اولنان اعتراضات بجا کوریلمامش ایدوکی بیانیہ مذکور استدعاینامہ نك ردی لزومی مرقم بولمشدر .

ایجابی لدی المذاکرہ تمیز استدعاسندن بولنان حقنك تحدید مجزاسنی متضمن اولان حکم ابتدائی تصدیقاً و غیاباً صادر اولان اعلام استینافی علیہندہ اعطا ایلدیکی اعتراض عرضحالنك تعیین اولنان یوم محاکمہ سندن مدعی عمومیک مقامندن مرور مدتدن طولانی عرضحال مذکورك ردی حقندہ درمیان ایدیان مطالبہ قارشو معترض مذبورك بو بابدہ کی ادعا و مدافعاتنك استماعی مقتضی ایکن شو یولده برمعاملہ اجرا ایدلمدیکی کی اوراق میانندہ موجود تبایغ علم و خبری مرقوم حقیقك امضا و مهرینی و صورت اعلامی قبولدن ویا وضع امضادن امتناعی وقوعندہ علی الاصول اتخاذ و اجراسی لازم کلن معاملات تصدیقیہ ی حاوی اولمامقلہ برابر محکمہ باش کاتبی طرفندن دخی تصدیق ایدلماش اولمق جہتیلہ تعریفات قانونیہ ی مغایرتی نقطہ سندن مدار احتیاج اولہ مایہ جنی درکار اولدینی حالہ بورالری نظر دقتہ آلمقسزین سالف الذکر علم و خبرہ استناداً تبلیغ واقعك معتبر عد اولہرق مذکور اعتراض عرضحالنك مدت قانونیہ نك مرورندن بخلہ ردی

جہتہ کیدلمی یولسز و مغایر اصول و قانون اولوب تمیز استدعاینامہ سی محتویاتی بو صورتلہ وارد و بجا کوردیکندن اصول محاکات جزایہ قانوننك اوچیوز اون درت و اوچیوز اون طقوزنجی مادہ لری منظوقجہ اعلام استینافینك تقضیلہ احکام قانونیہ دائرہ سندن ایفای معاملہ اولتمق اوزرہ اوراق متعلقہ سنك محکمہ مذکورہ یہ اعادہ سنہ وایکی یوزغروش اعلام خرجنك تعرفہ و تعلیمات مخصوصہ سنہ توفیقاً ایلرودہ حقسز حقیقہ جق طرفندن استیناف سنہ ۹ اغستوس سنہ ۳۲۶ تاریخندہ متفقاً قرار ویرلدی .

محکمہ تمیز استدعا دائرہ سندن صادر اولان ۹ اغستوس سنہ ۳۲۶ تاریخلی ۱۶۱۸ نومرولی اعلام صورتیدر :

« شہودك مظنونك مواجهہ سندن استجواب ایدلماش مرقومك دعوت واقعہ یہ عدم اجابتدن ایلرولکدیکندن بوجہت اسباب فسخیہ تشکیل ایدہ میہ جکی درکار ایکن بوندن طولانی حکم ابتدائینك فسخی جہتنہ کیدلمی و عندالاستیناف جلب واستماعنہ قرار ویریلان شہودك قماً استماعیلہ دیکر لرینك جلبندن صرف نظرلہ قرار مذکورك تنفیذی لزومندن ذہول ایدلمی و شہادات کاذبہ دہ بولندقلرندن دولای حققرندہ تعقیبات قانونیہ ایفا ایدیلان شہودك اخبارات واقعہ سنك مدار حکم اتخاذ اولمشی نقض حکمی مستلزمدر »

صاروخان سنجانغی بدایت محکمہ سی جزادائرہ سندن تنظیم واعطا ۱۰ شباط سنہ ۳۲۵ تاریخندہ امر تفهیمی اجرا قلنان ۲۴ نisan سنہ ۳۲۶ تاریخ و یوزسکسان سکز نومرولی اعلام استینافینك تمیزاً تدقیق طلبنی حاوی حاجی مصطفی اغانك کاتبی حاجی ابراہیم جانبندن معطی استدعاینامہ واوراق متفرعہ سی باش مدعی عمومیک مأموریت ہیہ سندن باتبلیغنامہ ۴ اغستوس سنہ ۳۲۶ تاریخندہ محکمہ تمیز استدعا دائرہ سنہ تودیع اولمش ولدی التدقیق مذکور استدعاینامہ نك مدت معینہ قانونیہ سی ظرفندہ اعطا وشرائط لازمه سائرہ سنك دخی ایفا قلندیغی آکلاشلمش اولغله بالقبول تدقیقات تمیزیه اجرا سنہ ابتدار ایدلدی

اعلام مذکورك خلاصه مآلی قرہ ولی اوغلی کریمہ سی امینہ ی تفنك دیجکیلہ ضرب ایلدیکی اخبارات وراپور مندرجاتی وکندوسنك دعوت واقعہ یہ عدم اجابتی دلائلرلہ ثابت اولان مستدعی حاجی ابراہیمك قانون جزانك یوز یمش طقوزنجی مادہ سی حکمنہ توفیقاً برماہ مدتلہ حبسنہ دائرہ بدایہ ویریلان اعلام محکوم مرقوم جانبندن استیناف ایدلمکہ شاهد مؤمن ایلہ خدیجہ نك مستأنفك مواجهہ سندن استماع ایدلمش اولمزدن طولانی اعلام مذکورك فسخی و شاهد مرقومانك بدایت محکمہ سندن ضربك وقوعنی بیان ایلدکاری حالہ استینافاً کتم حقیقت ایلرلہ شاهد کاذب اولدقلری آکلاشیلدیغندن حققرندہ تعقیبات قانونیہ اجراسی قرار کیر اولدقدن صکرہ اول بابدہ اجرا قلنان محاکمہ و تدقیقات استینافیہ نتیجہ سندن شاهد مرقومانك بدایہ ضربك وقوعنی کوردکاری بیان ایلش وراپور مندرجاتیدہ اخبارات مبحوثہ ی مؤید بولمش اولدیغندن بخلہ مادہ مذکورہ حکمنہ توفیقاً مرقومك یکرمی کون مدتلہ حبسنہ قرار ویرلیدیکی متضمندر .

لايحه تميزيه ده مستتلق حضورنده و بدايت محكمه سنجه غياينده سبق ايدن محاكمه شاهد مؤمن ايله خديجه نك افاده لرينك ياكلش ضبط ايدلديكي استيناف محكمه سنده عدم معلومات بيان ايتلريله تين ايتديكي و شاهد مرقومانك يالان شهادته بولندقلرندن بختله حقلرنده تعقيبات قانونيه اجراسنه قرار و يريله رك فعل مذ كوره اجتسارينه دلالت ايدر سائر كونه اسباب و اماره قانونيه اولماديني حالده محكوميته قرار و يريلسي مغاير قانون ايدوكندن بختله اعلام استينافينك نقضى استدعا اولمش تبليغنامه ده دخى بدايه محاكمه مظلون عليهم غياينده جريان ايتش اولسنه كوره شاهدلرك بالمواجهه استماع ايدلمه مش اولسي مظلونك دعوت واقعه به عدم اجابتك نتيجه طبيعيه و ضروريه سي اولغله شهودك غيايأ استماع ايدلمه لري كيفيتي نه نواقصدن ونده خطيائندن بولنديني جهته فسخ حكمي مستلزم اوله مائه جني دركار ايكن بوجهته عطف نظردقت اولنمايه رق شاهدلرك مواجهه استماع ايدلمه مش اولسنه مستنداً حكم ابتدائينك فسخ ايدلسي موافق اولماق له برابر عندالاستيناف جاب واستماع اولنان شاهدلرك عدم معلومات بيان ايتلري اوزرينه حقلرنده شهادت كاذبه دن طولاي مواد جنايه منحصر بولنان قاعده قانونيه به قياساً تعقيبات اجراسي لزومه رأساً قرار و يريلش اولديني حالده بولرك بدايه واقع اولان شهادتلرينك محتملي تأييد ايدن اسباب اراءه و تذكر قلنمقسز ن اعلام مفسوخده مندرج افاده سابقه لرينه ابتداء حكم اعطاسي نقضى موجب اسبابدن اولوب لايحه تميزيه ده سرد ايديلن اعتراضات بو طريقه وارد و بجا كورلش ايدوكي بيانيله اعلام مذ كورك نقضى لزومي مرقم بولنشدر .

الجباني لدى المذاكره اوراق متعلقه مندرجاتندن منضم اولديني اوزره درجه اولي محكمه سنجه شهودك بالمواجهه استماع ايدلمه سي كيفيتي يوم معينده مظلونك دعوتيه عدم اجابتي حسييله امر محاكمه نك غيايأ جريان ايتش اولسنك ايجابات طبيعيه سندن بولسي اعتباريله بوجهتك اسباب فسخيه تشكيل ايدميه جكي دركار بولنش ايكن مجرد شهود مرقومه نك مظلونك مواجهه سنده استجواب ايدلمه سي اساسه عطفاً حكم ابتدائينك فسخي جهته كيدلسي و بعد الفسخ استماع اولنان شهودك شهادت كاذبه ده بولنق كج خصور محكمه ده وقوع بولان حر كاذب طولاي مواد جنايه منحصر معاملات قيساً حقلرنده معامله قانونيه اجراسي بولنده اتخاذ قرار اولسي كيفياتك مغايرت قانونيه سي دركار ايسه ده بو باده مدعي عمومليك مقامندن تميز دعوايه توسل ايدلمه سندن ناشي بو جهتلرك موضوع بحث اوله مائه جني طبيعي اولوب آنحق عندالاستيناف جلب واستماعه قرار و يريلان شهودك قسماً استماعيله ديكر لرينك جلبندن صرف نظر ايله قرار مذ كورك تنفيذي لزومندن ذهول ايدلسي و على الخصوص ذات ماده عائد تدقيقاتك شهود مرقومه حقنده اجراسي تحت قراره آلان تحقيقات و تعقيبات قانونيه نتيجه سنده تعاقبي لزومه قارشو شهادت كاذبه ده بولنلرندن ناشي حقلرنده بر منوال محرد تعقيبات قانونيه ايفاسنه قرار و يريلان شهود مرقومه نك اخبارات واقعه سنك مدار حكم اتخاذ اولسي من كل الوجوه بولسر و مغاير اصول و قانون اوله رق لايحه تميزيه مؤداسي تبليغنامه ده دخى مرقم اولديني وجهه له بو صورته وارد و بجا كورنديكندن اصول محاكمات جزائيه قانونيك اوجيوزاون درديني و اوجيوز اون

طقوزنجي ماده لري منظوقنجه اعلام استينافينك اسباب محرره دن ناشي نقضيله احكام قانونيه دائره سنده ايفاي معامله اولنق اوزره اوراق متعلقه سنك محكمه مذ كوره به و تميز جزاي تقديسي اوله رق محلي مال صندوقه تسليم ايدلش اولان بش ليرانك دخي اصول مذ كورك اوجيوز قرق اوچنجي ماده سي موجبجه مستدعي مرقومه اعاده سنده و ايك يوز غروش اعلام خرجنك تعرفه و تعليمات مخصوصه سنده توفيقاً ايلروده حقسز حقيقه جق طرفدن اخذينه ۹ اغستوس سنه ۱۳۲۶ تاريخنده متفقاً قرار و يرلدي .

محكمه تميز استدعا دائره سندن صادر اولان ۲۰ نيسان سنه ۳۲۶ تاريخلي ۵۶۳ نومرولي اعلام صورتيدر :

« اعضا ملازم لرينك عندالاجباب اعضايه و كاتي صلاحيت قانونيه لري ايجاباتندن اولدقنه و مظلونلر شاهدلر عليه تدعين ماده صورتيله بر طمعه بولندقلري تقديرده طعنك تدقيقي ايجاب ايدميه جكنه دائر »

سلانيك ولايتي استيناف محكمه سي جنجه دائره سندن تنظيم واعطا قلنان ۲۹ كانون ثاني سنه ۳۲۵ تاريخ و اوجيوز الله بر نومرولي اعلامك تميزاً تدقيقي طلبني حاوي بكر بن مصطفى جانبندن معطى استعدانامه اوراق منقرعه سيله بر لكده باش مدعي عمومليك مأموريت بهيه سندن با تبليغنامه ۱۹ نيسان سنه ۳۲۶ تاريخنده محكمه تميز استدعا دائره سنده توديع ايدلمه ولي التدقيق مذ كور استدعانامه نك مدت معينه سي طرفنده اعطا و شرائط لازمه سائر نك دخي ايفا قلنديني اكلا شملقه بالقبول تدقيقات تميزيه اجراسنه ابتدار اولندي .

اعلام مذ كورك خلاصه مالى قسطنطينك ترلا سنده بيجلوب تهيه ايدلش اولان بغدادى دمتلرندن يوز عدديني اخذ و سرقت ايلدكاري ادعاسيله مظلون عليهم اولان اشخاصدن مستدعي بكرق قانون جزانك ايكي يوز يكرمي بشنجي ماده سي حكمه توفيقاً ايكي ماه و ژاندارمه ابراهيم اونباشي ايله نفر على والياسك وظيفه لرينه مداخله ايتمكه برابر ايجلرندن ابراهيم اونباشينك ماوريني طوتمق و ياقه سندن چكمك صورتيله تحقير ايدن حسن بن ابراهيمك قانون مذ كورك يوز اون اوچنجي ماده سي موجبجه اون بش كون و مظلون مرقوم حسنه اطاله لسانده بولنديني ادعا قلنان مرقوم ابراهيم اونباشينك ايكي يوز اون درديني ماده سنده توفيقاً ايكي كون مدتله حبس لرينه و بكجي بكرى به طاش آتا فاطمه نك ايكي يوز الله سكزننجي ماده سي موجبجه يكرمي درت ساعت حبسيله برابر التي بشلك جزاي نقدي ايله محكوميته دائر لاحق اولان حكم ابتدائي اعلامي مظلون مرقومون بكر بن مصطفى جانبندن استيناف ايدلسي اوزرينه اسباب قانونيه دن دولاي اعلام مذ كورك مرقوم بكره عائد قسمك فسخيله سبق ايدن محاكمه و تدقيقات استينافيه نتيجه سنده مستألف مرقومك حر كتي ثابت اولديندن بختله ذكر اولنان ايكي يوز يكرمي بشنجي ماده سي حكمه توفيقاً اون بش كون حبس نه قرار و يرلديكني متضمندر .

لايحه تميزيه ده محاكمه نك حين رؤيتنه محكمه نك اعضاى دائمه سندن برذاتك بر كونه معذرت مشروعه سى اولقسزين موقعى بالاختيار استيناف محكمه سى اعضا ملازم سندن برينه ترك ايله محكمه نك اول صورته ايكى اعضا ملازميله ترك ايتمش اولمى وشهود مستمعه عليه وقوع بولان طعنك تدقيقه تعميق تحقيقات ايدلامكه برابر اجرا قلنان كشفده شاهد لرك كندوسنه قارشو كوستر بلان اغبرار وتجاوزاتك كشف راپورينه درج ايدلمه سى ومشتكينك افاده مجرده سنه بناء محكومتي جهته كيدلمش اولمى يولسز ومغاير قانون ايدوكندن بجله اعلام استينافى مذكورك نقضى استدعا ايدليكي كى تبليغنامه ده دخى لايحه تميزيه ده نقصان تدقيقاتن بجله سرد اولنان اعتراضات مندرجات اعلامه نظراً بجا كوريله مديكى بيانيله تميز استدعا نامه سنج ردى لزومى مرقم بولنشدر.

ايجابى لى المذاكره مندرجات اعلامدن منفيهم اولدينى اوزره تميز استدعا سنده بولنان مظنون برك فعل مدعا به جراتى عندالحاكمه جلب وافاده لرينه مراجعت اولان حقوق عموميه شاهد لرينك يكدى كيرنى مؤيد صورتده على الدرجات وقوع بولان اخباراتى واولبايده كى كشف ورقسى محتوياتى ايله مرتبه ثبوتده اولمسه نظراً محكمه استينافيه جه مرقومك تحديد جزاسى يولنده اتخاذ اولنان قرار اسباب موجبيه مستند واصل وقانونه موافق بولنش ومحاكم نزدنده بولنان اعضا ملازم لرينك عندالايجاب اعضايه وكالتى صلاحيت قانونيه لى ايجاب سندن اولمسيله اعضا ملازمك هيئت حاكمه ميسانده بولنديرليغنه ومندرجاتك محق عدى لازم كلان اعلام استينافى مؤداسندن اكلاشليدينى اوزره مظنون مرقومك عند الاستيناف شاهد لر علينده تعيين ماده صورتيله شايان تدقيق بر طعنه بولنام سندن ناشى شهود مستمعه حقه ده كى طعنك تدقيق ايدلمد كنه دائر لايحه تميزيه ده درميان اولنان اعتراضات شايان قبول اولدينى كى توسيع تحقيقات لزومندن باحث اولان اعتراضات دخى حكم لاحقك مبتى اولدينى اسباب موجبيه نظراً غير وارد كورنش ايدوكندن اعتراضات واقعه نك رديله اعلام استينافينك تصديقه واولجه اسامى وزنه ايديلان بش ليرانك ايراد قيديله برابر يوزغروش اعلام خرجنك تعرفه وتعليمات مخصوصه سنه توفيقاً مستدعين اخذينه ۲۰ نيسان سنه ۳۲۶ تاريخده متفقاً قرار ويرلدى.

محكمه تميز استدعا دائره سندن صادر اولان ۱۷ نيسان سنه ۳۲۶ تاريخلى و ۴۵۲ نومرولى اعلام صورتيدر:

« جنحه ايله لزوم محاكمه سنه هيئت اتهاميه طرفندن قرار ويريله رك محكمه سى سوق ايديلان دعوانك عندالحاكمه جنابت نوعندن كورلديكى صورتده مستنطقه توديله ويريله رك قرارنامه اوزرينه هيئت اتهاميه جه فلك يته جنحه درجه سنده اولديغنه قرار ويرلديكى حالده تعيين مرجع ضمنده محكمه تميزه سوق لازم كلور ايكن تعريفات سالتميه رعايت ايتيه رك محكمه قرارندن صوكره محكمه تميزه سوق غير جائز اولديغنه دائر »

قونيه ولايتى هيئت اتهاميه سيله نوشهر قضاسى بدايت محكمه سى جزا دائره سندن اعطا ايديلان قرار لرك

يكدى كيرينه مبايتندن ناشى تعيين مرجع دعوى طلبى حاوى ولايت مذكوره استيناف محكمه سى مدعى عمومى لى جانبندن معطى ۱ نيسان سنه ۳۲۶ تاريخلى استدعا نامه واوراق متفرعه سى باش مدعى عمومى لى مأموريت بهيه سندن باتبايعنامه ۱۵ نيسان سنه ۳۲۶ تاريخده محكمه تميز استدعا دائره سنه توديع ايدلمكه قرائت ومطالعه اولندي.

مذكور تبليغنامه ده اون ايكى ياشلارنده عبد الله جبراً فعل شنيع اجرا ايتديكى ادعا قلنان مرقومك او كى پدرى كور عثمان اوغلى دورحسنك جنحه ايله لزوم محاكمه سنه دائر هيئت اتهاميه دن تنظيم واعطا قلنان مضبطه اوزرينه محكمه مذكوره جه اجرا قلنان محاكمه نتيجه سنده فعل مذكور جنابت درجه سنده كوريله رك رؤيت دعوى وظيفه خارجنده اولديغنه قرار ويرلمش اولم سندن ناشى مقررات مذكوره پيننده شو وجهله حاصل اولان اختلافك محكمه قرارى دائره سنده وتعيين مرجع صورتنده حلى طلب اولنشدر.

ايجابى لى المذاكره اصول محاكمات جزايه قانونك يوز يتمش يدنجى ماده سنده كوستر لديكى اوزره جنحه درجه سنده محكمه سى سوق اولنان دعوانك عندالحاكمه جنابت نوعندن كورلديكى صورتده اوراقلك مستنطقه توديعيله ويريله رك قرارنامه اوزرينه هيئت اتهاميه جه فلك يته جنحه درجه سنده اولديغنه قرار ويرلديكى حالده تعارض ايدن مقررات مذكوره نك حلى ضمنده اول وقت تعيين مرجع طريقته مراجعت اولنق لازم كليركن محكمه قرارندن صوكره شوت تعريفات دائره سنده معامله يه اقتران ايتماش اولان مسئله حاضر نك محكمه تميزه سوق غير جائز اولديغندن مدعى عمومى لى تعيين مرجع حقه ده وقوع بولان طلبك رديله اوراقلك محانه اعاده سنه ۱۷ نيسان سنه ۳۲۶ تاريخده متفقاً قرار ويرلدى.

محكمه تميز حقوق دائره سندن صادر اولان ۱۲ اغستوس سنه ۳۲۶ تاريخلى و ۴۰۰ نومرولى اعلام صورتيدر:

« يميندن نكول اوزرينه حكم اعطا اولنديقن صكره ناكل اولان كيه سسه يمين ايديه رك اولسه اكالاتات اولتوب حكم واقع حالى اوزره قاله جغه نظراً محكمه استينافيه جه تكرار يمين ويريله رك مدعى عليه طرفندن ده ادای يمين ايدلمكه مدعينك ادعاسنك ردينه قرار ويرلمى نقض حكمى مستلزمدر »

اسپارطه قصبه سنج فيضاه محله سنده ساكن اغروسلى زاده ادهم افندى ايله يايلازاده محله سنده مقبان شكر جى حاجى اوغلى سليمان وبرادرى حسن افنديلر پيننده متكون دعوايه قونيه استيناف محكمه سندن فى ۲۳ حزينان سنه ۳۲۵ تاريخلى واون ايكى عدديله ويريلان اعلام مومى اليه ادهم افندى طرفندن مدت قانونيه سى طرفنده تميز ايدلمكه طرفينك اعتراض وجواب لايحه لريله بالمطالعه تدقيقات تميزيه اجرا سنده ابتدار قلندي.

اعلام مذکورک خلاصه مندرجاتی منور ادهم افنديک مومی الیها سلیان وحسن افندیله صاری اوغلی سلیان بیلرند منقده شرکت موجبجه یتش بر بیک آلتی یوز یتش بش غروش بدل مقابله مومی الیها سلیان وحسن افندیله اوچ یوز یکرمی بر سنه سنه محسوباً درعهده والتزام ایلدکری سکر وکولباشی واورانچنک وحیدیه قریه لری اعشارندن حاصل اولان الی بیک کسور غروش تمتعدن حصه سنه اصابت ایدن سکر بیک بش یوز قرق اوچ غروشک مومی الیهمدن تحصیلی وسکر قریه سی انبارنده موجود بیک کسور کیه ملزک نتیجه محاکمه یه دکن تحت تمهیره آلمسی حمید آباد بدایت محکمه سنه بالمراجعه طلب ودعوی ایتسی ولاجل المحاکمه تعیین قلنان کونده مدعی علیهمدن سلیان و برادری حسن افندیله اجابت ایتاملری اوزرینه وکیل مسخر تعیینله آنلرک غیابنده و دیگر سلیانک وجاهنده جریان ایدن محاکمه ده حاضر بر مجلس مرقوم سلیان کار وضرر بیلرند تقسیم ایدلک اوزره قرای مذکوره اعشارندن اون بیک غروشی مدعی ادهم افندی به ویکرمی یدی بیک سکر یوز او تو زیدی غروشی کندوسنه و او تو ز اوچ بیک سکر یوز او تو ز اوچ غروشیده غائب عن المجلس سلیان وحسن افندیله عائد اولق اوزره بیلرند عقد شرکت اولدیغنی وکندوسی اموال شرکت ال سورمدیکی کبی مال شرکتدن ده بدنده برشی موجود اولدیغنی و طرفین یکدیگریک امینی اولدق لری جهته سند تنظیم ایتدکری مدافعه در میان ایلسی اوزرینه اجرا قلنان محاکمه و تدقیقات نتیجه سنه مدعی مومی الیه ادهم افندیک بر موجب ادعا بدل التزامدن الاجبی اولان سکر بیک کسور غروشک مدعی علیهمدن سلیان وحسن افندیله عندالاعتراض یمیندن نکوللرینه تعلیقاً مومی الیها سلیان وحسن افندیله تحصیلنه وکفالت قویه اراءه ایلدیکی صورتده مذکور بیک کیه ملزک تحت تمهیره آلمسنه دائر بدایه صادر اولان اعلام غیابی حکمنه مومی الیها سلیان وحسن افندیله بالاعتراض سبق ایدن محاکمه ده معترض مومی الیهمادن حسن افندی قرای مذکوره اعشاری کندی کفالتیه برادری سلیان افندی به احاله ایلدیکی وکرچه برادریه پدرلرندن منتقل املاک وارضیده مشترک اینه لرده التزام واقعه شریک اولدفلرندن کندوسنه خصومت توجه ایتیه جکنی و برادری مرقومک ده مدعی ادهم افندی بی داخل شرکت ایتدیکنی و سلیان افندی ده التزام واقعه برادری مومی الیه حسن افندی الیه شریک اولدیغنی اقرارله برادر مدعی ادهم افندی بی کندوسی شریک ایتدیکنی و خبری اولقسزین برادری حسن افندی شریک ایتش ایه بیه جکنی بیان و تذکار و مدعی ادهم افندی ده عقد شرکتی سنداً اثبات ایده مدیکادن طالب تحلیف اولدیغنی افاده وازبار ایللری اوزرینه محکمه جه معترضان مومی الیهمانک مدعی ادهم افندی به اون بیک غروشک حصه و بر مدکرینه و برادری حسن افندیک شریک ایتدیکنی بیلمدیکنه دائر معترضان مومی الیهمادن یالکیز سلیان افندیک اجرای تحلیفلرینه قرار ویرلد کد نصکره جریان ایدن محاکمه و تدقیقات نتیجه سنه معترضان مومی الیهمادن حسن افندیک بر منوال محرر تکلیف اولنان یمینی بالقبول اجرا و برادری سلیان افندیک اختیار سکون الیه یمیندن نکول ایتسیله شرکت مذکورک مدعی ادهم افندی الیه حسن افندی میانه لرنده منعقد اولدیغنی تبین

ایتدیکندن و شریکک شریکی احکام شرکتده عینی شریک کبی اولدیغندن معترضان مومی الیهمانک مدافعات واقعه سنک ردیه شرکادن صاری حسن اوغلی سلیانک مومی الیها حسن و سلیان افندیله علیه اقامه ایلدیکی دعوی اوراقی میانده موجود یمیزلر راپورنده محرر یوز یکرمی سکر بیک یوز یتش غروش حاصلات عشریه دن بدل احاله اولان یتش بر بیک آلتی یوز یتش بش غروشک تنزیله حاصل اولان الی بیک درت یوز طقسان بش غروش تجارندن مدعی ادهم افندیک حصه سنه اصابت ایدن سکر بیک بش یوز قرق اوچ غروشک مومی الیها سلیان و حسن افندیله بالتحصیل مدعی ادهم افندی به اعطاسنه دائر ویریلان اعلامک عندالاستیناف اعلام مستأنف بهک اصل ملتزمک کیملرندن عبارت اولدیغنی تحقیق اولغامسندن و اعلام مستأنف به درج اولغیان یمیزلر راپورینه بنای حکم ایدلمسندن ناشی فسخیه اصل ملتزم مستأنفلرندن یالکیز سلیان افندی اولدیغنی مدعی ادهم افندیک تحت اعترافنده اولسنه و شو حالد مدعی به قارشو خصم آنجق ملتزم مومی الیه سلیان افندی اوله جغه و خصوص مدعان دولای مستأنفلرندن حسن افندی به خصومت توجه ایتیه جکنه کوره مستأنف علیه ادهم افندیک مومی الیه حسن افندی به قارشو واقع اولان ادعاسنک ردینه قرار ویرلد کد نصکره جریان ایدن محاکمه ده مستأنف سلیان افندی عقد شرکتی انکار و مستأنف علیه ادهم افندی ده ملتزم مومی الیه سلیان افندیک بدایه توجه ایدن یمیندن نکول الیه شرکتک وجودی ثابت اولدیغنی بالیان ادعای واقعی شهود شخصیه الیه اثبات ایلجه جکنی افاده وازبار و مستأنف سلیان افندی ده بومثللو شرکت دعوالرینک سنندله اثباتی لازم کله جکنی بیان و تذکار ایللری اوزرینه محکمه جه مستأنف علیه بینه تحریریه الیه اثباتدن اظهار عجز الیه اون بیک غروشک حصه اعطاسیه کندیسنی شریک ایتدیکنه دائر بر یمین تکلیفه حق اولدیغنه قرار ویرلد کد نصکره اجرا قلنان محاکمه و تدقیقات نتیجه سنه مستأنف مرقوم سلیان افندی به قارشو بر منوال محرر تکلیف اولنان یمینی مستأنف سلیان افندیک بالقبول اجرا ایلسنه بناء مجله نک بیک سکر یوز اون طقوزنجی ماده سی موجبجه مستأنف علیه ادهم افندیک دعوی واقعه سنک ردیه مستأنف سلیان افندی به قارشو معارضه دن منعه حکمدن و مستدعی تمیزک اشبو حکم علیه نه لایحه سنه محرر باشلوجه اعتراضی مستأنف سلیان افندیک بدایه تکلیف ایدیلان یمیندن نکول ایتدیکی حالد مؤخرأ محکمه استینافیه ده بدایت محکمه سنه نکلیف اولنان صورتده تکرار تحلیفی اجرا قلنه رق بر منوال محرر منع معارضه سنه قرار ویرلسی مغایر قانون اولدیغندن بجمله اعلام مذکورک نقضی استدعاسندن و لایحه جوابیه مؤداسی ده غیر وارد اولان اعتراض مذکورک ردیه موافق اصول و قانون اولان اعلام مذکورک تصدیق طلبندن عبارتدر .

ایجاب کیفیت مذاکره اولندقه بدایه لاحق اولان حکم مرقوم سلیانیه اصولی دائره سننده تکلیف اولنان یمیندن نکول ایتش اولمسندن طولای صادر اوله رق حکم و التزام ایدلمشیکن اعلام ابتدائی لدی الاستیناف یمینک شکل و صورته دائر اولیوب سبب اخیردن دولای اعلام ابتدائی فسخ ایدیلرک سبب فسخ ا کمال ایدلدکن صکره مرقوم سلیانیه بدایت محکمه سنه تکلیف اولان صورت و شکله

تكرار يمين تكليف ايدلمش و مرقوم سليمان ده بودفعه بوجه تكليف يمين ايتمش اولمسيه مدعينك ادعاسنك ردينه قرار و برلمش ايسه ده محكمه استينافك فسخ قرارى شكل يمينده كي يولسزلغه متدائر اولديغنه و مجله نك بيك يدى يوز اللى برنجى ماده سنده بيان اولديغى اوزره يميندن نكولى اوزرينه حكم اعطا اولندقدن صكره ناكل اولان كيمسه يمين ايدجك اولسه اكا التفات اولميوب حكم واقع حالى اوزره قاله جفنه و على الخصوص يميندن نكولى على قول اقرار اولوب مجله نك بيك بشيوز سكسان سكرنجى ماده سى موجبجه حقوق عبادده اقراردن رجوع صحيح اولديغنه و هر نه قدر ديكر بر قوله كوره يميندن نكول بذل واحسان ايسه ده آندن شبهه اقرار بولمقى ملايسه سيله بوبذل واحساندن بعد الحكم رجوع اولنه ميه جفنه و يمين ايتمك مدعى عليهك حق اولوب نكول واقع ايله اشبو حقى اسقاط و ابطال ايتمش واسقاط مذكور دخی حكم حاكم ايله تاكد ايتمش اولمسنه نظراً محكمه استينافيه جه بعد النكول و الحكم تكرار يمين و يريله رك بوجه مشروح قرار اعطاسى سالف الذكر مواد قانونيه احكامنه و قواعد حقوقيه مخالف و مغاير بولنش اولديغنه بناءً اصول محاكمه حقوقيه قانوننك ايكي يوز اوتوز ايكنجى ماده سى موجبجه اعلام مذكورك نقضيله قانون مذكورك ايكي يوز قرق دردنجى ماده سنك فقره اولاسى حكمه توفيقاً كيفيتك تكرار بالرؤيه اعلامه ربطى ضمننده محكمه مذكوره اعاده سنه مصارف تميزيه نك حقسز چيقه جق طرفه عائد اولمسنه ۱۲ اغستوس سنه ۱۳۲۶ تا يخنده اكثرينته قرار و يرلدى .

محكمه تميز حقوق دائره سندن صادر اولان ۱۲ اغستوس سنه ۳۲۶ تاريخلى و نومرولى اعلام صورتيدر:

« حراك قديم اولديغى تواتراً اثبات ايدجكنى مدعى عليه بيان ايتسيه تواتر علم يقين افاده ايدرك بنیه عاديه اوزرينه مراجع بولنديغنه كوره محكمه جه تواتر بنیه سنك استماعى لازم كلور ايكن بوندن ذهول ايدلمى نقض حكمى مستلزمدر »

رسنه قصبه سنك خرسيتيان محله سنده خرسى و لدطاسه ايله پانغوچه قريه سندن باغچوان يوركى ولدناوم ميانه سنده متكون دعوايه دائر رسنه بدايت محكمه سى حقوق قسمندن ۲۹ كانون ثانى سنه ۳۲۵ تاريخى و اوتوز اوچ عدديله و يريلوب مرقوم خرسى طرفندن تميزى استدعا قلنان اعلام طرفينك اعتراض و جواب لايحه لريله بالمطالعه تدقيقات تميزيه اجراسنه ابتدار اولندى .

مذكور اعلامك خلاصه مندرجاتى مرقوم يوركينك متصرف اولديغى قريه مذكوره ده كاش معلوم الحدود بر قطعه ترلاسنك الت جهتندن جريان ايدن دكر من حرقك مجراسنى مزبور دكر من حصه دارلرندن مرقوم خرسى ديكر محله نقل ايدرك احداث ايدلىكى حرقه نزول ايدن بارانك تراكمندن آقان صولرك ترلاسنه ايراث مضار ايتمكده اولديغندن و حرقك متحدث اولديغى بالينه اثبات ايدجكندن بحثله مضرت واقعه نك

دفع و رفعى طلب و دعوى و مدعى عليه دخى تبديل ايدلىكى ادعا اولنان حرقك اليوم حال قديمى اوزره موجود بولنديغى و كندوسينده بونى تواتراً اثبات ايدجكنى افاده و ادعا ايللرى اوزرينه حدوث بنیه سنك استماعى و محل منازع فيهك كشفى قرار كير اولدقدن صكره جريان ايدن محاكمه و تدقيقات نتيجه سنده مدعا به حرقك اليوم بولنديغى موقعده بوندن آتى ماه مقدم تأسيس ايدلىكى و بناءً عليه حادث اولديغى شهود مستمعه معدله نك شهادات و كشفى ناطق معطى تقرير مندرجاتيله ثابت اولديغندن مجله نك بيك ايكي يوزنجى ماده سى موجبجه مدعا به حرقدن مدعينك ترلاسنه ضرر ايقاع ايدجكي تحقق ايدن اللى متره سنك حال سابقه ارجاعنه حكمدن و اشبو حكم عليهنده مستدعى تميزك لايحه سنده مندرج اعتراضاتك باشلوجه سى حدوث بنیه سنك كندوسنك اقامه ايدجكي تواتر بنیه سنه ترجيحاً استماعيله بر منوال محرر حكم اولمى مغاير قانون اولديغندن بحثله اعلام مذكورك نقضى استدعاسندن و لايحه جوابيه مالى اعتراضات مسروده نك غير وارد بولنديغندن ردى طلبندن عبارتدر .

ايجابى مذاكره اولندقدن دعواى واقعه هر نه قدر بوجه مشروح حكم و قراره ربط اولنش ايسه ده منازع فيه حرقك قديم اولديغى تواتراً اثبات ايدجكنى مدعى عليه خرسى نك بيان ايتمش اولديغنه و مجله نك بيك يدى يوز اوتوز اوچنجى ماده سى موجبجه تواتر علم يقين افاده ايدرك بنیه عاديه اوزرينه مرجع بولنديغنه كوره محكمه جه تواتر بنیه سنك استماعى لازم كلور ايكن بوندن ذهول ايدلمى يولسز و اصول و قانونه مغاير اولديغنه بناءً اصول محاكمه حقوقيه قانوننك ايكي يوز اوتوز ايكنجى ماده سى موجبجه اعلام مذكورك نقضيله قانون مزبورك ايكي يوز قرق دردنجى ماده سنده توفيقاً كيفيتك تكرار بالرؤيه اعلامه ربطى ضمننده محكمه مذكوره اعاده سنه و زيرده مفرداتى مرقم اولوب اولجه مستدعى تميز طرفندن و يريلان و بو كره طرفندن ايفا اولنان غروشهك جمعاً غروش مصارف تميزيه نك ايلروده حقسز چيقه جق طرفه عائد اولمسنه ۱۲ اغستوس سنه ۳۲۶ تاريخنده متفقاً قرار و يرلدى .

محكمه تميز حقوق دائره سندن صادر اولان ۱۷ كانون ثانى سنه ۳۲۵ تاريخلى و نومرولى اعلام صورتيدر :

« مهابته و تقسيم منافعدن عبارت اولغله حصه دارانك حصه لرني و هر بيريه اصابت ايدن مدت مهابته نك تعيينندن صوكره قرعه كشيده سيله هر كسك مدت انتفاعك صاحبه حصر و تخصصى لازم كلير ايكن مدعى برطرف و مدعى عليهك جمله سى ديكر طرف عديله مهابته به قرار و يرلسى نقض حكمى مستلزمدر »

نابلس قصبه سى اهاليه سندن عبداللطيف و مخدومى عزيز و واديب افنديلر و همشيرلرى محفوظه

ووالدہ لری فاطوم خانم ایلہ حاجی محمود افندی میسانہ لرنده متکون دعوایہ دائر نابلس سنجانی بدایت محکمہ سی حقوق قسمندن ۲۵ نیسان سنہ ۳۲۵ تاریخ و قرق درت عددی ایلہ ویریلان اعلام مومی الیہم عبداللطیف افندی ورفقاسی طرفلرندن مدت قانونیہ سی طرفندہ تمیز اولنہرق اوراق تمیزیہ صورتلری علی الاصول مومی ایلہ محمود افندی یہ تبلیغ ایدلمش اولدینی حالده جواب لایحه سی ویرلماش اولغلہ اعلام مذکور لایحه اعتراضیہ ایلہ بالمطالعہ تدقیقات تمیزیہ اجراسنہ ابتدار اولندی .

مذکور اعلامک خلاصہ مندرجاتی مومی ایلہ محمود افندی قصبہ مذکورہ نک فریون محلہ سندہ کائ اولوب یکر می درت قیراط اعتباریہ اون یحق قیراطنہ متصرف اولدینی معلوم الحدود برباب خانہ کی حصہ - سنہ دیگر حصہ لری متصرف لری مزبورون طرفلرندن فضولی وقوعبولان مداخلہ نک منعیہ باقرعہ شرعیہ مہایئہ اجراسنی طلب ودعوی ولوجل الحاکمہ معین کونده مدعی علیہمندن عبداللطیف وتمر افندیلریاہ محفوظہ وفاطوم خانم وکیل بالورود مدعا بہ حصہ نک مدعی مومی الیہک منحصرأ مالی اولیوب مؤکلریاہ پدرلریاہ ورثہ سائرہ سنک مشترکاً تحت تصرفلرندہ بولندقلرندن بوبایدہ کندولرینہ خصومت توجہ ایتیمہ جکینی مدافعہ اتیان وورود ایتیان ادیب افندی نک یرینہ تعیین اولنان وکیل مسخرک انکار مدعا ایللری اوزرینہ ومحکمہ جہ وضع بد حقدہ استماع شہود ولنہرق وضع یدی بالینہ ثابت اولان مدعی علیہمندن عبد اللطیفک مخدومی فریزک دخی وقوعبولان دعوتہ اجابت ایتامسی ایلہ آنک ایچوندہ وکیل مسخر بالتعین مدعی علیہمندن عبداللطیف وتمر افندیلریاہ محفوظہ وفاطوم خانم حقارندہ وجاہاً وادیب افندی ایلہ فریز حقدہ غیباً جریان ایدن محاکمہ وتدقیقات نتیجہ سندہ مدعا بہ خانہ نک اون یحق قیراطنک مدعی مرقومک تحت تملکنده بولندینی مدعی علیہمندن حاضر بالحاکمہ اولانلرک اقرارلریاہ ثابت اولسنہ وانحق ادیب افندی ایلہ فریز ایچون تعیین قلنان وکیل مسخرک افکارینہ قارشو مدعی مومی الیہک طالب تحلیف اولندیغنه بناءً مجلہ نک بیک سکزیوز اون یدنجی مادہ سی موجبہ مدعی علیہمندن ادیب وفریز افندیلرک اجرای تحلیفلرینہ تعلیقاً حصہ مذکورہ ی مومی ایلہ محمود افندی نک تصرفنہ وکشیدہ قلنان قرعہ دہ ایلک حق اقامت مدعی مومی ایلہ محمود افندی یہ اصابت ایتدیکی جہتلہ مدعا بہ خانہ نک کاملاً ہرایی سنہ دہ اون یحق ماہ محمود افندی نک وہرایی سنہ اون یحق ماہدہ مدعی علیہمک حق تصرف واقامت لری اولدیغنه ومجلہ نک بیک یوز یمش آلتنجی مادہ سی موجبہ مدکور مہایئہ نک صحتہ حکمدن واشبو حکم علیہندہ مستدعیلرک لایحہ لرنده محرر اعتراضاتنک باشلوجہ سی مدعا بہ خانہ دہ شرکانک حصہ لری نک علی الانفراد مدعی مومی الیہ تعیین وتصریح ایتدیریلرک آندن صکرہ مہایئہ اجراسی لازم کلور ایکن محکمہ مذکورہ جہ بوجہتلرک نظر دقتہ آلتامسی مغایر قانون اولدیغندن بحثلہ اعلام مذکورک نقضی استدعاسندن عبارتدر .

ایجابی مذاکرہ اولندقدہ اعلام مذکور مائلندن مفہم اولدینی اوزرہ محکمہ مذکورہ جہ ہر نہ قدر برمنوال محرر حکم اولنمش ایسہدہ مہایئہ تقسیم منافعدن عبارت اولغلہ مجلہ نک ۱۱۲۴ ، ۱۱۷۸ ، ۱۱۸۰ ،

۱۱۶۶ نجی مادہ لری موجبہ بالجلہ حصہ دارانک مقدار حصہ لری مدعی یہ تعیین وتفصیل ایتدیریلرکدن صکرہ حصہ دارلرندن ہر یرینہ حصہ سنہ کورہ اصابت ایدن مدت مہایئہ نک تعیینندن صکرہ قرعہ کشیدہ سیلہ ہرکسک مدت انتفاعنک صاحبہ حصہ وتخصیصی لازم کلور ایکن مدعی برطرف ومدعی علیہمک جہلہ سی دیگر طرف عدلیہ مہایئہ یہ قرار ویرلسی یولسز ومغایر قانون اولدیغندن اصول محاکمہ حقوقیہ قانوننک ایکی یوز اوتوز ایکنجی مادہ سی موجبہ اعلام مذکورک نقضیہ قانون مزبورک ایکی یوز قرق دردننجی مادہ سنہ توفیقاً کیفیتک تکرار بالرویہ اعلام ربطی ضمنندہ محکمہ مذکورہ یہ اعادہ سنہ وزیردہ مفرداتی مرقم اولوب اولجہ مستدعی تمیزلر طرفلرندن ویریلان یوز سکسان وبوکرہ محمود افندی طرفندن ایفا اولنان ۲۵۸ یحق غروشکہ جمأ درتیوز اوتوز سکزی یحق غروش مصارف تمیزیہ نک ایلرودہ حقسز حقیقہ ق طرفہ عائد اولسنہ ۱۷ کانون ثانی سنہ ۳۲۵ تاریخندہ اکثریتلہ قرار ویرلدی .

محکمہ تمیز حقوق دائرہ سندن صادر اولان ۱۶ کانون ثانی سنہ ۳۲۵ تاریخ و . . . نومرولی اعلام صورتیدر :

« شرکتک اوراق معتبرہ ایلہ وبو صورت ممکن اولدینی تقدیردہ عین ایلہ حل مسئلہ ایدیلرک شرکتی منکر اولان طرف یمندن نکول ایلہ ثابت اولمی ودعوای واقعہ بین الشریکا تحت ایدن دعاویدن اولمی حسیلہ کیفیتک حکملرہ حوالہ سی لازمکلور ایکن بودائرہدہ محاکمہ اجراسندن ذہول اولنمی نقض حکمی مستلزمدر »

فیلورینہ قصبہ سنک واروش محلہ سی ساکنلرندن لازور ولد حاجی نیقو ایلہ دانہ دونہ میانہ سندہ متکون دعوایہ دائر فیلورینہ قضاسی بدایت محکمہ سی تجارت قسمندن ۳۰ مارت سنہ ۳۲۵ تاریخ واون آلتی عددی ایلہ ویریلان اعلام مرقوم لازور طرفندن مدت قانونیہ سی طرفندہ تمیز ایدلمش واوراق تمیزیہ صورتلری علا الاصول مزبور دانہ دونہ یہ تبلیغ اولنمش اولدینی حالده جواب لایحه سی ویرلماش اولغلہ اعلام مذکور لایحہ اعتراضیہ ایلہ بالمطالعہ تدقیقات تمیزیہ اجراسنہ ابتدار قلندی .

مذکور اعلامک خلاصہ مندرجاتی مرقوم دانہ دونہ نک مزبور لازور ودیکر رفیق ایلہ مشترکاً استیجار ایلدکاری کرمتخانہ دہ اوچ یوز یکر می اوچ سنہ سی مارتی ابتداسندہ تجارتہ مباشرت واغستوس نہایتندہ ختام ویردرک بعدہ محضر شہوددہ کوردکاری حساب نتیجہ سندہ مرقوم لازور ذمتندہ یکر می یدی عدد عثمانی التونی آلہ جنی قالدیغندن وبونی بالینہ اثبات ایدہ جکندن بحثلہ مبلغ مذکورک تخصیاتی طلب ودعوی ومدعی علیہ مرقوم دخی مدعی مزبور ایلہ بینلرندہ برکونہ شرکت اولمادیغنی ووار ایسہ بونک سند ایلہ اثبات ایدلمسی لازم کلہ جکینی مدافعہ انبا ایللری اوزرینہ محکمہ جہ مدعی مرقوم طرفندن اقامہ اولنان شہود استماع اولندقدنصکرہ جریان ایدن محاکمہ وتدقیقات نتیجہ سندہ مدعی علیہ مرقوم لازورک مدعی مزبور دانہ یہ یکر می یدی عدد عثمانی التونی بورجسلی اولدینی لدی التذکر عدل ومقبول الشہادہ

ایدوکاری آکلاشیلان شهود مستمعتهك شهادتيله ثابت اولمسه مبنی مدعی علیه مرقومك مدافعات واقعه سنك ردیله مجله نك بیک سککز یوز اون سکزنجی ماده سی موجبجه مدعابه یکر می یدی عدد عثمانلی التونسك مدعی علیه من بالتحصیل مدعی به اعطاسنه حکمندن واشیو حکم علیه منده مستدعی تمیزك لایحه سنده مندرج اعتراضاتك باشلوجه سی مستند ادعا اولان شرکتك مدعی مرقوم طرفندن اوراق معتبره ایله اثبات اولمسی لازم کلور ایکن محکمه جه بو جهتك نظر دفته آلمیه رق بینه شخصیه به استناداً بر منوال محرر علیه حکم اولمسی مغایر قانون اولدیغندن بخله اعلام مذکورك نقضی استدعاسندن عبارتدر .

ایجابی مذاکره اولندقدده محکمه مذکورجه هر نه قدر بر منوال محرر حکم اولمش ایسه ده ادعا اولنان شرکت انکار ایدلمسه کوره محکمه جه اول امرده شرکتك اوراق معتبره ایله اثباتی بو صورت ممکن اوله مادیقی تقدیرده یمین ایله حل مسئله ایدیه رك شرکتی منکر اولان طرف یمنندن نکول ایله شرکت ثابت اولدیغی حالده دعوی واقعه بین الشریکا متحدث دعاویدن اولق جهتیه کیفیتك قانون تجارتك قرقجی ماده سنه توفیقاً حکملره حواله ایدلمسی لازم کلور ایکن بو دائره محاکمه اجراسندن ذهول اولمسی مغایر قانون اولدیغندن اصول محاکمه حقوقیه قانونسك ایکی یوز اوتوز ایکنجی ماده سی موجبجه اعلام مذکورك نقضیه قانون مزبورك ایکی یوز قرق دردنجی ماده سنه توفیقاً کیفیتك تکرار بالرؤیه اعلامه ربطی ضمیمه محکمه مذکوریه اعاده سنه وزیرده مفرداتی مرقم اولوب اولجه مستدعی تمیز طرفندن ویریلان یوز یمش آلی و بوکره تمیز علیه دانه دونه طرفندن ایفا اولنان ایکیموز الی بش غروشهک جمعا درتیوز اوتوز غروش مصارف تمیزیله نك ایلروده حقسز چیه جق طرفه عائد اولمسه ۱۶ کانون ثانی سنه ۳۲۵ تاریخنده متفقاً قرار ویرلدی .

محکمه تمیز جزا دائره سنندن صادر اولان ۲۴ اغستوس سنه ۱۳۲۶ تاریخلی و ۳۲۹۴ نومرولی اعلام صورتیدر:

« وکیل مدافع طرفندن درمیان اولنان مدافعه نك اسباب ردیه سنك مجرمیت قرارنده کوسترلماسی ومعاونتله تجریم اولنانلرك قاتله نه بولده معاونتده بولندقلرینك توضیح قلمامش اولسی نقض حکمی مستلزمدر »

کرکوک سنجانی بدایت محکمه سی جزا دائره سنندن تنظیم واعطا قلنان ۱۲ مارت سنه ۱۳۲۶ تاریخلی و بش نومرولی اعلام ایله اوراق متفرعه سی باش مدعی عمومیک مأموریت علیه سنندن نقض طلبنی متضمن ۴ شعبان سنه ۱۳۲۸ و ۲۷ تموز سنه ۱۳۲۶ تاریخلی وایکی بیک سککز یوز اوتوز سککز نومرولی تبایغنامه ایله محکمه تمیز جزا دائره سنه اعطا اولمشدر .

اعلام مذکورك خلاصه مالی اوچوز یکر می درت سنه سی شیطانك اون دردنجی کونی اربیلک عرب

مجلسی اهالیسنندن سید عزالدین بن سید ولینك کیفیت قتلندن دولای جنایتله اتهام اولنان معلوم الاساسی اشخاصك وجاهاً وغیباً اجرا قلنان محاکمه علیه لری نتیجه سنده بونلردن محله مذکورلی شیخو بن مصطفی نك بالنسازه فعل قتل و جرجیس بن احمد وفراری محی الدین بن احمد وعلو وشمس الدینك فعل قتلنده معاونته وموقوف مصطفی بن عبدالعزیزك امر غیر مجبرلکه جرأتلری اولبابده مع القسم استماع اولنان شهودك شهادتی وکندولرینك افادهلری ومقتولك قبل الوفات النان افادسی وضبط ورقه سی وطیب راپوری مندرجاتیه ثابت اولدیغندن اولوجهله مجرمیتلرینه وبونلردن شیخونك حر کتنه تطابق ایدن قانون جزانك یوز یمش دردنجی ماده سنه توفیقاً اون بش ومعینلرك یوز یمش بشنجی ومصطفی نك یوز سکسان دردنجی ماده لرینه تطبیقاً اوچر سنه مدتله کورکه قونلرینه وعینونك بر آی حبسنه حکم اولدیغندن عبارتدر .

کافه اوراق دعوی بعدالمعالعه حکم وجاهی جنایتندن دولای تدقیقات تمیزیله اجرا اولندقدده تبایغنامه ده بیان اولدیغی وجهله متهملردن شیخونك فعل قتلی مقابله ایقاع ایتدیکنه دائر وکیل مدافع طرفندن درمیان اولنان مدافعه نك اسباب ردیه سنك مجرمیت قرارنده کوسترلماسی ومعاونتله تجریم ایدیلان اشخاصك دخی قاتله نه بولده معاونتده بولندقلرینك توضیح قلمامش اولسی مخالف قانون وموجب نقض اسباب قانونیه دن بولمغله اصول محاکمات جزائیة قانونسك اوچوز اون دردنجی ماده سنه توفیقاً حکم مذکورك نقضه واحکام قانونیه دائره سننده ایقای معامله اولمق اوزره اوراقنك محله اعاده سنه وایکی یوز غروش اعلام خرجنك ایلروده حقسز چیه جق طرفندن تحصیلنه ۱۷ اغستوس سنه ۱۳۲۶ تاریخنده قرار ویرلدی .

محکمه تمیز جزا دائره سنندن صادر اولان ۳۰ اغستوس سنه ۳۲۶ و ۳۳۶۸ نومرولی اعلام صورتیدر:

« مجرمیت قرارنده اسباب ثبوتیه نك لایقاه ابضاح قلمامسی نقض حکمی مستلزمدر »

هما سنجانی بدایت محکمه سی جزا دائره سنندن تنظیم واعطا اولنان ۱ ربیع الآخر سنه ۳۲۸ و ۲۹ مارت سنه ۳۲۶ تاریخلی وایکی نومرولی اعلام ایله اوراق متفرعه سی باش مدعی عمومیک مأموریت علیه سنندن تصدیق طلبنی شامل ۴ شعبان سنه ۳۲۸ و ۲۷ تموز سنه ۳۲۶ تاریخلی وایکی بیک سککز یوز قرق اوچ نومروده تبایغنامه ایله محکمه تمیز جزا دائره سنه اعطا قلممشدر .

اعلام مذکورك خلاصه مالی اوچوز یکر می درت سنه سی تشرین ثانیسنك یکر منجی کونی عمرانیه قضاسنك لقبه قریه سی زاویه مندرعه سننده مقیم احمد بن الشیخ محمودالعلی ایله والده سی بنت ابراهیم الحسنك ضربندن و خانه قیوسیه صندوقلری قیاقلرینی شکست ایتک و دیوار دلمک صورتیه نقود و اشیانك اخذ وقبض ماده سنندن دولای جنایتله اتهام اولنان اشخاصدن سقور بن عباس السقورك وجاهاً محکومیتی حقدده مقدما ویریلان اعلام تمیزاً بالتدقیق اسباب قانونیه مبنی نقض ایدیلهرك اوراقنك اعاده قلمسی اوزرینه اخیراً جریان ایدن محاکمه

عليه نتیجه سنده مهم مرقوم سقورك غياباً محكوم اولان رفقاسيله معاً مدعى محمودده آلاجنى اولان مبلغى تحصيل ايجون جبراً خانه سنده داخل اوله رق الاجننى تحصيل ايندكدن ايكي وياخود اوچ كون صوكره ليلاً ومسلماً مدعى مرقومك خانه سنده تكرار كلهرك معامله جبر وشدته اشياىنى اخذ وغصب ايدلكرى مع القسم وعلى الدرجات واقع اولان شهادات ودلائل سائر ايله ثابت اولديغندن اولوجهله مجرميته وحر كتنه توافق ايدن قانون جزانك ايكوز يكرمى برنجى ماده سنده توفيقاً اوچ سنه مدته كورك قونلسنه وجاهاً حكم اولنديغندن عبارتدر .

كافة اوراق دعوانك مطالعه سندن صكره تدقيقات تميزيه اجرا اولندقد هره قدر تبليغنامه اعلام مذكورك تصديق طلبنه متدائر ايسه ده مرقومك محكوميتى حقنده مقدما ويريلان اعلام مدعيلره مهملر آره سنده بر آلاجنق منازعه سنك وجودى شهود مستمع طرفدن خبر ويريلوب ايله وقعه ده مجرد ايضاع سركت ايجون مدعيلرك خانه سنده كلكلكرى بيان ايدلماش اولسنه قارشى مجرميت قرارنده اشيا بيتيه نك غصب ايدلكى كوستريلوب بوجهتك اسباب ثبوتيه سى لايقيه ايضاح قلنامش اولمقدن ناشى نقص ايدلمش ايكن محاكمه اخيره ده دخی اودا ئرده ابقای معامله اولنامش اولسى نقضى مستلزم اولمغه اصول محاکات جزایه قانونك اوچيوز اون دردنجي ماده سى حکمنه توفيقاً اعلام اخير مذكورك دخی نقصنه واحكام قانونيه داره سنده ابقای معامله اولمق اوزره اوراقك محله اعاده سنده واكوز غروش اعلام خرجك ايلورده حقسنر چيقه جق طرفدن تحصيله ۷ اغستوس سنه ۳۲۶ تاريخنده قرار و برلدى .

معاملات انتباه

مرفته قضاسى بدايت جزا ريدى حسن فهمى افنديك ضرب وصارقندىلق فعللربنه اجتناسار ايتسى امور جزاييه داره سنجه تدقيق اولنان تحقيقات اوراقدن نمايان اولسنه وحر كت واقعه سى مسئوليت قانونيه ي مستلزم بولمسنه بناء مومى اليه ك محاكمه آلتنه آلتسى عدليه نظارت جليله سندن امر مأذونيت اعطا اولمشدر .

قضية غير متجانسة

اصول استماع دعوى

— يكرمنجى نسخه دن مابعد —

مال شر كنده تجهيل دعواسى :

مدعى بر متوفانك وارثى مواجهه سنده « مورثك مال شر كتى مجهلا وفات ايتمكه مجله نك ۱۳۵۵ نجى ماده سنده مبنى تضمينى ايسترم » ديه دعوى ايتدكه تجهيل ايديلان سرمايه مى يوقسه سرمايه شر كته اشترا اولنان مال مى بو جهتلرك ايضاحى لازمدر .

چونكه مجله نك ۱۳۳۸ و ۱۴۰۹ ماددلى موجبجه سرمايه شر كت آنجق نقود قيبيلندن اولاجغندن مثليه مضمون اولور .

اما سرمايه شر كت ايله اشترا اولنان مال قيمياتدن ايسه وقت تجهيله كى قيمتيله ومثلياتدن ايسه مثليه مضمون وبناء عليه بونلرك ايضاحى لازمدر نته كيم مضاربك مجهلا وفاتى جهتيله مال مضاربك ضمانا طباى دعواسنده مضاربك وفاتى زماننده مال مضاربك تقديا عروض ايدوكنك بيانى لازمدر . زيرا نقد ايسه مثلى وعروض ايسه بدلى آلمغه حقى بولمغه صحت دعواده بونلرك توضيحى لازمدر .

بضاعه يي تجهيل دعواسنده دخی حكم منوال مشروع اوزره در .

قسمت دعواسى :

مدعا به حين قسمته كندى حصه سنده قالان نصيب اولنجه قسمتك رضا يا قضا اولديغتك ذكرى لازمدر . قسمت اراضى اميريه متعلق ايسه قسمتك رسماً يعنى اراضى مأمورى معرفتيله اجرا ايدلمش اولديغتك حين دعواده ايضاحى ايجاب ايدر نته كيم قسمت بالاجارتين تصرف اولنان مستغلات وقفيه به دائر ايسه تقسيم واقفك باذن متولى اجرا ايدلمش اولديغتك بيانى اقتضا ايدر .

زيرا اراضى اميريه نك بلاذن صاحب الارض كرك رضا وكرك قضاء تقسيمى باطل اولديغى كى مستغلات وقفيه نك بلا اذن المتولى كذلك قضاء يا رضا تقسيمى غير صحيحدر .

كندى ارضنده غيرك بنا انشايا اشجار غرس ايتسى دعواسى :

مدعی ، عرصه مدعه شو مدعی علیه بنا احدث يا آجاج غرس ايلدی بونلرك قلعيله عرصه نك فارغا يدينه رد واعاده ايدلمسنى طلب ايتدكده اوعرصه نك حدود اربعه سنك بياني لازم اولدينى كې بنانك طول وعرضى واخشاب يا كار كير ايدوكنك ايصاحى دخى اقتضا ايدر بونكله برابر بنا يا اشجارك قلعى عرصه يه مضراولوب اولمديغك تدقيقى دخى ايجاب ايدر . اكر مدعى بونلرك بدللىرى ويرهرك ابقا ايتك طلبنده ايسه .

دين دعواسى :

مدعا به دين ايسه مدعى آنك اولا جنسنى ثانيا نوعى ثالثا وصفى رابعا مقدارى خامسا على قول دينك سببى بيان سادسا على قول آلبويرلمسنى طلب ايدلمسى لازم كلور .

بيان جنس : آلتون يا كوش يا حنطه يا شعير ديمكله اولور

بيان نوع : عثمانلى يا انكازى يا فرانسى سكسى ديتلمكله در

بيان وصف : سكه خالصه يا خود سكه مغشوشه ديه ايصاح ايله اولور تته كيم الاجق بغداى اولنجه بيان نوع سقيه يا بريه يا خريضية يا ربعيه ديمكله و بيان وصف دخى بياض قرمزى بغداى وجيد ياردى ديه سويلمكله اولور

بلده ده تقود مختلفه بولنوبده بعضيسنك رواجى زياده اولنجه بيع آكا مصروف ايكن دعواده آكا انصراف ايتيوب بيان نوع لازم وبدون البيان دعوى غير صحيح اولور

تقودك انواع مختلفه سى بولنوب رواجده وماليتده جمله سى مساوى اولسه بومثللو تقود ايله عقد بيعده بيان نوع لازم اولمدينى حالده تقود مختلفه رواجده وماليتده مساوى اولسه بيله دعواده بيان نوع لازمدر لکن الاجق ثمن ميبعدن اولدينى تقديرده بلده ده نقد واحد معروف اولنجه بيان وصفه احتياج يوقدر شو قدر كه وقت بيعدن وقت خصومه قدر اوزون بر مدت مرور ايتمكله وقت بيعده كى نقديله غير معلوم بولنسه بوحالده نقد بلدك بياني لازمدر

اما نقوددن اولان آلاچنك هانكى حكمدار زماننده ضرب ايدلمس اولديغك بياني لازم كلز . مسكوك ومضروب اوليان كولجه آلتون دعوى اولندينى حالده مثقال وعيارى وكولچه كوش دعوى ايدلىكى تقديرده درهم وعيارى ذكر ايتك ايجاب ايدر . غروش ديه دعوى :

عثمانلى آلتونى يوز سكر يا مجيدى يه يكرمى غروشدن ديه تقيد وتخصيص ايتيهرك على الاطلاق شو قدر غروش ديه دعوى ايسه دعوى صحيح اولوب بشقه درلو ايصاحات ويرمكله مدعى مكلف ايديله من بوحالده عرف بلده جه معروف اولان غروشه مصروف اولور زيرامعروف مشروط وصراحة منصوص كيدير

وبو غروش تعبيرى ادناسنه انصراف ايدر . شويله كه ليرا يوز غروشدن اولق اوزره قيدى اوليه رق

يك غروش الاجق ادعا سنده بولنوبده بو دعوى ثابت اولوب حكم اولنسه زمانزده ليرا يوز سكر ومجديه يكرمى غروشه انصراف ايدر . يوقسه ليرا يوز وسيم مجديه اون طقوز غروشه حمل ايديله من . زيرا اولكيسى اذنادر . ومتيقن اولانده ادناسيدر .

بيان سبب : بعض علمايه كوره دعواى ديننده دينك سبب وجهتى بيان ايدلمك لازم كلير . بدون ذلك دعوى صحيح ومسموع اولماز . زيرا اسباب دينك بعضيلرى اسباب باطله دن وذمتده ثبوت دى غير موجب اموردن اولدينى جهته سبب دينك صحيح اولوب اولمدينى نزد حاكمده متضح اولمى ايچون بيان وسؤال سبب لازم كلدى .

اسباب باطله دن برى حسابدر .

حساب سبب دين اوله ماز . بناء عليه مدعى عليه بينمزرده كى حسابدن طولايى شو قدر غروش الاجم وار ديه ادعا وبونكله ا كتفا ايتسه بودعوى صحيح اولماز . زيرا ذمت مديونده دين صحيح بيع وشرا استيجار واستقراض كې بر عقد ويا خوداستهلاك مال كې موجب ضمان بر حال نتيجه سى اوله رق ثابت اولور . حساب ايسه بونلردن برى دكلدر .

حقى شاهدلر مدعى عليه ايله مدعى حساب كوردلار مدعى عليهم مدعى يه شو قدر غروش بورجى چيقدى ديه شهادت ايتسلر بوشهادت ايله هيچ برشى ثابت اولماز .

ديكر بعض علمايه كوره سبب دين بيان ايدلمسه دخى دعواى دين صحيح اولور . شويله كه سبب دى سؤال ايتك حاكم ايچون جائز ايسه ده مدعى بيان سببدين امتناع ايتسه جبر ايديله من . زيرا بعض سببى بيان ايتك مدعى ايچون ممكن اولماز .

مثلا مدعى يه مورثندن بر الاجق سندن انتقال ايدر . سبب دين سنده يازلمدينى كې مدعى دخى ديه واقف اوله ماز . بو حالده سبب دينك بيان ايدلماسى جهته ده دعوى رد ايدلمسه مدعى ايچون ضرر عظيم ترتب ايدر .

مجله ۱۶۲۷ نجى ماده سنده بوايكنجى قولى اختيار ايلشدر .

بوصورته مدعى بلا ذكر السبب الاجق ادعا ايتديكى حالده شاهدلر بيان سبيله الاجفه شهادت ايتسلر قبول اولنجه كې مدعى مع بيان السبب الاجق دعوى ايتمشكن شاهدلر بلا بيان السبب الاجفه شهادت ايتسلر ينه قبول اولنور . شهادت ايله دعوى آرهنده بيان وايصاحى مقتضى اوليان جهاتده اختلافك وقوعى قبول شهادته مانع دكلدر . مدعى بلا بيان السبب الاجق ادعا ايتمشكن مدعى عليه دى غير موجب برسبى بيان ايسه اقرارى يا انكارى عد اولنور ؟

مثلا مدعى سندن اون آلتون الاجم واردر ايتترم ديه ادعا ايتمشكن مدعى عليه سنك سندن دعوى ايتديكك الاجق ثمن ميتهدر ديوبده مدعى آنى سبب مذكوره تكذيب ايتسه عندالامام مدعى عليه مدعا

بھی اقرار ایتش اولور . لکن عندالامامین مدعی علیه بوسوزی اقرار واقعندن مؤخر ومفصولاً س. بیلر ایسه افاده واقعه اقرار دین ایسه ده موصولاً و متصلاً سویلر ایسه اقرار ایتش عد اولنماز .
دعوی دینده آلیورلمسنی طلب ایدهرم سوزینک سویلنمسی بعض فقهایه کوره شرط ایسه ده قول راجحه کوره بوسوزک علاوه ایدلمسنی امر لازم دکلدر .
تمه :

مدعا به بالاده بیان اولنان مقداره انحصار ایتمز . هر مدعا به عائد برطاقم ایضاحات لازم کلور . بونلر مدعا بهک نوعنه کوره تخلف ایدر . دعاوی وواقعاتک حصری ذاتاً ممکن دکلدر .
۴ استدعا :

استدعانک متعدد شرائطی واردر . بعضیلری اصول محاکمه ده مذکور ایسه ده بعضیلرندن قانونه ساکت بولنمشدر . بوراده جمله سنی بیان و تشریح ایده جکمز .
اولا استدعانک دعوی ملزمه یی متضمن بولنسی لازمدر .
یعنی استدعا شول دعوی احتوا ایتلیدر که اول دعوانک ثبوت و تحقیق تقدیرنده خصم علیه بر حکم ویرلک لازم کلسون .

فلان ذمتنده بدل ایجاردن یا ثمن میبعندن شوقدر غروش الاجم واردر دعواسی کبی .
لکن استدعا دعوی ملزمه یی متضمن دکلسه شایان قبول دکلدر .
مثلاً مستدعی فلان مؤسسه مالییه ایجاب ایدن تأمینات اراه ایدهرک آدن استقراض طلبنده بولندیم حالده اعطای قرضندن امتناع ایتش اولدینی بیانیله اقراض اوزرینه اجبار ایدلمسنی استدعا ایله بو استدعا قبول ایدیه منز .

ثانیاً ، استدعای اعطا وامضا ایدن کیسه نیک دعوایه اهلیتی بولنسی لابددر .
عاقلاً وبالغک دعوایه اهلیتی اولدینی کبی صبی ممیز مأذونک دخی کذلک دعوایه اهلیتی واردر .
لکن صبی غیر ممیز و مجنون کبی قاصرین طرفلرندن ویریلان استدعا قبول ایدلر .
ولی ویا وصیلری یا بونلرک وکیلاری طرفندن استدعا ایدلک ایجاب ایدر . بوکبی استدعانک تشکیل طرفین ایدلکسزین قبول ایدلماسی لازم کلور . زیرا مجلس محاکمه یی مدعی یا مدعی علیه صفتیه صبی یا مجنونک دعوت اولنسی کبی مالایعنی امورایله محکمه نیک اشتغالی جائز اولدینی مثللو اشبواستدعا بعدالقبول مواجهه طرفیندن صکره حکماً رد ایدلده مستدعی حقسز چقمش اوله جغندن مستدعی بولنان قاصرک مصارف محاکمه ایله محکوم ایدیلهرک حقسزلق ایدلکه بادی اولور .
ثالثاً ، استدعانک مورخ اولمسیدر .

استدعانک یازلدینی کون و آی و سنه و تاریخلری حاوی اولمسی لازم کلیر . بین الناس عربی و رومی نامیه ایکی تاریخ مستعمل اولوب استدعا ده بونلردن هانکی بری بولنسه کفایت ایدر .

استدعا ده تاریخک فائده سی بعض اوراقک بعض آخردن تفریق و تمیز ایدلمسنه خدمندن عبارت اولوب یوقسه استدعا ده محرر تاریخ گذشته یی مبدأ تشکیل ایده میه جکی کبی مرور زمانی قطع وازاله خصوصنده برکونا فائده سی یوقدر .

نته کیم رئیس محکمه طرفندن « قیدی اجرا ایدلمسی » اشارتی حاوی ظهر استدعا یی یازیلان شرحک زیرینه وضع اولنان تاریخ دخی رسمی عد اولنماز .

زیرا صاحب استدعا استدعای تنظیم ایتدیکی زماندن مقدم یا مؤخر تاریخ وضع ایتسی ممکن اولدینی مثللو استدعا رئیس طرفندن حواله ایدلکدن صکره دخی محکمه یی تودیع ایدلیوب برمدت صکره محکمه یی ویرمش اولمسی محتملدر .

بوصورتده استدعانک رسمی تاریخی دفتر مخصوصنه قید اولدینی تاریخ اولمسی اقتضا ایدر .

تاریخ قیدک رسمیتنه بعض مسائل تفرع ایدر .

۱ - گذشته در .

شویله که گذشته سنده مدرج اولدینی تقدیرنده پروتستو ورقه سیله دخی طلب ایدلماش ایسه دعوی عرفانک محکمه یی قیدی تاریخندن حساب ایدلمسی لازم کلور .

واقعا اصول محاکمه نیک ۱۱۲ نجی ماده سنده استدعانک بیوردلینی تاریخندن اعتباراً گذشته لازم کله جکی محرر ایسه ده مقصد قانونی بیوردلینی کون هان استدعا دفترنده قیدی اجرا اولنان عرفالدر یوقسه بیوردلینی تاریخندن اون کون صکره قیدی اجرا اولنان استدعانک بیوردلینی تاریخه اعتبار ایدلمسی جائز دکلدر .

۲ - دعوانک دیگر محکمه یی حواله سی طلبیدر .

شویله که برکیسه بر محکمه یی استدعا تقدیم ایدهرک خصصتی محکمه یی دعوت ایتدیردیکسند مدعی علیه ، شودعوان طولانی کنیدیسی ده اول دیگر فلان محکمه یی مراجعت ایله شو مدعینک علیه دعوی ایتدیکی جهته بودعوانک دخی اورایه حواله ایدلمسنی کافه مدافعانندن مقدم طلب وادعا ایتدکده اصول محاکمه نیک ۱۱۳ نجی ماده سی ایجابجه بوطالب نظر اعتباره آلتق لازم کلیر .

بو صورتده ایکی محکمه یی ویریلن استدعالردن هر هانکیسی اعطا ایدیلن محکمه ده تاریخ قیدی مقدم ایسه دعوی اوکجه اورایه عرض ایدلش اعتبار اولنورده لدی الايجاب هر ایکی دعوانک اوراده رؤیت ایدلمسی لازم کلیر . بومسئله ده نفس استدعا ده محرر تاریخه اعتبار ایدلمیه جکی کبی تاریخ حواله یی دخی اعتبار اولنماز .

۳ - مدت قانونیه نیک محافظه سیدر .

شویله که اعتراض علی الحکم واستیناف و تمیز کبی مدته تابع اولان طرق قانونیه ده مثلاً اعتراض علی الحکم استدعانک محکمه عانده سنده تاریخ قیدی مبدأ اعتبار اولنور .

تاریخ قید مدت قانونیه سی طرفنده ایسه قبول دکل ایسه رد اولنور .

رابعاً طرفینک یعنی مدعی و مدعی علیہک اسم و شهرت و صنعت و محل اقامتی یا زلمقدر .
بناءً علیہ مدعی و مدعی علیہ موجود اولدقہ دعوی صحیح اولیہ جنی کی استدعا دخی صحیح اولماز .
بوصورته بونلردن بریسی یا ایکسی مذکور اولمیان استدعا اوزرینه طرفینک محکمه یه دعوتی کی معامله
اجرا ایدلک غیر ممکن اولمغه محکمه بومثللو استدعای اساساً قبول ایلز .

بوعدم قبول استدعایه منحصر اوله جغندن مدعی ، اصولنه موافق دیگر بر استدعا تقدیم ایله اقامه دعوی
ایده بیلور .

خامساً ، طرفیندن بری تبعه عثمانیه دن اولمدینی تقدیرده هانکی دولت تبعه سندن ایدوکی یا زلمقدر . زیرا
اختلاف تابعیت ملائسه سیله بعضاً احکام دیکشور .

شویله که اختلاف تابعیت بعضاً محکمه نك وظیفه سینه حائز تأثیر اولور .
مثلاً مدعی علیہ یا مدعی اجنبی و مدعایه بیك غروشدن زیاده اولدقده حقوق عادیه دعواسی اولسه بیله
محکمه تجارتک مختلط قسمنده باقیلیر .

بعضاً دخی ترجهانک محکمه ده حاضر بولندیرلمسی مستلزم اولور .
مثلاً مدعی ، تبعه اجنبیه دن بری عاپنه تخلیه مأجور حقنده بر ادعا درمیان ایتدکه بونک محاکمه سنده
او اجنبینک منسوب اولدینی دولت سفارتی طرفندن برترجهانک بالدعوة اثنای محاکمه ده حاضر بولندیرلمسی
اقتضا ایدر .

وبعضاً دعوانک صورت حل و فسخنده حائز تأثیر اولور .
مثلاً تبعه اجنبیه دن بری تبعه دولت علییه دن بری علینه « عثمانی تابعیتی حائز ایکن وفات ایدن پدرمترک
عهده سنده مقید اراضی امیریه دن نصف حصه می شومدعی علییه برادرم و برمیور » دیه دعوا ایتدکه اختلاف
تابعیت مانع انتقال اولمغه مدعینک دعواسنک ردینی موجب اولور .

ایشته اسباب مذکورده دن دولای تبعه اجنبیه دن بولنان کیسه نك تابعیتی استدعاده بیان ایدلک لازم کیلیر .
فقط طرفیندن بری اجنبی دکل ایسه اوخالده بیان تابعیت لازم کیلر . یعنی تبعه عثمانیه دن ایدوکنک
استدعاده کوسترلمسی لازم کیلر . زیرا ممالک عثمانیه ده مقیم اولان هر فرد تابعیت اجنبیه ده بولندقرینی اثبات
ایتمدکه عثمانی تبعه سی عد اولنور .

سادساً دعوانک خلاصه سی یا زلمقدر .
استدعادن مقصد دعوی اولمغه بونک استدعاده خلاصه صورتیله یا زلمسی اقتضا ایدر . یا زلمدینی صورته
بالا « اولاً » فقره سیاه بیان اولنان شرطک موجودیتی ا کلاشامیه جنی کی خرج تعرفه سی موجبینجه لازم الایفا
اولان معامله دخی غیرقابل اجرا اوله جغندن محکمه بو استدعای قبول ایده مز .

سابعاً ، استدعاده مدعی علیہک محکمه یه بالدعوة مدعایهک تحت حکمه آلمسنی متضمن اولمیدر . زیرا

بونی تضمن ایتیان استدعا بیان حوادث و وقعاته محمول اوله جغندن مبادی دعوانی تشکیل ایده مز .
ثامناً ، استدعا صاحبی یا وکیل یا ولیسی یا وصیسی کی نائی طرفندن امضا و یا تختم ایدلمیدر . زیرا بو
وجهله مضی و مختوم اولمیان استدعاده طالب بولنیه جنی مثللو طاب معناسی دخی موجود اولیه جغندن
استدعادن معدود دکادر .

ایمدی وکیل امضاسیله تقدیم استدعا جائز ایسه ده وکیلک سند وکالتی حامل اولسی و بایسند مصدق وکیل
اولدینی امضاسنده تحریر ایلمسی شرط اولدینی قانونده مذکوردر .

برکیمسه استدعای تقدیم ایتدیکی ائنه ده وکالتی اولمدینی حالده وکیل دیه استدعای ویردکن صکره
مؤخر تاریخ ایله وکالتنامه یی استحصال ایتدکه شو وکالتنامه ده موکل وکیلک اولجه ویردیکی استدعای مجیز
اولدینی محرر ایسه مذکور استدعا کفایت ایدر . بشقه جه بعد اخذ الوکاله تقدیم استدعایه حاجت قالماز . اما
موکل ، فضولا ، اعطا قلنان استدعای مجیز اولمدینی صورته مذکور استدعانک حکمی یوقدر . تجدید استدعا
ایدلک اقتضا ایدر .

وکیلک دعوا یه وکالتی اوراق رسمیه ایله مثبت اولق لازم کیلور .
شفاهی وکالت ایله اجرای محاکمه و معامله جائز اولمدینی کی فضولا اعطا قلنان استدعانک شفاهاً ترویجی
دخی جائز دکادر .

مع ذلك استدعانک اعطاسی صره سنده وکیلک وکالتنامه سی موجود اولدینی حالده امضاسنده « وکیل فلان »
دیکله بالا کتفا « بایسند مصدق وکیل » دیو تحریر ایلمسه بوندن طولانی استدعانک حکم سزلکی لازم کیلر .
تاسعاً استدعانک تمغا پولنی حاوی اولمیدر .
بو شرطی جامع اولمیان استدعا قبول ایدلر .

مع ذلك قبول ایدلسه قبول و اوزرینه معامله اجرا ایدن مأمور اوزرینه معلوم المقدار جزای نقدی
لازم کیلیر . یوقسه بوندن صکره استدعانک اعاده سی لازم کیلر چکی کی ویریلان حکمک بوندن طولانی فسخ
یا نقضی ایجاب ایلز .

استدعا تعریفات قانونیه و تفصیلات سابقه دائره سنده یا زلمیوبده نقصان براغلدینی تقدیرده رد ایدیلر چکی
قانونده بیان ایدلمدیکندن بوجهتک ایضاحی ایجاب ایدر .

آنفاً ذکر ایدیلن شرائط ایکی قسمه منقسمدر .
قسم اول ، شرائط تکمیلدر .

بوده طرفینک شهرت و صفت و محل اقامتک یا طرفیندن بری تبعه اجنبیه دن اولوبده تابعیتک بیانی کی
شیلردر .

بونلرک استدعاده عدم ذکر یله استدعانک ردی لازم کیلر . زیرا بوقسم شرائطدن مقصد معاملات تبلیغیه نك

تسهیلی اولدینی جهتله لدی الایجاب نواقص مذکوردهنک اکیل ایتدیرلمسی لازم کلور . یوقسه نواقص مذکوردهن طولانی دیگرطرف رد استدعایی طلب ایتسه بوکا التفات اولماز .

نته کیم استدعاده تاریخ بولنمسی دخی بوقیلدن اوله رق هیچ تاریخ ذکر ایدلمسه یاخود ذکر اولنوبده خطا ایدلمسه استدعانک ردینی ایجاب ایتز .

بوصورتده استدعانک رسمی تاریخی دفتر مخصوصنه قید ایدلدیکی تاریخ اعتبار ایدلمک لازم کلیر .

قسم ثانی ، شرائط مختدر .

بوده استدعانک دعوی ملتزمه یی متضمن ومدعینک دعویاه اهل بولنمسی ومدعی ایله مدعی علیه اسمایرنک ودعوانک خلاصه سنک یازلمسی ومدعی علیه دعوت ایدلمسیه مدعا بهک تحت حکمه آلمنسی طلب قلمنسی واستدعانک ممضی یا مختوم اولمسی کبی شیردر .

بوقسم شرائطدن برینک یا زیاده سنک فقدانی استدعانک ردینی مستلزم اولور .

محکمه تمیز حقوق دائره سی رئیس

علی میر

هیئت عدول حقنده

جریده عدلیه نیک یکریمی نومرولی نسخهنده مندرج مقاله ده فرانسه ده هیئت حاکمه ایله هیئت عدولدن ترکیب ایدن محکمه جنایتک صورت تشکیلدن بحث ایتش ومحکمه جنایتک هرایکی جزئه طائد اولان وظائفی دیگر بر مقاله ده بیان ایده جکمی وعد ایتشیدم شمعی وظائف مذکوردهنک تفصیلنه ومحکمه جنایت حضورنده جریان ایده جک بر محاکمه نیک تصویرینه شروع ایدیورم شوبله که : معین ساعتده هیئت حاکمه ایله اولجه انتخاب اولنان اون ایکی عدول مقاملرینه اوطوریرلر متهم مقید اولیه رق یالکز ارقه سنده محافظلری بولندینی .حالده حضور محکمه یه چیقاریلور وانک اوزرینه محاکمه کشاد اولنور متهمک هویتی تحقیق ایچون رئیس کنیدیسی استجواب ومدافعه وکیلنه قانون ووجدان خارجه چیقماسنی اخطار ایدر اشبو اخطاراتدن صکره محکمه رئیس باشی اچیق وایاقده اولدینی حالده هیئت عدولی بروجه آتی یعنی سزلر متهم فلان شخص علیهنده درمیان اولنه جق دلائلی کالاعتنا ایله تدقیق ایده جککزه وکرمک متهمک وکرمک انی اتهام ایدن جمعیتک منافعه مغایر حرکت وحکمکزی تفهیم ایدنجیه قدر کسنه ایله اختلاط ایتیه جککزه وبرکونه غرض وسوء نیت وخوف ومحبتنه تابع اولیه جککزه ووجدان وقناعت قلبیه کزه اتباع ایدرک مستقیم وسرست بر انسانه لایق اولان بیطرفی وثبات ایله اعطای حکم ایلیه جککزه دائر جناب حقلک وانسانلرک حضورنده یمین ایدرمیسکزه دیه استخلاف ایدر بونک اوزرینه عدولک هربری بربرر رئیسک اوکنه کلرک اووجهله یمین ایدرلر عدول

بوصورتله تحلیف اولندقلری حالده معامله واقعه کآن لمیکن عد اولنور اندن صکره جریان ایده جک معامله قسماً بزم اصول محاکمات جزائییه قانوننه مطابق ایتسه ترتیبی اخلال ایتماک ایچون انلردن دخی بحث ایتمهک مجبور اولدینگی قراء کرام حضراتنه بیان ایدرم فی الحقیقه رئیس محکمه بزده اولدینی کبی متهمه علیهنده درمیان اولنه جق شیرلی دقتله استماع ایتسنی اخطار ایتدکدن صکره ضبط کاتبی هیئت اتهامیه مضبطه سیله اتهامه یی جهراً قرائت واکر ایشده مدعی شخصی وارایسه بواشاده ادعای شخصینی درمیان ایلر وشاهد صفیه استماع اولندقدن صکره بیلله تحقیقاتک ختامنه دکین دعویاه دخالت ایده بیلور وایجاب ایتدیکی حالده بنه بواشاده مدعی عمومی محاکمه نیک خفیا اجراسنی طلب ایدر لکن محاکمه نیک علانی قاعده عمومیه اولدیندن خفیا اجرای محاکمه بر معامله استثنائییه اولقله بونک توسیعی جائز اولماز بناء علیه محاکمه تقدیم ایدن ویاخود اندن صکره جریان ایده جک اولان کافه احوال علناً ایفا اولنمق مقتضیدر بویله یاپلدینی حالده معامله واقعه کآن لمیکن عد اولنور محاکمه نیک خفیا اجراسنه قرار ویرلدیکی حالده رئیس محکمه نیک محاکماتدن تحصیل ایدن احوالی خلاصه ایتمهک مجبور اولدینی نقطه یه قدر محاکمه خفیه نیک دوا می شرطدر اثنای محاکمه ده ظهوره کلان دعاوی حادثه حقنده صادر اولان قرارلرک تفهیمی ضمننده محاکمه نیک جریان خفیس موقتاً قطع اولنورک محکمه قبولری اچیلوپ قرار واقع تفهیم اولندقدن صکره محاکمه بتکرار خفیا اجرا اولنمق باشلار محاکمه نیک علناً ویاخود خفیا اجراسنی تقرر ایتدکدن صکره مدعی عمومی متهمک سبب اتهامی اولان ماده یی تشریح ایلر مدعی عمومینک اشبوتشریح دعوی مجبوریتنه عاده انحق فوق الحد مهم اولان دعوالرده رعایت اولنمقدهدر بعده ضبط کاتبی متهمک علیهنده ویا لهنده اوله رق اقامه اولنه جق شهودک اسامیسنی حاوی بوضله یی جهراً قرائت ایلر اشبو بوضله انحق محاکمه دن یکریمی درت ساعت اول مدعی عمومی ومدعی شخصی طرفلرندن متهمه ومتهم طرفندن مدعی عمومی یه تبلیغ اولنسان شهودک اسامیسنی حاوی اوله بیلور مدعی عمومی ایله متهم اسملری بوجهله تبلیغ اولنماش اولان شهودک استماعنه مخالفت ایده بیلورلر ومحکمه دخی اشبو مخالفتی نظر اعتباره الهرق شهودک اسامیسنی تبلیغ ایتدیردکدن یکریمی درت ساعت صکره انلرک استماعنه قرار ویره بیلور شاهدلرک حضور محکمه یه دعوتلری ختام بولدینی کبی رئیس محکمه بولنری شهوده مخصوص اوطه یه ادخال ویشلرنده متهم واکا اسناد اولنان جرم حقنده محاوره ومشاوره ایتماکلری ایچون اقتضا ایدن تدابیری اتخاذ ایلر

متهمک استجوابنه کلنجیه قانون رئیس امه یی متهمی محکستجوابه مجبور طوتیور هیچ بر یرده متهمک صورت عمومیه ده استجواب اولنه جقنه دائر بر فقره یوقدر لکن عادت متهمک استماع شهوددن اول استجوابی مجبوریت مرتبه سنه چیقارمشدر بزده اولدینی کبی فرانسه ده دخی رئیس محکمه متهملردن بعضیلرینی استجواب ایتدیکی ویاخود شهوددن برینی استماع ایلدیکی ائنده متهملردن برینی ویاخود برقاچنی محکمه سالونندن طیشاری اخراج ایده بیلورلکن استجواب ایدیلان متهملرک ویاخود استماع اولنان شاهدک افاداتی ختام بولدقدن صکره

اندری تکرار محاکمه سالونه ادخال ایدرک غیابلرنده جریان ایدن احوالی کندیلرینه بیلدیرمسی شرطدر شوقدرکه رئیس طیداری چیقاریلان متهملری استجواب ایتکسزین غیابلرنده جریان ایدن احوالی کندیلرینه بیلدیرمک اقتضا ایدر چونکه بویه یا بیلمدینی حالدہ بو معاملہ دن منتظر اولان باشلیجه فائده فوت ایدلش اولور متهم کندیسنه ایراد اولنان سؤاله جواب ویرمکه مجبور دکدر زیر بر کسنه کندیسنی اتهامه اجبار اولنه ماز متهم سکوتی بعض کسانک ظنی کبی اقراره محمول اولنه میوب شرق وغربده سکوت انحق انکاردیمکدر استماع شهوده نقل کلام اولندقدہ بوبادہ نظر دقتی جلب ایتسی لازمکلان باشلیجه نقطه لر محکمه جه اول امرده - مدعی عمومی طرفندن - اقامه اولنان شهودک ثانیاً مدعی شخصی طرفندن جلب ایتدیریلان شاهدلرک وثائلاً متهم طرفندن اقامه اولنان مدافعه شهودینک استماع ایدلمسی وبالجمله شاهدلرک برکونه خوف وحشیت وغرض وخصومته تابع اولیه رق حقیقت حالی سوبلیه جککیرینه دائر تحلیف اولملری وبو صورته تحلیف اولندقلرینک ضبط ورقه سنه درجی و سنلری اوز بش یاشندن اشاغی بولنان شاهدلرک استحقاقی مجبوری اولمدینی وشاهدلرک سوزلری کسلیلمیه رک سنوحات وجدانیه لری دائره سنده شفاهاً افاده مرام ایللری ومتهمایله دردنچی درجه به قدر قرابت نسبییه وصهریه لری بولنانلرک وزوج وزوجه نک ومکافات نقدیه به نائل اولان مجبرلرک شهادتلی استماع اولنامسی وبومثلولرک بلا تحلیف معلومات قیلندن اوله رق استماعلرینک تجویز اولنسی وفقط بولنرک استماعنه طرفین جانبندن اعتراض اولمدینی حالدہ افاده لرینک کان لم یکن عد اولنیه جنی خصوصلرینه متدائر در صنعتلری اقتضاسنجه کتم اسراره مجبور اولان شاهدلر متهمه اسناد اولنان فعل حقنده کی معلوماتلرینی صنعتلرینی اجرا صره سننده استحصال ایتش اولدقلری تقدیرده ایفای شهادته اجبار ایدیه مزمل اطبا وجراحلر وقابلر ایلله امور صحیه مأمورلری واجزاجیلر ودعوی وکیللری وکنه چیقاران پاپاسلر بو قیلنددر هر شاهدک افاده سی ختام بولدقدہ رئیس بوشهادته قارشو بر دییه جکی اولوب اولمدینی متهمدن ودلائلن معدود اولان بالجمله اوراق واشیائی متهمه وشاهدلره ارايه ایدرک بولنری طانیوب طانیملرینی کندیلرندن صورار

بو وجهله جریان ایدن تحقیقات ختام بولدینی کبی طرفینک ادعا ومدفاعاتنک استماعنه شروع اولنه رق اکر ایشده مدعی شخصی وار ایه اولانک وکیلی وبعده مدعی عمومی ونهایتده متهمک وکیلی وکندیی ادعا ومدافعلرینی درمیان ایدرلر مدعی شخصی ومدعی عمومی جواب ویره بیلورلر لکن دائماً صوک سوز وکیل مدافع ایلله متهمه عاندر هر ایکسیدیه مدافعه به یاردم ایدیه بیله جک شیلرک کافه سنی سوبلیه بیلورلر رئیس محکمه نک اظهار حق ضمننده رأساً شهود جلیله بلا تحلیف استماعه وایجابنده کیفیتی اهل خبره به حواله ایتکه ومتهمک دائره استنطاقده سبق ایدن افاداتی حقنده هیئت عدوله ایضاحات ویرمکه وحقیقتک ظهوری ایچون ایجاب ایدن اوراقی قرائت ایتدیرمکه وبعض اوراقک قرائتی منعه صلاحیتی وارددر معاملات مذکوره نک صوکنده رئیس محکمه محاکماتک ختام بولدینی تفهیم ایتسی متعاقب جریان ایدن محاکماتدن

متهمک له وعلینده تحصیل ایدن احوالی هیئت عدوله خلاصه ایضاح و بیان ایلر رئیس محکمه نک اشبو خلاصه سنی تنقیده طرفیندن برینک صلاحیتی یوق ایهده رئیس محکمه محاکماتدن تحصیل ایدن دلائل دائره سندن چیقارق یکیدن برطاقم احوال و اوراق درمیان ایدیه جک اولور ایهه کرک مدعی عمومی وکرک متهمک احوال و اوراق مذکوره به دائر تحقیقات اجراسی ضمننده محاکمه نک یکیدن کشاد اولنسنی طلبه حقلری وارددر محاکمه بو نقطه به واصل اولدینی کبی رئیس محکمه هیئت عدوله خطاباً ایراد ایتکه مجبور اولدینی اسئلای برورقه به تحریر ایدرک قرائت ایلر شمعی اسئلای مذکوره نک تفصیلاتنه کیریشه لم :

اولاً هیئت اتهامیه مضبطه سندن مستفاد اولان احوال اوزرینه هیئت عدوله برطاقم سؤاللر درمیان اولنق واشبو سؤاللر برنجی درجهده جرمک کافه اجزای مرکبه سیله برابر اساس فعلی احتوا ایتک وفلان شخص شویله بر فعلک مرتکبی اولمغله مجرمیدر صورتنده ایراد ایدلمک لازمدر مجرم کله سی فعلک هم معنویت وهمده مادیتی شاملدر تعبیر اخر ایلله بو کله یالکیز باشنه جنایت قصدینی اشعار ایتکده اولدیغندن انک استعمالی فاعل جرمک حرکتی جنایت قصدینه مقرون اولوب اولمدینه دائر آریجه برسؤال ایرادی تکلفندن رئیس وارسته قیلار اسئلای مذکوره ایکنجی درجهده اتهامنامه دن مستفاد اولان اسباب مشدده به متعلق بولنق لازم کلور مثلاً سرقت خصوصنده فعلک قبالی بر محله مردیون ایلله اشمق صورتیه ایضاح ایدیلوب ایدلمدیکی وایچریسته کیریلان محکک مسکون اولوب اولمدینی آریجه برسؤال تشکیل ایتک وکذا عفته تعرض وقوعی تقدیرنده جرم مذکورک فاعلی کنج قرک پدری اولوب اولمدینی هیئت عدوله خطاباً ایراد اولنان سؤالده مذکور اولنق اقتضا ایدر فرانسه قانونه توفیقاً اون التی یاشندن اشاغی بر صغیرک قاجیرلمسی جرمنده مغدورک سنی وقتل خصوصنده تعمد موجود اولوب اولمدینی خصوصنک سؤاله ادخالی لزومنی ده اونوتیمه لم . متهمک ویا مدعی عمومینک طایب اوزرینه ویاخود رأساً رئیس محکمه معذرت قانونیه اولوب اولمدینی ومتهمک سنی اون التیدن اشاغی اولدینی حالدہ فرانسه قانونی اقتضاسنجه ارباب تمیزدن اولوب اولمدینی هیئت عدولدن صورار زیرا متهم اون التی یاشندن اشاغی بولندینی حالدہ بر جنایت ایشلر ایهه کوره جکی جزا مجازات تأدیه دن اولدینی کبی بونی بلا تمیز ایشلمش اولدینی تبیین ایتدیکی حالدہ حقنده جزا ترتیب اولنه میوب یالکیز تدابیر اصلاحیه به توسل اولنور اکراه وجنت ومدافعه نفس کبی مجرمیتی کلیاً ازاله ایدن احوالک آریجه برسؤال شکلنده هیئت عدوله وضعنه لزوم یوقدر چونکه بولنر مجرم تعبیرینک احتوا ایتدیکی جنایت قصدنده داخلدرلر احوال مذکوره جنایتی احما ایدر بناء علیه جنایتی یالکیز تخفیف ایدن معذرتدن تقریق اولملری اقتضا ایدر اسباب مخففه به کلنجه بولنره دائر آریجه تحریراً برسؤال ایراد اولنماز اکر اسباب مذکوره موجود ایهه هیئت عدول بو بوباده کندیلکندن برقرار ویرمک ورئیس محکمه طرفندن دخی قانونک بو خصوصده هیئت عدوله بخش ایتدیکی صلاحیت کندیلرینه اخطار اولنق لازمدر رئیس محکمه نک بوندن زهولی معامله نک کان لم یکن حکمنده طوتلنسی موجب اولور

ثانياً اتهامنامه خارجنده اوله رق محاکات جاريه دن يکي بر فعل وقوعبولش اولديني مستفاد اولديني تقديرده اشبو فعل حقهده هيئت عدوله برکونه سؤال ايراد اولمز بوباده بشقهجه تحقيقات استنطاقيه وسائر اجرا اولمليدر اکر بالعکس محاکاتدن مستفاد اولان افعال واحوال موضوع محاکمه اولان اساس فعلك بعض کيفيات وتحولاتدن عبارت بولنور ايسه بولنور دن طولاي جنایت واقعه نك تشديد ويا تخفيف وياخود جنحه درجه سنه تنزيلي اقتضا ايدم جك اولسه بيله رئيس محکمه انلره دائر هيئت عدوله ايراد سؤاله مجبوردر مثلاً سرقت جبريه خصوصنده معامله جبريه ثابت اوله ميوب انحق فعلك ساخته اناختار ايله ايضاع اولنديني محاکاتدن مستفاد اولديني تقديرده هيئت اتهاميه ساخته اناختار استعمالی خصوصی برطرف ايتش اولسه بيله محکمه جنایت رئيسی فعلك جبراً ودرجه ثانیهده ساخته اناختار ايله ايضاع اولنوب اولمديغه دائر هيئت عدوله سؤال ايرادينه مجبوردر کذلک جبراً فعل شنيع دعواسنك محاکاتدن جبراً عفته تعرضدن بشقه برشی تحقق ايدم مامش اولسه رئيس محکمه جبراً فعل شنيع درجه ثانیهده جبراً عفته تعرض وقوعبولوب بولمديغي عدولدن صورار وکذا طفل نوزاد قتلی جرمينك محاکمه سي نتیجه سنده ايجابنه کوره دقتسزک ونظاماته رعایتسز لکدن وقتل عادی فعلنك محاکمه سنده بلا اختیار وقوعبولان ضرب وجرحدن طولاي وفاته سببت ويريلوب ويرلمديکني استفسار ايدر وبرده برقتل جرمينك فاعلی اولمق اوزره بر شخص حقهده تعقیبات قانونيه اجرا قلهرق آشنای محاکمه ده جرمك اشبو وصفی زائل اولديني تقديرده رئيس محکمه شخص مرقوم جرم مذکورک شریکی اولوب اولمديغه دائر هيئت عدوله برسؤال ايراد ايلر بولنره مسئله فرعيه تسميه قيلنور لکن انلرک سبب اتهام اولان جنایت ايله بر مناسبت ظاهره سي بولمديغي حالده بولنره دائر هيئت عدوله سؤال ايرادی جائز اولماز مثلاً بر طفل نوزادک قتلی خصوصنده رئيس محکمه محاکاتدن مستفاد اولديني بيانيه صبي سرقتی وياخود اسقاط جنين ماده لرینی وحيله لی افلاس دعواسندن طولاي طولاندير يچلق ماده سي استفسار ايدم من بولنر ديکر لرندن فرقی باشليجه برطاقم افعال جرميه درکه فاعلاری حقهده ايريجه تعقیبات وتحقيقات استنطاقيه وسائر اجرا قلنمدقه هيئت عدولک نظر تدقیقه عرضه اولنمقندن وارسته درلر بوکي احوال ظهورنده مدعی عمومی کيفیتی با طلبنامه مستنطقه توديعه مجبوردر

ثالثاً رئيس محکمه نك سؤالری ترتيب ايتديکی صروده اساس فعل ايله انک اسباب مشدده سي وياخود ايکی نوع اسباب مشدده سي برلشديره نك مسئله مرکبه ايراد ايتمه مکه دقت ايتمی ويا لکن جرمی تشکیل ایدن کيفياتی برلشديرمسی لازمکولر چونکه اصل فعل ايله اسباب مشدده سي برلشديره نك سؤال واحد ترتيب اولنديني تقديرده اسباب مشدده دن برينك عدم ثبوتی متهمک جزاسنر قالمسني موجب اولور مثلاً بزم جزا قانوننك ايکی يوز اون سکيزنجی ماده سنده بيان اولنان بش حاکم جله سي بردن بولنديني حالده ايضاع اولنان فعل سرقت جنایات عظيمه دن اولديني کي فرانسه قانوننده دخی عين احکامی حاوی بر ماده وارددر شمدی بويله بر سرقت جرميله متهم اولان برکسنه نك نتیجه محاکمه سنده رئيس محکمه عدوله خطاباً متهم مذکور

بش حاکم جله سي بردن بولنديني حالده اشبو سرقت فعلی ارتکاب ايتش اولمغه مجرم ميدر ديه بر سؤال درميان ايدم جك اولسه واحوال خمسهدن کيجه حالی ثابت اولمامش بولنسه هيئت عدول خير وياخود اوت تعبيرلريله جواب ويرمکه مجبور اولديغندن و بوتقديرجه خير ديه جواب ويرمسی لازم کله جکسندن متهمک بغير حق برائته قرار ويرلمک اقتضا ايدر بناءً عليه رئيس اول امرده متهم ارتکاب سرقت ايتمکله مجرم ميدر ثانياً کيجه حالی موجود ميدر ثالثاً فاعلار اشخاص متعدده ميدر ديه احوال خمسهدن هر يری حقهده ايری ايری سؤاللر ايراد ايدر وهيئت عدول دخی بولنرک جله سنده ايری ايری جواب ويرمکه مجبور اولور متهم کنديسنه اسناد اولنان جرمك فاعل اصليسي ميدر ياخود شریکی ميدر کي کنديسنده شائبه ترکیب بولنان سؤاللر ايرادن دخی رئيس محاکمه توقی ايدر متهم بو جرمی تمیز ايله می اجرا ايتدی وياخود بلا تمیزی اجرا ايتدی کي سؤاللر دخی بوقيلدنر فقط مجازاتنک نوعی ودرجه سي متحد اولان جرملر حقهده مسئله ترديديه ايرادی شایان قبول اوله بيلور نته کيم متهم فلان چوجوغی تنها بر محله اتمش ميدر وياخود محل مذکورہ اتمق اوزره امر ويرمش ميدر زمينده ايراد اولنان سؤالک جوازينه قائل اولمق ممکندر چونکه فرانسه قانوننده بوايکی فعلك جزاسی نوعاً ودرجه متحد اولديغندن بوندن طولاي هيچ بر مضرت تولد ايتمز سؤاللرک صورت ترتيب و ايرادی حقهده مدعی عمومی وياخود متهم طرفدن اعتراض اولنديني تقديرده بونک تدقیقی رئيس محکمه يه عائد اولنوب انحق هيئت حاکمه نك بوباده برقرار ويرمسی اقتضا ايدر مسئله مذکورہ يی حاوی ورقه نك قرائتی ختام بولنديني انده رئيس محکمه هيئت عدوله اولاً اعطا ايدم جکی قرارک اکثريله اصدار اولمسنی وبويله اولمديني حالده معامله واقعه نك کائن يکن عد اولنه جعتی ثانياً خفياً اعطای رأی اولهرق عدد ارانک مکتوم طوتلمی لزومنی وثالثاً فعلك صورت ايقاعنده اسباب مخفیه اولديغه اکثریت هيئت قائل اولديني تقديرده بوجهتک بيان اولمسنی وبويله يالديني حالده معامله کائلم يکن عد اولنه جعتی اخبار ايدر

بوندن صکره رئيس محکمه هيئت عدول رئيسه مسئله يی حاوی ورقه ايله برابر اتهامنامه وضبطنامه لری وشهودک افادات تحریر بولندن ماعدا سائر اوراق دعوانی اعطا ايدر شهودک افادات تحریر بولنک هيئت عدوله توديع ايدلمه مسنک سبي عدولک اوراق اوزرينه تدقیقات اجرا ايتمه رک محاکاتدن ذهندن حاصل اولان تأثيراته نظراً اعطای حکمه مجبور اولمليدر بعده هيئت عدول کنديلرينه مخصوص اولان اوطيه داخل اولهرق مذاکره لری ختام بولمديجه طيشاريه چيقمازلر وخارجدن هيچ برکسنه ايله اختلاط ايتمز اوطيه قپوسنده اون قدر جاندارمه برضابطک تحت قومانداسنده اولديني حالده عدولدن برينک طيشاریه چيقمامسنه وخارجدن برکسنه نك ايجریه کيرماسنه دقت ونظارت ايدر ورئيس محکمه نك اذنی اولمقسنين عدولدن بری اوطيه خارجنه چيقه جق اولور ايسه کنديسندن بش يوز فرائق جزای نقدي آلنور خارجدن برکسنه بلاذن مذکور اوطيه داخل اولور ايسه بکرمی درت ساعت حبسه محکوم اولنور رئيس محکمه دخی هيئت

عدول طرفندن دعوت اولمديجه مذکور اوطه به کیره من هیئت عدول مذاکراته ابتدار ایتمزدن اول هیئت مذکوره رئیسى صورتی آتیده محرر تعلیاتی قرائت ایلر شویله که :

قانون هیئت عدوله هانکی دلائل ایله استحصال قناعت ایتدکرینی صورماز و بر دلیک تمامیت و کفایتک صورت مخصوصده تابع طوتلی اقتضا ایدن بر طاقم قاعده لر اراه ایتمز قانون انلره کمال سکون و حضور بال ایچنده اولدقلى حالده کندی نفسلرینه مراجعت ایلرینی و متهمک کرک علیهنده و کرک لهنده در میان اولنان دلائلک کندی قوای عقایه لری اوزرنده نه دورلو تأثیر حاصل ایتدیکنی حقایق وجدانیه دأرهنده تحری ایتمزینی امر ایدر قانون انلره شوقدر و یاخود بوقدر عدد شاهدلرک شهادت ایتدکری فعله واقع نظریله باقه جقسکز دییور کذلک قانون انلره شو یوله بر ضبط ورقه سندن و یاخود بو یوله بر ورقه دن و یاخود شوقدر شهودک افاداتندن و یاخود بوقدر اماراتندن تشکل ایتماش اولان دلیله شایان قبول نظریله باقیه جقسکز دیه برشی سویله میور . قانون انحق انلره وظیفه لرینک تمامی درجاتی شامل اولان شو سؤالی ایراد ایدیور قناعت صحیحه کز واری یوقی دییور نظردقتدن دور طوتنامسی اساسلی اولان برشی وار ایسه اوده هیئت عدول مذاکراتک انحق اتهامنامه دأرهنده جریان ایتسیدر عدول یالکز اتهامنامه یی تشکیل واکا تعلق ایدن احوالی نظر اعتباره آلمغه مجبوردرلر اگر عدول قانون جزا احکامنی ملاحظه ایدرک ویره جکلری قرارک متهم حقنده استلزام ایده جکی نتایجی نظردقته آلورلر ایسه الک برنجی وظیفه لرینی سوءاستعمال ایتش اولورلر انلرک وظیفه لری اصحاب جرایمی تعقیب و دوچار مجازات ایلک دکدر انلر یالکز متهم اسناد اولنان جریمک فاعلی اولوب اولمديغه قرار ویرمک ایچون تعیین اولمشلردر

عبارات مذکوره قالین حروف ایله یازیلهرق هیئت عدولک مذاکره اوطه سنک دیوارینه دخی تعلیق اولنور تعلیاتی مذکوره نک قرائتی عقینده عدول ابتدا اصل فعل حقنده بعده اسباب مشدده و اسباب مغفویت و معذرت کبی احوال متعلقه حقنده اجرای مذاکره ایدرلر رایلر اول امرده اصل فعل حقنده درجه ثانیه ده احوال متعلقه سی حقنده آیری آیری اعطا اولمق شرطیله خفیا برر پوصلیه تحریر و ظرفلر دروننه وضع اولنهرق مذکور ظرفلر قیادیلوب جمله سی برقوانوزک ایچنه آتیلور

اسئله فرعییه کلنجه اصل فعل حقنده کی سؤاله اوت دیه جواب ویرلیدی تقدیرده انکله اشتغاله محل یوقدر کذلک اصل فعل برطرف ایدلیدی تقدیرده اسباب مشدده حقنده کی سؤاله جواب ویرمک اقتضا ایتمز فقط هر نوقت متهمک مجرمیتنه قرار ویریلور ایسه هیئت عدول فعلک ایقاعنده اسباب مخففه موجود اولوب اولمدينه دأر ایراد اولنان سؤاله جواب ویرمکه مجبوردر چونکه اسباب مخففه نک وجودی تحقق ایتدیکی کبی هیئت حاکمه فرانسه قانوننده موجود اولوب بزم قوانین جزاییه مزدن وقتیه طی ایدلش اولان اصوله توفیقاً جریمک کوره جکی مجازاتی تخفیف ایدر اصول مذکوره نک هیئت عدوله تعلق اولمديغدن بومقاله ده اندن بحث ایتیه جکم رایلر تماماً اعطا اولندقدن صکره رأی پوصله لرینی حاوی ظرفلر هیئت عدول حضورنده

ریسلری طرفندن کشاد و نتایج آراء ورقه مخصوصه نک اجوبه ستوننه درج اولندقدن صکره پوصله لر احراق اولنور و قرارلر اکثریت مطلقه ایله اصدار اولنور یعنی اون ایکی نفردن یدیمی متهمک مجرمیتی رأینده بولندقلری کبی مرقومک مجرمیتنه قرار ویریلور برأت و معذرت وعدم تمیز خصوصلری دخی الی رأی ایله قرر ایدر و هیچ بر وقت حین تفهیم قرارده آرانک عددی بیان اولماز هیئت عدوله عائد معاملات ختام بولقدن و بوبابده کی قرارنامه امضا ایدلکدن صکره هیئت مذکوره هیئت حاکمه ایله عین زمانده محاکمه سالونه چیقار و رئیس عدول طرفندن قرارنامه مذکور رئیس محکمه یه اعطا اولنور و هیئت حاکمه قرارده بعض کونه یولسزلق مشاهده ایتدیکی تقدیرده کیفیتک اصلاحی ضمننده هیئت عدولک مذاکره اوطه سنه عودتله بتکرار مذاکره کیفیت ایتلرینه و یاخود متهمک محکومیتنه قرار ویرلش اولدینی حالده هیئت عدول اصول محاکمه متعلق اشکاله رعایت ایتکله برابر ایشک اساسنده الدامش اولدینی تبین ایدرایسه قرارنامه نک علماً قرائتندن صکره ایشک یکی بر هیئت عدول طرفندن تدقیق ضمننده دعوانک اوچ آی صکره یه تعلیقنه قرار ویره ییلور واشبو ایکنجی هیئت عدول آراسنده اولکیلردن هیچ برکسنه بولنه من و هیئت مذکوره نک قراری اولکی هیئتک قرارینه موافق بیله اولسه هیئت حاکمه شوقرار اخیری اوچ آی صکره اجتماع ایده جک هیئت عدوله حواله ایده من

معامله مذکوره ختام بولدینی کبی قرار واقع طرفینه تفهیم اولنور و بوندن صکره جریان ایده جک معامله بزم اصول محاکمات جزاییه قانوننه موافق اولمغه آنک تفصیلنه حاجت یوق ایسه ده تحدید جزا قراری هیئت حاکمه طرفندن ویرمک لازم کلوب بوکا هیئت عدولک مداخله سی جائز اولمه یه جغنی بیان ایله ختم مقال ایلرم

محکمه تمیز جزا رئیسى

عنه

اسباب نقضیه

یکرمنجی نسخدن مابعد

۲۹۰ نجی ماده قانونیه احکامنه دقت ایدلسون که اتهامنامه و محاکمه ضبطنامه لر یله طرفینک ادعا و مدافعه نامه لری و اوراق متفرعه سی بالتدقیق خلاصه ایدلکدن صکره رئیس قدحجه الک کوچک عد اولنان اعضادن رأینی صورار . بو صورته آرای هیئتی صره سیله طویلامغه باشلار . انحق متهمک ادعا اولنان فعلی مرتکب اولهرق مجرمیتنه قرار ویرلدیجه درجه مجازاته دأر مذاکره اجرا اولنه میه جقدر . تعبیر آخرله اول امرده

مہمک مجرم اولدینقہ قرار ویریلوب تفہیم ایدلکدن صکرہ تحدید جزا حقنہ مدعی عمومینک ادعای و مجرمک مدافعہ سی بعدالاستماع ہیئت محکمہ اشبو ایکنجی جہتی دخی بشقہجہ بالذاکرہ تحت حکمہ الہجدر .

مواد جنائیہ مجرم علیہندہ اکثریت ، ثلثان آرانک اجتماعیلہ حاصل اولور . جنایاتی رؤیتہ مأمور اولان محاکمک صورت ترکیبی ایسہ بش کشیدن عبارتدر . حالبوکہ بشک اوچہ تقسیمی قابل دکلدر . بو مقولہ احوالہ قاعدہ بشک الی اعتباری فرضیہ سیلہ ثلثانی درت رأیک حصول اتفاقیلہ تقرر ایتک لازم کلور . احکام جنائیہندہ ثلثان آرانک اجتماعی حاصل اولہ مدینی تقدیردہ مہملر حقنہ دہا اہون اولان آرای مختلفہ تغلب ایدر . ویریلہجک حکمک دخی قاعدہ اکا مستند اولسی اقتضا ایدر . بناء علیہ بش کشیدن عبارت بولان ہیئت محکمہدن مہملرک مجرمیتی حقنہ ویریلان رأیلر ثلثان اعتباریلہ درت اولق ایجاب ایدیور . بو حالہ اوچ رأیدن عبارت اولور ایسہ اساس حکم اتخاذ اولہدہ . چونکہ اقلیتدہ قلان دیگر اعضانک رأیلری شو اکثریت عادیه نسبتلہ مہمک جنحہ ایلہ مجرمیتی ویا برائی طرفندہ بولنور ایسہ بونک مہم حقنہ دہا اہون اولسی جہتیلہ بالطبع مہمک لہنہ تفسیر اصولہ تبعاً انلرک رأی ترجیح اولنہرق برائتہ حکم ایدلک قواعد عمومیہ عادلہدندر . بو حالہ اکثریت ثلثان آرانک اراولسی مہم علیہندہ ویریلہجک قرارلردہ لازم کلور . یوقسہ مہمک لہندہ ویریلہجک قرارلر ایچون اکثریت نظامیہ دکل ایکی رأیک اجتماعی بیلہ کافی عد اولنور .

بونک ایچوندکرہ اکثریت ثلثان آرا حاصل اولہ میان احوالہ مہم حقنہ دہا اہون اولان اقلیت آرانک تغلبی قاعدہ سنہ نظراً برائت حکمی ویریلور . اکثریت ثلثانک مجرمیت قرارلرنده لزوم وجودینہ نظراً برائت حکملرنده اراولماق اقتضا ایدر .

بومسئلہ قانونیہنک تطبیق وتفسیرینہ دائر محکمہ تمیزدن ویریلان قرارلر صرہ سیلہ اعداد اولنور . ایشتہ مثالی کہ اسباب آتیہیہ استناداً ماہ الامثال اولسون .

۲۹۰ نجی مادہ احکامنہ نظراً مجرمیت قرارندہ مدافعات مسرودہنک یکان یکان بالتدقیق مذاکرہ جریانی واسباب موجبہ بیانی ایلہ ردأ ویا قبولاً بر قرار ویرلماش اولسی .

نوع جرمک مجرمیت بحثندہ تعیین وتوصیف اولنامسی یعنی جرم مدعاہک وصف قانونیسی نہدن عبارت ایسہ بیان وایضاح ایدلامسی .

مجرمیت قرارندہ تعمداً وقوع وجریانندن بحث اولنش ایسہندہ صورت وقعہیہ وقرائت اولنان اوراق مندرجاتنہ کورہ بینلرنده بر نزاع وقوعنک احتمالی وارد واحتمالدن وارستہ اولہ میان بو مسائلدہ حکم قانونک تفسیری مہمک لہنہ عائد بولنش ایکن بو جہتک نظر تدقیقہ النامسی .

ختم محاکمہدن صکرہ مجرمیت قرارندہ بالذاکرہ جرمک نوع قانونیسی تعیین اولنق لازم کلور ایکن

وصف جرمک تصریح ایدلامسی ومجرم علیہندہ اکثریت ، ثلثان آرانک اجتماعیلہ حاصل اولہجغندن مہمک اوچ رأی ایلہ مجرمیتنہ قرار ویرلشی .

مجرمیت مذاکرہ سندنہ مہم علیہنہ ہیئت حاکمہنک قناعت وجدانیہ وحقوق تقدیریہ سی حاصل اولدینی درمیان اولنقندہ ایسہندہ حق تقدیر موجود اولان دلائل وامارات اوزرینہ حاصل اولہ بیلوب یوقسہ اساساً موجودیتندن بحث اولنمیان دلائل واماراتی تقدیر جائز اولہ مامسی

اون ایکی یاشندہ مشکیکیہ اویقودہ ایکن مہمک فعل شنیع اجرا ایلدیکی اعلام مندرجاتندن مستبان اولہرق حالت نومدہ قوای مادیہ ومعنویہ موقہ معطل اولدینقہ وصیلر حقنہ جبر طبیعی موجود بولندینقہ منی حال تیقظ رضایہ دال اولہ میوب بر وضعیت اضطجاعیدہ بولنشی ملابسہ سیلہ دفع ورفع تعرضہ مقتدر اولہ میہجنی طبیعی وشو حالہ فعلک جبر مادیہ مقارنتیہ بدیہی بولنش ایکن مہمک مجرمیتنہ قرار ویرلکدن ذہول اولنشی حکامک تقدیرات وجدانیہ سی کرچہ مصون عن الاعتراض ایسہندہ انک استاد ایتدیکی دلائل واماراتک دخی درجہ حقیقتہ ایصالی لازمہدن ایکن محکمہجہ بر طاقم عنندی تأویلات واحتمالات اوزرینہ حکم اعطاسی جائز اولہ میوب ہرر فعلک صورت ثبوت ووقوعی حقنہ کی تحقیقاتک قرائت قاطعہ درجہ سنہ اقترازی و ہرر حکمک اسباب موجبہیہ استنادی مقتضی بولندینی حالہ تحقیقاتنجہ نقصان کوریلان بو جہتلر حقنہ تعمیق تدقیقات اولنامسی ومہمک علیہنہ مصروف وعکسی صورتلہ لہندہ معطوف اولہ بیلان بو مثللو احتمال شقیندہ مہمک لہندہ بولنان جہتک ترجیحی قاعدہ سنہندہ رعایت ایدلامسی .

اعلامات حکمیہنک محکمہ تمیزدن نقض اولنشی اوزرینہ تکریر محاکمہیہ نقطہ منقوضہدن بدأ اولنق لازمہ قانونیہدن اولوب نقض واقع یالکز مجرمیت قرارینہ تأثیر ایتش وبناء علیہ اندن اولکی معاملات ومحاکمات معتبر ومرعی بولنش اولسیلہ محاکمہ اخیرہیہ اونقظہدن باشلانسی وطرفین استماع اولندقدن صکرہ مجرمیت مذاکرہ سنہ کیریشلمسی مقتضی ایکن یکیدن محاکمہ اجرایی وشہود جلب واستماع ایدلمسی کی معاملاتک ایفاسی منقوض اولمان جہاتہ تجاوز ایدلش بولنشی .

مجرمیت قرارینہ تعلق ایدن نقض واقع اوزرینہ جہات غیر منتوضہنک اعلام اخیرہ درج ایدلامسی ہرر جرمک نوع قانونیسنہ کورہ مثلاً قصد وتہور وتعمد والت مخصوصہ استعمالی ومعاملہ جبروشدت اجرایی کی افعال ممنوعہنک صور اجرائیہ سنہ تعلق ایدن احوال وکیفیاتک مجرمیت قرارلرنده اسباب موجبہ سی ودلائل ثبوتیہ سی تعیین وتوضیح قلمنامسی تمیزاً مستلزم نقض اسبابندر .

خاتمہ

ایشتہ اصول جزائیہنک مجرمیت قرارینہ قدر منہی اولان محاکمات علیہ قسمنی بسط وتمہید ایدن درجات وصفحات مقدارنک ترتیب وانتظام قانونی دائرہ سندنہ مادہ ہادہ تشریح مقاصد ، تفسیرمعانی ، تدقیق مندرجات ،

استنباط احكام ايله حل مسائل واديلرينه كنز رموز الحكمين دو كيلوب صاحيلان درمكنون حقيقتك زرین تار لمعلری ايچندن انجلاي نوین ايله چوزيلوب آچیلان افکار وخطرات قانونیهك انكشاف وانعطافی تصویر ایدن اسباب نقضیه اصولیهی محکمه تمیزك اجتہادات متخذہ سندن انتخاب واقباس ايله طویلامق ومتفکرین علم حقوقك بو زمینلرده موضوع اولان اصول وقواعد عمومیه متعلق مجموعه مباحث وکلیاتی بویله یکریمی اوتوز صحیفه ایچنه صیغیر مق پرنج اوزرینه یازی یازمق قییلندن عداولنسه یری ودرکری وارد .
باشدن اشاعی جمع وتعداد وشرح وایراد ایلدیکم اسباب نقضیه حقننده نظرتقیداته اوغرایه جق نقصانلرك تعديل واصلاح صورته اکلنه موفقیتمزی تأمین ایده جك آثار مساعی به باغشلاسنی قارئین کرامك مروت خطا پوشانه لرندن امید ایدرز .

مع مافیه شونیده دیه بیلیرز که :

اسباب نقضیه مبسوطهك دلائل وممانلی تذکیر ايله انبساطه کتوردیکمز مستشهادات ومقتطفات قانونیه ومابه الاستناد عد ایتدیکمز مقررات تمیزیهك حکمت طرازانه اسلوب مرغوب نمونه لرندن یاپیش ودقایق سنجانه رموز برچسته ادا حاشیه لرندن طویلامش اولان شو امثال نقضیه مجموعه محاسن پرورده سی ، فکر ونظرلری تنویر وحقوق سیرتان ادب وقانوندن تشنه روان زلال معرفتی دلسیرایتمک ایچون رشحات تشریحاتدن انتشار وفیضان ایدن فواره نواره کبی بدایع افکار اصولیه دن جولان وجریان ایتکده اولان بر اثر فواید آور جله سندن عد اولنه بیلیر .

محکمه تمیز اعضاسندن

طلعت

تصحیح

یکریمی نومرولی جريدة عدليه نك سكریز یوز قرق سكریزنجی صحیفه سنك آلتنجی سطرنده (هیئت حاکمه نك صاغ طرفنده) دینله جك ایکن سهو قلم اوله رق (هیئت حاکمه نك صول طرفنده) دینلمش اولمغله تصحیح کیفیته ابتدار اولنور .



[۲۱] نومرولی جريدة عدليه محتویاتی

— قسم رسمی —

صحیفه
نومرولی

- توجیهات عدليه
تبلیغات عمومی
- ۸۶۱ — (۱) مقالات محررلرینك عائدا تنه داتر
۸۶۴ (۲) هر داتره جه بر آی طرفنده مبايعه ایديله جك اشیاك صورت مبايعه سنه داتر
۸۶۵ (۳) محاکم خرجلریله تمیز جزای نقدیلرینك صورت تحصیله داتر
۸۶۵ (۴) ذمتنه مال میری کپرن مأمورین عدليه حقننده
۸۶۷ محکمه تمیز هیئت عمومی مقرراتی — (۱) قبضه وکیل اولان کیمسه نك مقبوضی اولان مبلغ کندی یدنده ودیعه حکمنده اولدیقندن عندالطلب صاحبنه رد واعاده سی لازم اولدیغنه داتر
۸۶۷ محکمه تمیز استندعا داتره سی مقرراتی — (۱) استماعلرینه قرار وبریلن شهوددن دعوته اجابت ایتیانلرك احضار تذکره سی اسطاریله قرار مذکورك تنفیذی لزومه داتر
۸۷۱ (۲) مستنطقك تقدیر دلائله صلاحیتی اولمادیغنه داتر
۸۷۳ (۳) مدعی عمومیلک مقامی مظنونلرك تشدید جزالری یولنده حکم ابتدائی به قارشو بر طلبنده بولندینی حالده مؤخرأ تمیز لایحه سندن کی ادعای تشدید جزای تضمن ایتدیکی جهتهل شایان قبول اولمادیغنه داتر
۸۷۴ (۴) تعریفات قانونیه داتره سنده اجرا ایدیلان تبلیغاتك معتبر عديله اعتراض استدعاسنك مدت قانونیه نك مرورندن بختله ردی جائز اولمادیغنه داتر
۸۷۵ (۵) شهادات کاذبه ده بولندقلرندن دولایی حقننده تعقیبات قانونیه ایفا ایدیلان شهودك اخبارات واقعه سنك مدار حکم اتخاذ اولنه میه جغنه داتر
۸۷۷ (۶) اعضا ملازمیلرینك عندالاجاب اعضایه وکالتی جائز اولدیغنه داتر
۸۷۹ (۷) هیئت اتهامیه جه جرمك جنجه وعندالمحا که جنایت ونوعندن اولدینی کورولوب تکرار هیئت اتهامیه جه جنجه اولدیغنه قرار وبرلیدیکی حالده محکمه تمیزه سوق لازم کلدیکنه داتر
۸۸۰ محکمه تمیز حقوق داتره سی مقرراتی — (۱) یمیندن نکول اوزرینه حکم اعطا اولندقدن صکره ناکل اولان کیمسه یمین ایده جك اولسه آکا التفات اولنیه جغنه داتر
۸۸۱ (۲) محکمه جه تواتر یمنه سنك استماعی لازم کلور ایکن بوندن ذهول ایدلسی نقض حکمی مستلزم اولدیغنه داتر
۸۸۴ (۳) مهائیه تقسیم منافعدن عبارت اولمغله حصه دارانك حصه لرینی وهر برینه اصابت ایدن مدت مهائیه نك تعیینندن صکره قرعه کشیده سیله هرکسك مدت انتفاعنك صاحبنه حصر ونخصیصی لازم کلدیکنه داتر
۷۸۵ (۴) بین الشرکا تحدت ایدن دعاوینك قانوناً حکمسلره حواله سی مقتضی اولدیغنه داتر
۸۷

- محكمة تميز جزا دائره سی مقرراتی — (۱) وکیل مدافع طرفین در میان اولان مدافعه نك اسباب ردیه سنك مجرمیت قرارنده کوسترلی لزومنه دأثر ۸۸۸
- (۲) مجرمیت قرارنده اسباب ثبوتیه نك لایقوله ابضاح قلمسی اقتضای تیدیکنه دأثر ۸۸۹
- (۱) مرفته قضاسی بدایت جزا رئیس حسن فهی افندی نك تحت محاکمه یه ۸۹۰
- معاملات انتباهیه
- آند یغنه دأثر

— قسم غیر رسمی —

۸۹۱	بک	محكمة تميز حقوق رئیس علی حیدر	اصول استماع دعوی « مابعد »
۸۹۸	»	» جزا رئیس عثمان	هیئت عدول حقنده « مابعد »
۹۰۰	»	» جزا اعضا سندن طلعت	اسباب تقضیه « مابعد »

اعلان

قلب اچه اعمال ایلدیکی ادعاسندن طولای مذنون علیه اولوب هیئت اتهامیه جه جنایتله اتهام اولنهرق حقنده اخذ و گرفت امری ویرلش اولان واظا همانده دوبله جی چیقماز زقاقنده واقع یگرمی ایکی نومرولی خانه ده مستأجراً اقامتله کیلرده ترجانلق ودلالق ایتمکده ایکن فرار ایدن اوزونجه بویلی قمرال بیقلی الا کوزلی متاسب اغز و برونلی اوتوز یا شنده منه لائوس بن قسطنطین الیوم اثبات وجود ایتهمش اولدیغندن اصول محاکات جزائییه قانوننک اوچیوز یتش برنجی ماده سی موجبجه محکمه یه کلسی ایچون اشبوتاریخندن اعتباراً جانب ریاستدن مجدداً اون کون مهل ویرلمکله اشبو مدت ظرفنده کلدیکی حالده کندوسنه قانونه اطاعت ایتماش نظریله باقیله رق محاکمه سنک غیاباً بالرؤیه حقوق مدنیهدن اسقاط واموالی حجز اولنه جعی وبو ائشاده برکونه دعوی اقامه سنه حق اوله میه جعی وعلیهنده دعوایه قیام ایدیه جکی کبی بولندیغی محلی بیلنلرک خبر ویرمکه وبالجمله ضابطه عدلیه مأمورلرینک کندوسنی در دست ایتمکه مجبور اولدقلرینی مین اشبو قرارنامه اصول محاکات جزائییه قانوننک اوچیوز یتش ایکنجی ماده سندن استنباط اولنان احکامه توفیقاً تنظیم ومعامله حجزیه حقنده تبلیغات مقتضیه سنک اجرا وسائر معاملات ایفا اولنق ایچون نسخه کافیه سی مدعی عمومیلکه تودیع قلندیغی اعلان اولنور .

قلب اچه اعمال وسورجیلکی ایتدیکی ادعاسندن طولای مذنون علیه اولوب هیئت اتهامیه جه جنایتله اتهام اولنهرق حقنده اخذ و گرفت امری ویرلش اولان وپانغالتیده ایجادیه محله سنده اوتوز ایکی نومرولی خانه ده مستأجراً ساکن تبعه دولت علیه دن اولوب اشکالی غیر مضبوط بولنان بدستانلی شهرتنده فراری انشطاش ولدخرستو الیوم اثبات وجود ایتهمش اولدیغندن اصول محاکات جزائییه قانوننک اوچیوز یتش برنجی ماده سی موجبجه محکمه یه کلسی ایچون اشبو تاریخندن اعتباراً جانب ریاستدن مجدداً اون کون مهل ویرلمکله اشبو مدت ظرفنده کلدیکی حالده کندوسنه قانونه اطاعت ایتهمش نظریله باقیله رق محاکمه سنک غیاباً بالرؤیه حقوق مدنیهدن اسقاط واموالی حجز اولنه جعی وبو ائشاده برکونه دعوی اقامه سنه حق اوله میه جعی وعلیهنده دعوایه قیام ایدیه جکی کبی بولندیغی محلی بیلنلرک خبر ویرمکه وبالجمله ضابطه عدلیه مأمورلرینک کندوسنی در دست ایتمکه مجبور اولدقلرینی مین اشبو قرارنامه اصول محاکات جزائییه قانوننک اوچیوز یتش ایکنجی ماده سندن استنباط اولنان احکامه توفیقاً تنظیم ومعامله حجزیه حقنده تبلیغات مقتضیه سنک اجرا وسائر معاملات ایفا اولنق ایچون نسخه کافیه سی مدعی عمومیلکه تودیع قلندیغی اعلان اولنور .

غلطه ده عذاب قیوسی جاده سنده کاغد چیلق تجارتیه مشغول ایکن تجارت بحریه محکمه سنجه افلاسنه قرار

ویرلش اولان روفائل شاقی افندینک تحقیق دیون معاملاتنی ختام بولمش و تجارت بریه قانوننک ایکوز دردیجی ماده سنک فقره اخیره سی موجبجه تحقیق دیون دفترینه قید ایتدیرن آلاجلیلرک اوراق و سندات و وکالتنامه مصدقهرینی ابراز ایله مطلوباتنک تصدیق ضمننده قانون مذکورک ۱۹۹ و ۲۷۴ نجی ماده لری احکامنه توفیقاً تاریخ اعلاندن اعتباراً اون کون مهلت تعیین قلمش اولدیغندن ذکر اولسان آلاجلیلرک اوچوز یکریمی الی سنه سی ایلولنک اوتوزنجی پنجشنبه کونی ساعت التیدن طقوزه قدر محکمه مذکورنک افلاس اوطنه سنه کلری اعلان اولنور.

تجارت بحریه محکمه سی جانبندن اعلان افلاسنه قرار ویرلش اولان بک اوغلنده تستا چیمماز زقاغنده کائن مغازه سننده مقیم پروثمان و مخدومنک بوکون جریان ایدن محاکمه و جاهیه سی نتیجه سننده حال عجزده اولدیجی آکلاشیلدیجی و بنا برین افلاسک دوامنه محل بولمادیجی جهتله رفعنه قرار ویرلدیجی اعلان اولنور.

سرکز صرافیان افندینک ماردی اوغلی قره بت و بغوص اغالر ذمتنده کی بااعلام محکوم مطلوبنک استیفاسی ضمننده مدیون مومی الیهمانک بک اوغلنده قرخاتون محله سننده مارغربت زقاغنده مکرر ۲۰ نومرولی تحتانی و فوقانی بش اوطنه و بر مطبخ ایله تحتنده ۲۰ نومرولی اوچ باب دکانی مشتمل کارگیر بر باب خانه ده انتقالاً متصرف اولدقلری نصف حصه شایعه لری تحت حجزه آلهرق لدی المزایده التون اچقه یکریمی بیک غروش بدل ایله طالبی عهده سننده تقرر ایتمش اولغله تاریخ اعلاندن اعتباراً اوتوز برکون ظرفنده یوزده بش ضمیله طالب اولانلرک یوزده اون نسبتنده کی پی و دیپوزیتو اچقه لری استصحاباً دائره اجرایه مراجعت ایلری و مدت مذکورنک ختامنه مصادف اولان کله جک ماه تشرین اولک یکریمی اوچنجی جمعه ایرتسی کونی ساعت سکرز راده لرنده مذکورخانه پیشگاهنده مأموری مواجهه سننده حاضر بولملری دائره مذکورده دن اعلان اولنور.

موسیو ویدوسک بک اوغلنده قالیونجی قوللقنده بشکرچی زقاغنده قاچانینک ۳۵ نومرولی خانه سننده مقیمون یورکی و برادری صوقوفلی ماوروماتی ذمتنده کی محکوم به مطلوبنک استیفاسی ضمننده مدیونلرک آیاستفانوس قریه سننده روم کلیسای سواقاغنده بر نومرولی صرف ملک بر باب خانه ده انتقالاً متصرف اولدقلری درت سهم حصه شایعه لری لدی المزایده ایکیدیک ایکوز التون اچقه بدل ایله طالبی عهده سننده تقرر ایدهرک قرار داده قطعیسی کشیده قلمش و لاجل التبلیغ کوندریلان اخبارنامه لردن بری مدیونلردن صوقوفلی به تبلیغ ایدلمش ایسه دیگر مدیون یورکینک امریقانک قنی طرفنه کیندیجی مجهول بولدیجی مرقومه عائد اولان اخبار نامه زیرینه محله کتخداسی طرفندن ویریلان شرح مألندن آکلاشیلدیغنه و شو جهتله مرقومک اقامتگاهی مجهول بولندیغنه بناء اجرا قانوننک یکریمی اوچنجی ماده سی حکمنه توفیقاً مذکور اخبار نامه اجرا دیوانخانه سنه تعلیق اولغله تاریخ اعلاندن اعتباراً طقسان برکون ظرفنده مرقوم یورکی اثبات وجود ایدرک دینتک قریه سنه بر صورت اراءه ایلسی و یاخود رضاسیله حصه سنه عائد ایکی سهمک فراغی تقدیر ایتسی

ایندیکی حالده مذکور اخبار نامه نک تبلیغ ایدلمش عد اولنق اوزره ارتق رضا و تقریرینه باقلمقسزین طالبی عهده سنه معامله فراغیه نک اجرا اولنجه نی اعلان اولنور.

عاده ظفر خانمک آپیک پرتو افندی ذمتنده با اعلام محکوم به مطلوبنک تأمین استیفاسی ضمننده مدیون مومی الیهک مالی اولوب داین مومی الیه نامه وفاء مفروغ و فروختی محکوم اولان بک اوغلنده حسین اغا محله سننده لاله سواقاغنده یدی و طقوز نومرولی توسیع انتقالو اون اوطنی والت قاتنده برصالون وابدستخدا نلری و زمین قاتنده قیو و صهرنج و مطبخی حاوی کارگیر بر باب خانه لدی المزایده یوز یکریمی بیک غروش آتون اچقه بدل ایله طالبی عهده سننده تقرر ایدهرک موقه قرار داده سی کشیده قلمش اولغله تاریخ اعلاندن اعتباراً اوتوز برکون ظرفنده یوزده بش ضمیله طالب اولانلرک یوزده اون نسبتنده کی پی و دیپوزیتو اچقه لری مستحباً دائره مذکوریه مراجعت ایتلری و اوتوز برنجی یعنی شهر تشرین اولک یکریمی یدنجی چهارشنبه کونی ساعت طقوز قرارلرنده مذکور خانه پیشگاهنده مأمور مواجهه سننده حاضر بولملری دائره مذکورده دن اعلان اولنور.

میخالاکی خراجچی اوغلی و شرکاسنک وکیلی یورفاکی افندیادی افندینک قومقپوده کوچکی باشی سلبان اغا محله سننده عرب زاده سواقاغنده اون واون ایکی نومرولی خانه لردن مقیم ایکن الیوم اقامتگاهی مجهول بولان تجار یازیحیسی دانیهل لفر اوغلی علیهنه اقامه ایلدیجی اوتوز لیرانک عندالاعتراض انکار وقوعنده استکتابه تعلیقاً مبلغ مزبورک مع فائض و مصارف محاکمه تحصیلنه دائر ایکنجی تجارت محکمه سنندن صادر اولان ۱۴ ایلول سنه ۳۲۶ تاریخ والتی یوز قرق ایکی عددلی اعلام غیابینک صورت مصدقه سی اصول محاکمه حقوقیه قانون موقتینک یکریمی التنجی ماده سنک فقره اخیره سی حکمنه توفیقاً تبلیغ عد ایدلمک اوزره محکمه دیوانخانه سنه تعلیق اولندیجی کی اوراق حوادلده اعلان کیفیته ابتداء قلندی.

بولی سنجاغنه مربوط قریه سق ناحیه سنک کلیسا قریه سنندن کورت اوغلی حسن حسینک امین افندی به بااعلام محکوم به بورچندن طولانی تحت حجزه النان مع اولق یدی رأس تفتک کجیسی تاریخ اعلاندن اوچ کون صکره بالمزایده صاتیله جنی اعلان اولنور.

یاسف یومتوفک تحمچی دیقران اغا ذمتنده محکوم به الاجفانک تأمین تسویه سیچون مدیونک قوم قپوده حصار دیی زقاغنده کائن برقطعه منزل عرصه سننده کی اوچربع حصه سنک فروختی قراره النمش اولدیغندن بر موجب قرار حصه مذکوره اشبو ایلول رومینک یکریمی سکزنجی صالی کونندن اعتباراً اون بش کون صکره موق مزایده یه قونیه جغندن اشترایه طالب اولانلرک ودها زیاده معلومات المق ایستیانلرک محکمه تجارت اجرا دائره سنه مراجعت ایللری دائره مذکورده دن اعلان اولنور.

عدد	
۱	مرمر طاشلی ماصه
۲	کبير آينه
۲	قونسول
۱	جويزدن معمول کبير آينهلی دولاب
۱	ديوار ساعتی
۱	اليسه آصمق ايچون آينهلی دولاب
۱	رسم لوحه سی
۹	جمعاً يکون
	يالكيز طقوز قلم اشيا در

اسکدار اجرا دائره سندن :

يورکينک قاضی قريه سنده آياتيریادی کلیسای جوارنده اوتوز درت نومرولی خانه ده ساکنه مادام اسپاسیا ذمتده کی محکوم به آلاجه سیک تأمین استیفاسی ضمنده مدیونه ک مالی اولوب محجوز وفروختی قرار کیر اولان وبالاده جنس ومقداری کوستریلان طقوز قلم اشیا کله جک تشرین اول رومینک اوچنجی بازار کونی ساعت بشدن آلتی به قدر قاضی کوی واپور اسکله سی جوارنده بالمزایده فروخت اولنه جغندن طالب اولانلرک یوم وساعت مذکورده حاضر بولنلری اعلان اولنور .

• اوکیاد قادینک فنارده عبدی صوباشی محله سندن اولوب اردک مسکرات مغازه سنده مستخدم اردکی اپوستولا کی قسطنطنیدی افندی ذمتده محکمه تجارت ایکنجی مجلس اعلامیه مطلوب محکومی بولنان ایکیوز عدد لیرای عثمانیک مع فائض ومصارف محاکمه تأمین تسویه سی ضمنده حجز اولنش اولان مدیون مرقومک والده سی قلعه سلطانیه لی پلوس بنت پاپا پانده لی عهده سنده اولوب وقوع وفاتیه مدیون مرقومه انتقال ایتسی لازمکلان پرده ناحیه سی جوارنده کائ طرفلری حسنی بکک والاریه والاریه برونی وبغچه لر وتزلزل وطاشلیق وقراج محللری ومیخانیه کلبه سی برونی ودکیز ایله محدود دالین یرینک تاریخ اعلاندن اعتباراً اون بش کون صکره بالمزایده فروخته تشبث اوانه جی جهته طالب اولانلرک مراجعت ایللری لزومی باندیره اجرا دائره سندن اعلان اولنور

دیون عمومیه نک متوفی بالقجی ارشاق ذمتده محکوم به مطلوبی اولان اچمه نک تسویه سیچون متوفای مرقومک تحت تصرفده اولوب محجوز وفروختی مقرر بولنان لغه ده کاتب قاسم محله سنده حصار دیی زقاغنده واقع وعقیق مکرر قرق بش وجدید یتش درت نومرو ایله مرقم معلوم الحدود یوز بش آرشون برقطعه عرصه اشبو ایلول رومینک یکریمی ایکنجی چهارشنبه کونندن اعتباراً اون بش کون صکره موقع مزایده وضع ایدیه جکندن اشتراسه طالب اولانلرک ودها زیاده معلومات المی ایستیانلرک محکمه تجارت اجراء دیره سنده مراجعت ایللری دائره مذکورده دن اعلان اولنور .

جبالیده عاشق پاشا محله سنده ساکن ایکن افلاسه قرار ویرلمش اولان قبودان منلا زاده صالح افندی نک مصالح افلاسیه سی اونیون صورتیه نتیجه لندیکنندن اونیون سندیک کی تعیینی ضمنده اصحاب مطلوبک اشبو اوچیوز یکریمی آلتی سنه سی تشرین اولنک آلتنجی چهارشنبه کونی ساعت سکیز راده لرنده تجارت بحریه محکمه نک افلاس اوطه سنده کللری اعلان اولنور .

استانبولده بالق بازارنده ۱۶۵ نومرولی مغازه ده پینیر ویغورت تجارتیه مشغول اسفارلاتو برادرلرک ۲۸ ایلول سنه ۳۲۶ تاریخندن اعتباراً اعلان افلاسه نک مصالح افلاسیه نک رؤیت وتسویه سی ضمنده اعضای محکمه دن لطفی بکک ژوژ قومیسر ودعوی وکیللرندن ساموئل اشطاشیادی وقسطالی لغوئی افندیلرک موقت سندیک تعیینلرینه ومغازه سیله دپولرند کی اموال تجاریه واشیای زائده بیتیه نک تمهیرینه واوراق ودفاترینک جلبنه وكفالت مصدقه ارايه ایدمه مدیک تقدیرده حبس وتوقیفنه وبوبابده کی قرارک موقه اجرا سنده تجارت بحریه محکمه سندن قرار ویرلمش اولدیغندن قانونامه تجارتک یوز یتمشجی ماده سی موجبجه دائمی سندیکلری انتخاب اولنق اوزره اصحاب مطلوبک اشبو بیک اوچیوز یکریمی آلتی سنه سی تشرین اولنک اون طقوزنجی صالی کونی ساعت ۷ راده لرنده محکمه نک افلاس معاملاتنه مخصوص اوطه سنده کللری اعلان اولنور .

نمود پاشاده چورایچی خانی قارشوسنده کی مغازه ده مقیم مفلس م . به سو وشراکسنک تحقیق دیون معاملاتنه ابتدار اولنه جغندن مرقوم ذمتده آلاجه اولانلرک اوراق مثبته لری حامل اولدقلری حالده اوچیوز یکریمی آلتی سنه سی تشرین اولنک اون یدنجی بازار ، اون سکیزنجی بازار ایرتسی واون طقوزنجی صالی کونلری ساعت آلتیدن طقوزه قدر تجارت بحریه محکمه نک مصالح افلاسیه اوطه سنده بالذات ویا بالوکاله مراجعت ایدرک آلاجه لری تحقیق دیون دفتیرینه قید ایتدیرملری لازم کله جکی وایام مذکورده ظرفنده مراجعت ایتیانلر حقنده تجارت قانونک ۲۱۰ نجی ماده سی احکامنک موقع اجرایه قونیه جی اعلان اولنور .

استانبولده قطارجیلرده آتمکچی فرونده مقیم فرونجی علیکی استنویقونک ۱۶ اغستوس سنه ۳۲۶ تاریخندن اعتباراً اعلان افلاسه نک مصالح افلاسیه نک رؤیت وتسویه سی ضمنده اعضای محکمه دن بدروس قره یان افندی نک ژوژ قومیسر و دعوی وکیللرندن یوشع افندی نک موقت سندیک تعیینلرینه ومغازه سیله دپولرند کی اموال تجاریه واشیای زائده بیتیه نک تمهیرینه واوراق ودفاترینک جلبنه وكفالت مصدقه ارايه ایدمه مدیک تقدیرده حبس وتوقیفنه وبوبابده کی قرارک موقه اجرا سنده تجارت بحریه محکمه سندن قرار ویرلمش اولدیغندن قانونامه تجارتک یوز یتمشجی ماده سی موجبجه دائمی سندیکلری انتخاب اولنق اوزره اصحاب مطلوبک اشبو بیک اوچیوز یکریمی آلتی سنه سی شهر حال رومینک اوتوز برنجی صالی کونی ساعت سکیز راده لرنده محکمه نک افلاس معاملاتنه مخصوص اوطه سنده کللری لزومی اعلان اولنور .

بک اوغلنده غلطه سرای قارشوسنده سویس اولنده ساکن ایکن تجارت بحریه محکمه سندن افلاسه حکم اولنش اولان اوتلجی ولوقطه جی فراری خریستو پادوپولونک ذمتده آله جی اثبات ویا موقه قبول

وقيد ايتديرمش اولان آله جقاولورك قانوننامه تجارلك ۲۱۱ و آنى ولى ايدن ماده سى موجبجه مفلس طرفدن
تكليف اولنه جق قونغورداتونك مذاكره سى ايچون شهر اغستوسك يكرمى برنجى جمعه ايرتسى كوني ساعت
سكزده محكمه مذكوره نك افلاس اوپه سنه كللى اعلان اولنور.

اوستريا دولتى تبعه سندن ماوروقورداتو ورثه سنيك يوسفيان اونيك افندى ذمتده درسعادت ايكنجى حقوق
محكمه سى اعلاميله محكوم به الهجنى اولان مبالغك تأمين تسويه سى ضمننده حجاز اولنوب فروختى قرار كير اولان
ومديون مومى اليك والده سندن انتقال ايدن استانبولده ابراهيم پاشا محله سنده چقماقچى يوقوشنده يوسفيان
عليكساندر ناميله معروف خان تحتده واقع بر و اوچ و يش و يدى و طقوز نومرولو مغازه لرده مديون مومى
اليك بش حصه ده متصرف اولدينى بر حصه سى اشبو شهر ايلوك يكرمى سكزنجى كونندن اعتباراً اون بش
كون صكره موقع مزايده وضع اولنه جقندن طالب اولانلرك ودها زياده معلومات المق استيانلرك محكمه
تجارت اجرا دائره سنه مراجعت ايللى دائره مذكوره دن اعلان اولنور.

حسن تحسين افنديك متوفى ايليا ولد بدوس ذمتده الاجنى اولان مبالغ معلومه نك تأمين استيفاسى
ضمننده مرهون و فروختى بااعلام شرعى محكوم بولسا صالمة طمر قده كانكش قره مصطفى پاشا محله سنده
مقلوب التمش ايكي والتمش درت نومرولو تحتده بر باب دكانى مشتمل تخميناً يتمش يدى ارشون عرصه اوزرينه
مبنى اخشاب ايكي قاندى عبارت ايكي اوپه و برصوفه و بر مطبخ و دروننده برقيونى و تخميناً يتمش بش ارشون
بغچه يى محتوى بر باب خانه دن يالكز مذكور دكان ختام مدت قونطوراتو اولان فى ۱ اغستوس سنه ۳۲۷
تاريخنده تسليم اولمق اوزره تاريخ اعلاندن اعتباراً اون بش كون صكره بالمازايده فروخته تشبث اولنه جقنى
اعلامات شرعيه اجرا دائره سندن اعلان اولنور.

استپان تالليان افنديك سابق جلبلر كهياسى باش وكيلى عثمان بك ذمتده محكمه تجارت اعلاميله محكوم به
اولان الاجنك تسويه سيچون ادرنه قپوسى خارچنده امير بخارى محله سنده بكار بكي چشمه سنده واقع
ودروننده مع اوپه بر باب قهوه خانه و صنداليه ده پوسنى واشجار غير مشمره و قريه و چارداق و كيبر برخوضى
مشتمل و اطراف اربعه سى ديوار و چيت ايله محاط معلوم الحدود و على التخمين ۶۷۰۰ ذراع و بكار بكي غازينو سى
ناميله بنام غازينو واتصالنده كاشن مكرر ۴ نومر ايله مرقم على التخمين ۳۵۰۰ ارشون مقدما آخور و اليوم
يونجه ترلا سنده مومى اليك متصرف اولدينى نصف حصه لرى بوندن اقدم موقع مزايده قونيله رقى عثمانلى
ايراسى يوز غروش حسابيله اون سكز بيك بشيوز غروشده طالبي عهده سنده بولمى اولديغندن شهر ايلول
رومينك يكرمى سكزنجى صالحى كونندن اعتباراً اوتوز بر كون صكره يعنى كله جك شهر تشرين اولك يكرمى
طقوزنجى جمعه كوني ساعت اونه قدر يوزده بش ضم قبول اولمى مقرر بولمى اولديغندن اشترا سنده طالب
اولنلرك بدل مزايده نك عشرينه مساوى پي اچمه سيله برابر مدت مزبوره ظرفنده محكمه تجارت اجرا دائره سنه
مراجعت ايللى ويوم و وقت مزبوره مذكور غازينو پيشكاهنده مامورى مواجهه سنده و فردا سى كوني
دخى دائره اجرا ده حاضر بولملى دائره مذكوره دن اعلان اولنور.

اسباب تقضية تميزيه

و

مصالح متنوعه عدليه

محكمه تميز اعضا سندن طلعت و محكمه تميز جزا دائره سى باش تميزى مظهر بكارك بو عنوان ايله بوكره
تأليف ايلدكلى اثر بر صورت نقيسه ده طبع و نشر اولمشدر .
بوائر اوروپا حقوق جزائيه مؤلفلرينك اذك صوك قبول ايلدكلى افكار و مطالعات قانونيه موافق صورتده
برطرز جديد اوزره ترتيب و تنظيم و تكملات عدليه مزى معارف و ادبيات غريبه ايله مزج و تصوير ايدرك
برطالم فصللره تقسيم اولمقله برابر اصول محاكات جزائيه قانوننده عدم اجراسى مفسوخين و منقوضين
حكى مستلزم اولمق اوزره تعيين و تصریح ايديلان و اصول و قواعد عموميه ايجاباته توفيقاً محكمه تميزجه
يكى يكى اتخاذ و اجتهاد اولنان اسباب تقضية اصوليه نك تحقيقات و تعقيات و معاملات ابتدائيه قسمنه متعلق
و متنوع كليات مهمه سنى جامعدر .

بوائر مفيدى محاكات علميه و تطبيقات جزائيه مباحث علميه سنى تشكيل ايدجك ايكي كتاب تعقيب
ايدجكدرك .

مصالح متنوعه عدليه متعلق معاملات عموميه دن باحث اولمق اعتباريله رهنماى طرق قانونيه عنوانه شايان
اولان و حقيقه موجب استفاده بولان اثر مذكورى منتسبين علم حقوق ايله اصحاب مصالح و دعاوى به توصيه
ايتكى و جيبه دن عدايدرز .

هذه هي الحقيقة التي لا ريب فيها

هذه هي الحقيقة التي لا ريب فيها

هذه هي الحقيقة التي لا ريب فيها

هذه هي الحقيقة التي لا ريب فيها

هذه هي الحقيقة التي لا ريب فيها

هذه هي الحقيقة التي لا ريب فيها

هذه هي الحقيقة التي لا ريب فيها

هذه هي الحقيقة التي لا ريب فيها

هذه هي الحقيقة التي لا ريب فيها

هذه هي الحقيقة التي لا ريب فيها

هذه هي الحقيقة التي لا ريب فيها

هذه هي الحقيقة التي لا ريب فيها

هذه هي الحقيقة التي لا ريب فيها